



# বকুলাপ্পু

মুহম্মদ জাফর ইকবাল



ব্যাপারটা শুরু হয়েছিল এভাবে।

চন্দ্রা নদী তীর ভাঙতে ভাঙতে এগিয়ে এসে পলাশপুর গ্রামের বড় হিজল গাছটা পর্যন্ত এসে হঠাৎ করে থেমে গেল। হিজল গাছটার অর্ধেক তখন শুন্যে নদীর কালো পানির উপর ঝুলছে, বাকী অর্ধেক কোন ভাবে মাটি কামড়ে আটকে আছে— দেখে মনে হয় যে কোন মূহুর্তে পুরো গাছটা বুঝি পানিতে হুড়মুড় করে ভেঙ্গে পড়বে। এই গাছটা ছিল পলাশপুর গ্রামের বাচ্চা কাস্তাদের সবচেয়ে প্রিয় গাছ। তারা এর মোটা ডাল বেয়ে উপরে উঠত, মাঝারী ডালগুলিতে ঘোড়ার মত চেপে বসে দুলাত, সরু ডালগুলি ধরে ঝুল খেয়ে নিচে লাফিয়ে নামত। নদীর ভাঙ্গনের মাঝে পড়ে যাওয়ায় প্রথম প্রথম বাচ্চারা কেউ এই গাছে উঠতে সাহস করত না। এক দুই দিন যাবার পর গ্রামের দুর্দান্ত আর ডানপিটে কয়েকজন একটু একটু করে গাছটায় আবার ওঠা শুরু করল, কিন্তু ঠিক তখন জমিলা বুড়ী একদিন নদীর তীরে দাড়িয়ে হিজল গাছটা নিয়ে তার বিখ্যাত ভবিষ্যৎবাণীটা ঘোষণা করল। তারপর আর কাউকে হিজল গাছের ধারে কাছে দেখা যায় নি।

এই এলাকার সবাই জানে জমিলা বুড়ীর বয়স কম করে হলেও একশ পঞ্চাশ, তার কমপক্ষে এক ডজন পোষা জীন আর পরী রয়েছে এবং জোৎস্না রাতে সে 'গাছ-চালান' দিয়ে শ্যাওড়া গাছে বসে আকাশে উড়ে বেড়ায়। তার মাথার চুল পাটের মত সাদা, এই গ্রামের যারা খুরখুরে বুড়ো তারাও দাবী করে যে জন্মের পর থেকেই তারা জমিলা বুড়ীর পাকা চুল দেখে আসছে। মানুষের বয়স বেশী হয়ে গেলে মাথার চুল পাতলা হয়ে যায় কিন্তু জমিলা বুড়ীর মাথা ভরা সাদা চুল এবং সে দুই হাতে সবসময় তার মাথার চুল বিলি কাটতে থাকে। বয়স বেশী হওয়ার কারণে সে আর সোজা হয়ে দাড়াতে পারে না, হাতে একটা লাঠিতে ভর দিয়ে কেমন জানি ভাঁজ হয়ে দাড়ায়। জমিলা বুড়ীর লাঠি নিয়েও নানারকম গল্প রয়েছে— এটা আসলে একটা শঙ্খচূড় সাপ, জমিলা বুড়ী যাদু করে লাঠি তৈরী করে রেখেছে। কবে নাকী এক চোর জমিলা বুড়ীর কুড়েঘরে চুরি করতে গিয়েছিল তখন বুড়ী তার লাঠি ছুড়ে দিতেই সেটা ফনা তুলে চোরকে ধাওয়া করেছিল, কোন মতে প্রাণ নিয়ে পালিয়ে এসেছে সেই চোর। জমিলা

বুড়ীর পিঠে থাকে তালি দেওয়া একটা ঝোলা। সেই ঝোলার ভিতরে কী থাকে সেটা নিয়েও নানারকম গবেষণা হয় যদিও সবাই একমত হতে পারে না। কেউ বলে ছোট ছোট বাচ্চাদের যাদু করে ইদুর না হয় ব্যাঙে পাল্টে ফেলে সে ঝোলার মাঝে রেখে দেয় কেউ বলে তার ঝোলার মাঝে আটকা পড়ে আছে বেয়াদপ ধরনের কিছু জীন।

জমিলা বুড়ী সব সময় বকবক করে কথা বলছে, দেখে মনে হতে পারে সে বুঝি নিজের সাথে কথা বলে কিন্তু অভিজ্ঞ মানুষেরা দেখেই বুঝতে পারে যে সে তার পোষা জীনদের সাথে কথা বলছে। কী বলছে সেটা অবশ্যি বোঝা খুব কঠিন, দাঁতহীন তোবড়ানো মুখের কথা শোনা গেলেও ঠিক বোঝা যায় না।

ছোট ছোট বাচ্চারা জমিলা বুড়ী থেকে দূরে দূরে থাকে, কোন সময় তাদের ধরে তার ঝোলার মাঝে ঢুকিয়ে নেবে সেই ভয়ে তারা ধরে কাছে আসে না। যারা একটু বড় এবং একটু বেশী সাহসী তারা মাঝে মাঝে জমিলা বুড়ীকে দেখলে দূর থেকে চিৎকার করে জিজ্ঞেস করে, 'জমিলা বুড়ি জমিলা বুড়ী পাশ না ফেল ?'

জমিলা বুড়ী সাধারণতঃ এই রকম প্রশ্নের উত্তর দেয় না, আপন মনে বিড় বিড় করে হাঁটতে থাকে। হঠাৎ কখনো কখনো ফোকলা মুখে ফিক করে হেসে বলে, 'পাশ।' যাকে বলে তখন তার আনন্দ দেখে কে, জমিলা বুড়ী বলেছে 'পাশ' অথচ সে পরীক্ষায় পাশ করেনি এরকম ঘটনা পলাশপুর গ্রামে এখনো ঘটেনি।

সবাইকেই যে জমিলা বুড়ী 'পাশ' বলে তা নয়। মাঝে মাঝে তার মেজাজ গরম থাকে তখন সে তার লাঠি নিয়ে তাড়া করে বলে, 'ফেল ফেল তোর চৌদ্দগুষ্টি ফেল।' যাদেরকে এরকম অভিশাপ দেওয়া হয় তারা সাধারণতঃ পড়াশোনা করা ছেড়ে দেয়। দেখা গেছে তারা শুধু যে পরীক্ষায় ফেল করে তাই নয় তাদের বাবারা মামলায় হেরে যায়, চাচাদের বাড়ীতে চুরি হয়, মামাদের গরু মরে যায়, বোনদের বিয়ে হয় না (যদি বা বিয়ে হয় যৌতুক নিয়ে জামাইয়েরা বউদের মার ধোর করে)- এই রকম হাজারো রকম ঝামেলা শুরু হয়ে যায়।

এই জমিলা বুড়ী একদিন নদীর তীর ধরে হাঁটতে হাঁটতে হিজল গাছটাকে দেখতে পেয়ে ধমকে দাড়াল। যারা আশে পাশে ছিল তারা দেখল জমিলা বুড়ী গাছটাকে কিছু একটা জিজ্ঞেস করল এবং গাছ যে উত্তরটা দিল সেটা তার পছন্দ হল না বলে লাঠি নিয়ে ঠুক ঠুক করে হেঁটে হেঁটে কাছে গিয়ে গাছকে কষে লাখি দিয়ে গালি গালাজ করতে শুরু করল। গাছের সাথে জমিলা বুড়ীর কী নিয়ে কথাবার্তা হয়েছে সেটা সাধারণ মানুষদের পক্ষে বোঝা কঠিন কিন্তু তাদের দুজনের মাঝে যে খুব রাগারাগি হচ্ছে সেটা নিয়ে কারো কোন সন্দেহ রইল না।



শেষ পর্যন্ত দেখা গেল জমিলা বুড়ী তার লাঠি তুলে গাছকে অভিশাপ দিল, আগামী 'চান্দে' আগে এই গাছ নদীতে ভেসে যাবে। শুধু তাই না এই গাছ যখন পানিতে ছড়মুড় করে পড়বে তখন একজন মানুষের জান 'কজা' করে নিয়ে যাবে।

যে গাছ নূতন চাঁদ ওঠার আগে একজন মানুষের জান নিয়ে নদীর পানিতে ধসে পড়বে সেই গাছের ধারে কাছে যে কেউ যাবে না তাতে অবাক হবার কী আছে? কাজেই পলাশপুর গ্রামের বিশাল হিজল গাছটা অর্ধেক ডাঙ্গায় আর অর্ধেক নদীর পানির উপর বিস্তৃত হয়ে দাড়িয়ে রইল, এক সময় যার ডালে ডালে ছোট ছোট বাচ্চারা লাফ ঝাঁপ দিত এখন সেটি জনশূন্য নির্জন, কেমন যেন চাপা ভয় ধরানো থমথমে। গাছে ওঠা দূরে থাকুক তার নিচেও কেউ যায় না।

একেবারে কেউই কখনো হিজল গাছটার নিচে যায়নি সেটা অবশ্য পুরোপুরি সত্যি নয়, কাজী বাড়ীর ছোট মেয়ে বকুলকে এক দুই বার সেই গাছের নিচে হাঁটাচালা করতে দেখা গেছে।

বকুল কাজীবাড়ীর মেজো ছেলের ছোট মেয়ে। তার বয়স বারো। তার বড় দুই বোনের বিয়ে হয়ে গেছে এবং তারা সুখে ঘর সংসার করছে। তার বড় দুলাভাইয়ের সদরে মনোহারী দোকান রয়েছে, মেজো দুলাভাই ইউনিয়ন কাউন্সিলের মেম্বর। বকুলের ছোট ভাই শরীফ নেহায়েৎ শান্তশিষ্ট ছেলে, বড় হয়েছে যে সে শান্তশিষ্ট থাকবে এবং একটা স্কুলের (কিংবা কে জানে হয়তো কলেজের) মাস্টার হয়ে যাবে সেটা নিয়ে কারো কোন সন্দেহ নেই। তবে বকুলকে নিয়ে কী হবে সে ব্যাপারে শুধু কাজীবাড়ীর নয় পুরো পলাশপুর গ্রামের সব মানুষের মনে সন্দেহ রয়েছে। তার বয়স বারো আর কয়েক বছরের মাঝেই এই গ্রামের নিয়মে তার বিয়ের বয়স হয়ে যাবে কিন্তু বকুলের কথাবার্তা আচার আচরণে তার কোন ছাপ নেই। তার সমবয়সী কোন মেয়ের সাথে তার ভাব নেই সে ঘোরাফেরা করে ছেলেদের সাথে। তার মত ফুটবল কেউ খেলতে পারে না, মারবেল খেলে সে এলাকার সবাইকে ফতুর করে দিয়েছে। চোখের পলকে সে যে কোন গাছের মগডালে উঠে পড়তে পারে, বর্ষা কালে বানের পানিতে যখন চন্দ্রা নদী ফুলে ফেঁপে উঠে তখন সে আড়াআড়ি ভাবে সাঁতরে নদী পার হয়ে যায়। পলাশপুর গ্রামে কোন হাই স্কুল নেই বলে বড় বড় সব মেয়েদের পড়া বন্ধ হয়ে গেছে কিন্তু বকুল একরকম জোর করে পাঁচ মাইল দূরে হাইস্কুলে পড়তে যায়। ভোর বেলা সে পলাশপুর গ্রামের বাচ্চা কাচ্চাদের নিয়ে গ্রামের সড়ক ধরে হেঁটে হেঁটে স্কুলে যায়, যাবার সময় সড়কের দুই পাশের গাছ গাছালী পুকুর খাল বিল সবকিছু চম্বে বেড়ায়।

বকুলের সমবয়সী মেয়েরা- যারা কয়েক বছরের মাঝে বিয়ে করে ঘর সংসার করার জন্যে বান্না বান্না আর ঘর সংসারের কাজ কর্ম শিখছে, তারা বকুলের কাজকর্মের কথা শুনে একেবারে হাল ছেড়ে দেবার ভঙ্গীতে মাথা নাড়লেও ভিতরে ভিতরে সব সময় কেমন যেন হিংসা অনুভব করেছে।

বকুলকে যারা পছন্দ করে তাদের সংখ্যাও খুব কম নয়। তাদের বেশীর ভাগের বয়স পাঁচ থেকে দশের মাঝে। তারা একেবারে বাধ্য সৈনিকের মত বকুলের পিছনে পিছনে ঘুরে, বকুল তার এই অনুগত তরু ছেলেমেয়েদেরকে কেমন করে গাছে চড়তে হয় শেখায়, নদী সাঁতরে পত্র হওয়া শেখায়, পাখীর বাক্য ধরে এনে দেয়; গুলতি তৈরী করে দেয়, ফুটবল খেলায় কেমন করে ল্যাং মারতে হয় আবার অন্য কেউ ল্যাং মারার চেষ্টা করলে কীভাবে লাফিয়ে পাশ কাটাতে হয় তার কায়দা কানুন হাতে কনমে বুঝিয়ে দেয়

এই বকুল ভর দুপুরবেলা তাদের বাড়ীর পিছনের পেয়ারা গাছের মগডাল থেকে একটা ডাঁশা পেয়ারা ছিড়ে নিচে নেমে আসছিল। তার ছিপছিপে শরীরে প্রায় কাঠবেড়ালীর মত গাছ বেয়ে ওঠা এবং নামা হিংসার চোখে দেখতে দেখতে পাশের বাড়ীর সিরাজ একটা লম্বা নিঃশ্বাস ফেলে বলল, “মেয়ে ছেলেদের গাছে ওঠা ঠিক না।”

বকুল নেমে এসে গাছের মাঝামাঝি মসূন একটা ডালে পা ঝুলিয়ে বসে পেয়ারায় একটা বড় কামড় দিয়ে বলল, “মেয়ে আবার ছেলে হয় কেমন করে? আর কী হয় মেয়েরা গাছে উঠলে?”

সিরাজ গম্ভীর হয়ে বলল, “দোষ হয়। মেয়ে ছেলেদের কাজ হচ্ছে ঘর সংসারের কাজ।”

বকুল গাছের ডালে বসে থেকে পিচিক করে নিচে খুঁত ফেলে বলল। “তোকে বলেছে! মেয়েরা আজকাল পকেটমার থেকে শুরু করে প্রধান মন্ত্রী পর্যন্ত সবকিছু হয় তুই জানিস?”

মেয়েরা প্রধান মন্ত্রী হয় শুনে সিরাজ বেশী অবাক হল না কিন্তু পকেটমার হয় শুনে সে চোখ বড় বড় করে বলল, “সত্যি? মেয়েরা পকেটমারও হয়?”

বকুল তার মাথার এলোমেলো চুল ঝাকিয়ে বলল, “খালি পকেটমার? আজকাল মেয়ে ডাকাত পর্যন্ত হয়! জরিণা ডাকাতের নাম শুনিস নি?”

সিরাজ নামটা শুনে নি, কিন্তু ছেলে হয়ে মেয়েদের এত বড় বীরত্বের কাহিনীটা সে এত সহজে মেনে নেবার পাত্র নয়, মাথা নেড়ে বলল, “কিন্তু সাহসের কাজ বেশী করে ছেলেরা!”

বকুল গাছের উপর থেকে বুড়ো আঙুল দেখিয়ে বলল, “কত। ছেলেরা যখন একটা সাহসের কাজ করে মেয়েরা তখন কবে একশটা!”

“কে বলেছে?”

“বলবে আবার কে? সবাই জানে। পৃথিবীর যত মানুষ আছে সবাইর জন্ম হয়েছে মায়ের পেট থেকে। বাচ্চা জন্ম দেওয়া কত বড় সাহসের কাজ তুই জানিস? আছে কোন ব্যাটাছলে হে বাচ্চা জন্ম দিয়েছে? আছে?”

সিরাজ হানিকটপা বিভ্রান্ত হয়ে বলল, “কিন্তু—”

“কিন্তু আবার কী? জানা কথা মেয়েদের সাহস বেশী ছেলেদের কম জমিলা বুড়ী হচ্ছে মেয়ে আর তাকে দেখে সব ছেলের কাপড় চোপড়ে— হি হি হি ....” বকুল কথা শেষ না করে ঝিল ঝিল করে হাসতে শুরু করল।

বকুল যে ঘটনাটা মনে করে হাসতে শুরু করেছে সেই ঘটনার নয়ক সিরাজ নিজে। সে যখন ছোট হুঁচুৎ একদিন জমিলা বুড়ীকে দেখে ওয় পেরে পরনের কাপড়ে ছোট দুর্ঘটনা ঘটলে দিয়েছিল এতদিন পরেও কারণে অকারণে সেটা মনে করিয়ে তাকে নানাভাবে অপদস্ত করা হয়। কাজেই সিরাজ বকুলের কথাটা খুব সহজ ভাবে নিল না। চোখ মুখ লাল করে বলল, “তার মানে তুই বলতে চাস তুই জমিলা বুড়ীকে ভয় পাস না?”

বকুল পেয়ারার শেষ অংশ মুখে পুরে কচ কচ করে চিবুতে চিবুতে বলল, “একটা বুড়ীকে আবার ভয় পাবার কী আছে?”

“তার মানে— তার মানে—” সিরাজ রাগের চোটে তার কথা শেষ করতে পারে না। বকুল গাছের সরু ডালে একটা দোল বেয়ে নিচে নামতে নামতে বলল, “তার মানে কী?”

“তার মানে তুই জমিলা বুড়ীর কথা বিশ্বাস করিস না?”

“পাগল মানুষের কথা বিশ্বাস করলেই কী আর না করলেই কী?”

“তুই বলতে চাস তুই! তুই—”

“আমি কী?”

[www.banglabook.com](http://www.banglabook.com)

“তুই হিজল গাছে উঠতে পারবি?”

বকুল একটু চমকে উঠল। যখন জমিলা বুড়ী আশে পাশে সেই তখন তাকে অবিশ্বাস করা, তাকে নিয়ে হাসি ঠাট্টা করা এবং কথা আর যে গাছটি একজন মানুষের জন্ম কজা করে পানিতে ভেসে যাবে সেই গাছে ওঠা সম্পূর্ণ অন্য ব্যাপার। বকুল পতমত ধেয়ে চুপ করে বইল, তাই সিরাজের মুখে একটা বঁকা হাসি ফুটে উঠে, সে চোখ ছোট ছোট করে বলল, “পারবি না, না?”

বকুল একটা বড় নিঃশ্বাস নিয়ে বলল, “কে বলেছে পারব না?”

সিরাজের চোখ গোল গোল হয়ে যায়, “পারবি? হিজল গাছে উঠতে পারবি?”

“একশ বার।”

সিরাজ খানিকক্ষণ অবিশ্বাসের দৃষ্টিতে বকুলের দিকে তাকিয়ে থেকে বলল, “মিছিমিছি বলছিস, তাই না?”

“মিছিমিছি বলব কেন? চল আমার সাথে তোকে দেখাই।”

সিরাজ হঠাৎ ভয় পেয়ে গেল, বলল, “থাক, দরকার নেই।”

বকুলের মুখ আরো শক্ত হয়ে যায়, “কেন দরকার নেই? ভাবছিস আমি ভয় পাব? কখনো না! আয় আমার সাথে।”

এবারে সিরাজ আরো ঘাবড়ে গেল, বলল, “ঠিক আছে যা, আমি বিশ্বাস করেছি, তুই পারবি।”

“কেন তুই মিছিমিছি বিশ্বাস করবি? আয় আমি সত্যি সত্যি উঠে দেখাই।”

কাজেই ভর দুপুর বেলা বকুলের পিছু পিছু সিরাজ নদীর দিকে বওনা দিল। বাড়ীর বাইরে আসতেই আরো কিছু বাচ্চাকাচ্চা পাওয়া গেল। কী করা হবে শুনতে পেয়ে ভয়ে তাদের আত্মা শুকিয়ে গেল, তারাও নানাভাবে বকুলকে শাস্ত করার চেষ্টা করতে থাকে, কিন্তু কিছু একটা বকুলের সাথায় চুকে গেলে সেটাকে বের করে আনা প্রায় অসম্ভব ব্যাপার। যখন বোঝা গেল সত্যি সত্যি বকুল হিজল গাছে উঠবেই তখন তারাও সাধে বওনা দিল- অন্ততঃ ব্যাপারটা চোখে দেখা যাক। একজন মানুষ জীবনে আর কয়টা সহস্রের কাজ দেখার সুযোগ পায়?

নদীর ঘাটে পৌঁছাতে পৌঁছাতে তাদের দল ভারী হয়ে আসে, দূর থেকে দেখে সেটাকে একটা ছোট খাট মিছিলের মত মনে হতে থাকে। সবার সামনে বকুল তার পিছু পিছু সিরাজ এবং তার পিছনে নানা বয়সের বাচ্চা কাচ্চা। খবর পেয়ে ছোটভাই শরীফও চলে এসেছে, সে অনেকক্ষণ থেকে বকুলকে বুঝিয়েও কোন সুবিধে করতে না পেরে কাঁদো কাঁদো হয়ে বলল, “আমি কিন্তু বাবাকে বলে দেব।”

বকুল উদাস গলায় বলল, “যা, বলে দে। তারপর দেখ তোকে আমি কী ধোলাই দিই।”

শরীফের বয়স আট, তার এই আট বছরের জীবনে সে তার বাবার ওপরে ষোটুকু নির্ভর করে তার থেকে অনেক বেশী নির্ভর করে বকুলের উপর। কাজেই সে যে বকুলের ধোলাই খেতে চাইবে না সেটা বকুল খুব ভাল করে জানে।



শেষ পর্যন্ত দলটি হিজল গাছের কাছে হাজির হল। সবাই দূরে দল বেঁধে দাড়িয়ে আছে, ভয়ে এবং উত্তেজনার তারা নিঃশ্বাস পর্যন্ত ফেলতে ভুলে গেছে। বকুল গুড়নাটা ভাল করে প্যাঁচিয়ে নিয়ে কোমরে শক্ত করে বেঁধে প্রায় ছুটে এসে একটা ভাল ধরে নিজেকে ঝুলিয়ে একটা হ্যাঁচকা টানে উপরে উঠে গেল। দূরে যারা দাড়িয়ে ছিল তারা সবাই একসাথে বুক থেকে একটা নিঃশ্বাস বের করে দেয়। বকুল তর তর করে আরো খানিকটা উপরে উঠে হাত তুলে বলল, “কী? দেখলি?”

সিরাজ ভয় পাওয়া গলায় বলল, “দেখেছি। নেমে আয় এখন।”

বকুল কাঠবেড়ালীর মত আরো খানিকদূর উঠে গিয়ে নদীর দিকে ভাকাল এবং হঠাৎ করে দূরে রাজহাঁসের মত সাদা লক্ষটা দেখতে পেল।

মাঝে মাঝেই নদীতে এই লক্ষটা আসে, অন্য লক্ষে যেরকম মানুষ গাদাগাদি করে থাকে ভট ভট শব্দ করে কালো ধূয়া ছাড়তে ছাড়তে যায়, এটা মেটেও সেরকম না। এটা একেবারে ধবধবে সাদা, প্রায় নিঃশব্দে পানি কেটে এগিয়ে যায়। লক্ষটা দেখতেও অন্য রকম, একটা ছোট বাসার মত। নিচে থাকার ঘর, উপরে পাটাতন, সেখানে আবার ঝাল দেয়া ছাদ। ঝাল দেয়া ছাদের নিচে এক দুজন মানুষ থাকে, তাদের দেখেই বোঝা যায় তারা খুব সুখী। তাদের জামা কাপড়গুলি হয় সুন্দর, তাদের চোখে থাকে রঙিন চশমা, তারা নিজেদের মাঝে কথা বলে, হাসে। তারা হেসে হেসে কিছু একটা খেতে খেতে নদীর তীরে তাকিয়ে থাকে। মানুষগুলিকে দেখে মনে হয় তারা বৃষ্টি স্বপ্ন জগতের মানুষ। এই লক্ষটা এলেই বকুল সব সময় লক্ষটার দিকে অবাক হয়ে তাকিয়ে থাকে কারণ সে জানে এই লক্ষে ঠিক তার বয়সী একটা মেয়ে থাকে। সে মেয়েটা একেবারে পরীর মত সুন্দর, গায়ের চামড়া যেন গোলাপ ফুলের মত নরম, চুলগুলি একেবারে কেশমের মত। হালকা রংয়ের একটা ঝক পর্বে মেয়েটা শান্ত চোখে তাকিয়ে থাকে। যে মানুষের চেহারা এত সুন্দর, যে এরকম রাজহাঁসের মত লক্ষে করে স্বপ্নের জগতের মানুষদের সাথে নিঃশব্দে পানি কেটে কেটে যায় তার মনে না জানি কী বিচিত্র ধরনের সুখ। সেদিকে তাকিয়ে থাকতে থাকতে বকুল কেমন জানি এক ধরনের হিংসা অনুভব করে। আহা, সেও যদি এরকম সুন্দর কাপড় পরে এরকম সেজে গুজে এই রাজহাঁসের মত লক্ষে করে যেতে পারত।

লক্ষটা আরো এগিয়ে আসতে থাকে, বকুল ভাল করে দেখার জন্য ভাল বেয়ে বেয়ে নদীর পানির দিকে এগিয়ে যায়। সেখানে দুটি সরু সরু ডাল বের হয়ে এসেছে, ভাল দুটিতে প রেখে সাবধানে দাড়িয়ে থাকা যায়। বকুল দাড়িয়ে থেকে দেখতে পারল লক্ষটা চাপা একটা শব্দ করতে করতে এগিয়ে আসছে,



উপরে একটা চেয়ারে একজন বয়স্ক মানুষ বসে আছে, তার পাশে আরেকটা চেয়ারে রেলিংয়ে হাতের উপর মুখ রেখে সেই মেয়েটি বসে আছে। তাকিয়ে থেকে বকুল প্রায় একটা চাপা শব্দ করে ফেলল, ইশ, কী সুন্দর মেয়েটি! আর হঠাৎ কী আশ্চর্য মেয়েটি মুখ ঘুরিয়ে সোজাসুজি বকুলের দিকে তাকাল। বকুলকে দেখে কেমন যেন চমকে উঠল মেয়েটি, বকুল দেখতে পেল সোজা হয়ে বসেছে হঠাৎ, মুখটিতে কেমন যেন একটা বিষয়ের ছাপ পড়েছে। অবাক হয়ে দেখছে সে বকুলকে। লম্বটা প্রায় নিঃশব্দে এগিয়ে আসছে, একজনের কাছে আরেকজন আরো স্পষ্ট হয়ে আসছে ধীরে ধীরে। বকুল দেখতে পাচ্ছে মেয়েটির চুল বাতাসে উড়ছে, তার মুকে অস্পষ্ট সুন্দর এক ধরণের হাসি, চোখে আশ্চর্য এক ধরণের বিস্ময়-

“কি হচ্ছে এখানে?”

হঠাৎ গাছের নিচে থেকে বাঁজখাই একটা ধমক শুনতে পেল বকুল। তার বড় চাচার গলার দ্বব, গাছের নিচে বাচ্চা কাকাদেবর ভীড় দেখে এগিয়ে এসেছেন। হিজল গাছটা নিয়ে কিছু একটা কামেলা হয়েছে বুঝতে পেরেছেন নিশ্চয়ই। মুখ ঘুরিয়ে তাকাবেন এক্ষুণি, বকুলকে দেখতে পাবেন সাথে সাথে, মহা একটা কেলেংকারী হবে ভাবন। বকুল নিঃশ্বাস বন্ধ করে দাড়িয়ে থাকে, নিজেকে আড়াল করে ফেলতে চায় গাছের পাতার আড়ালে।

“কি হল, কথা বলে না কেন কেউ?”

বড় চাচার প্রচন্ড ধমক খেয়ে সিরাজ আমতা আমতা করে বলল, “না, মানে ইয়ে -”

বকুল বুঝতে পারল আর এখানে থাকা যাবে না, পালাতে হবে। বাচ্চা কাকাদেবর আছে তারা নিজে থেকে কখনো বকুলের কথা বলে দেবে না কিন্তু ধমক খেলে অন্য কথা। বড় চাচার ধমক বিখ্যাত ধমক, বয়স্ক মানুষেরা পর্যন্ত কেঁদে ফেলে। বকুল নিচে তাকাল, নদীর কালো পানি ঘুরপাক খাচ্ছে, ছোট একটা ঘূর্ণীর মত হয়েছে সেখানে। গাছটা অনেকখানি উচু, পানি আরো নিচে, এত উচু থেকে আগে কখনো পানিতে ঝাপিয়ে পড়ে নি কিন্তু তাতে কী হয়েছে? বকুল নিঃশব্দে হাত উচু করে ডাইড দেয়ার প্রস্তুতি নেয়, নদীর পানি ছুলাৎ ছুলাৎ করে তীরে আঘাত করছে, সেই শব্দের আড়ালে যথা সম্ভব নিঃশব্দে ডাইড দিতে হবে, ব্যাপারটি এমন কিছু কঠিন নয় তার জন্যে। বকুল গাছের ডালে নিঃশব্দে দোল খেয়ে নিচের পানিতে ঝাপিয়ে পড়ল, ছিপ ছিপে শরীরে তীরের মত নিচে ঝাপিয়ে পড়তে পড়তে সে শেষবারের মত লম্ব বসে থাকে মেয়েটির দিকে তাকাল। মেয়েটির চোখে আন্তরক এবং অবিশ্বাস, আর্থ চিৎকার করে রেলিং ধরে উঠে দাঁড়িয়েছে সে।

পানির নিচে বাপাং করে অদৃশ্য হয়ে গেল বকুল। দুই হাত দিয়ে পানি কেটে কেটে এগিয়ে যেতে থাকে সে, স্রোতে গা ভাসিয়ে চলে যেতে হবে যতদূর সম্ভব, তারপর ভেসে উঠবে। বড় সাঁচা কেন্দ্রিক জানতেও পারবেন না কে ছিল হিজল পাছে।

কালো পানিতে সাঁতার কেটে কেটে এগিয়ে যেতে থাকে বকুল, তার চোখের সামনে ভেসে উঠে পরীর মত মেয়েটার চেহারা, কি বিচিত্র অ বিশ্বাস আর স্নাতক ছিল মেয়েটার চোখে! কী ভাবছিল মেয়েটি? তার লাল রুম্ব চুল, বং জুলা ফ্রক, শ্যামলা রং, শুকনো হাত গা দেখে মেয়েটার কী হাসি পাচ্ছিল? সে কী হাসছিল মনে মনে? হারা স্বপ্নের জগতে থাকে তারা কী কখনো ভাবে বকুলের মত এরকম মেয়েদের কথা? কোন কী কৌতুহল হয় তাদের?

[www.banglabook.com](http://www.banglabook.com)

২

নীলা সোজা হয়ে দাঁড়িয়ে পড়ে জিহ্বার করে বলল, "দেখেছে বাবা?"

পাশে বসে ছিলেন ইশতিয়াক সাহেব, তিনিও উঠে নাড়ালেন, অবাক হয়ে জিজ্ঞেস করলেন, "কী যা?"

"একটা-একটা মেয়ে-"

"কী হয়েছে মেয়েটার?"

"পানিতে ডাইভ দিল কী সুন্দর মেয়েটা বাবা, যেন কেউ থানাইট কেটে তৈরী করেছে। গাছের উপর দাঁড়িয়েছিল।"

"কোথায়? কোন গাছে?"

"ঐ যে বাবা ঐ বড় গাছটারে ছিল। এফুনি পানিতে ডাইভ দিল।"

"সত্যি?"

নীলার দুর্বল শরীর উদ্বেজন্য বেশীক্ষণ সহ্য করতে পারল না রেলিং ধরে আবার বসে পড়ে বলল, "কী সুন্দর ডাইভ দিয়েছে তুমি বিশ্বাস করবে না বাবা। ঠিক যেন অলিম্পিকের ডাইভ। একবারে ডলফিনের মত-"

"তাই বাকী?"

"হ্যাঁ বাবা, এখনো ডুবে আছে মেয়েটা, ভেসে উঠছে না কেন? কিছু হয় নি তো মেয়েটার?"

“কী হবে ? ঘামের মেয়ে তো— এরা একেবারে মাছের মত সঁতার কাটে।”  
“সত্যি ?”

“হ্যাঁ মা সত্যি।”

নীলা এক দৃষ্টি নদীর তীরের বিশাল হিজল গাছটার দিকে তাকিয়ে রইল। তাদের লক্ষটি পানিতে চেঁউ তুলে নিচু শব্দ করতে করতে সরে যাচ্ছে। যেখানে পাথর কুদে তৈরী করা অপূর্ব মেয়েটি বিশাল একটা গাছ থেকে ডলফিনের মত ঝাপিয়ে পড়েছে গভীর কাপে পানিতে। কী সাহস মেয়েটির! চোখে চোখে তাকিয়েছিল সে মেয়েটির দিকে, চোখের মাঝে কী জ্বলজ্বলে এক ধরণের ভাব, দেখে মনে হয় যেন একটা চিত্তা বাঘ ! স্মৃষ্টি শরীরটা যেন ইস্পাতের তৈরী ধনুকের ছিল, টান টান হয়ে আছে ! কী সুন্দর! কী চমৎকার! আহা সেও যদি হত ঐ মেয়েটার মত— পাথরে কুদে তৈরী করা একটা শরীর হত তার ? ধনুকের ছিলার মত টান টান হয়ে থাকত তার শক্ত একটা শরীর, আর একেবারে আকাশের কাছাকাছি থেকে ঝাপিয়ে পড়তে পারত নদীর কালো পানিতে। মাছের মত সঁতার কাটত ঐ সুন্দর মেয়েটির মত !

নীলা একটা নিঃশ্বাস ফেলল। সে জানে কখনোই সে হতে পারবে না ঐ মেয়েটার মত। তার দুর্বল শরীরের ভিতরে বাবা বেঁধেছে এক ভয়ংকর অসুখ, তিল তিল করে নিঃশেষ করে দিচ্ছে তাকে। এই আকাশ বাতাস, নদী তার চোখের সামনে থেকে হারিয়ে যাবে কিছুদিন পর। কতদিন পর ? এক বছর ? ছয়মাস ? নাকী অরো কম ?

নীলা আবার একটা নিঃশ্বাস ফেলল ! বাবা তার দিকে ঘুরে তাকিয়ে বললেন, “কী হয়েছে মা ?” শরীর খারাপ লাগছে ?”

“হ্যাঁ বাবা।”

বাবা উঠে দাড়িয়ে পাঁজরকোলা করে তুলে নিলেন নীলাকে, বাবো বছরের মেয়ে অথচ পাখীর পালকের মত হালকা শরীর। বুকে চেপে সিঁড়ি দিয়ে নিচে নামতে নামতে ইশতিয়াক সাহেব সারেককে ডেকে বললেন, “লক্ষটা ঘুরিয়ে নেন সারেক সাহেব।”

“ঘুরিয়ে নেব ? বড় নদীর মোহনার ঘাব না ?”

“না। মেয়েটার শরীর ভাল লাগছে না।”

“ও আচ্ছা। ঠিক আছে স্যার।”

ইশতিয়াক সাহেব নীলাকে বুকে চেপে নিচে নামিয়ে এনে বিছানাঘ শুইয়ে দেন। মেয়েটি ক্লান্ত মুখে চোখ বন্ধ করে শুয়ে আছে। ইশতিয়াক সাহেব মাথার হাত বুপিয়ে দিয়ে শরম পলক বললেন, “খুব খারাপ লাগছে মা ?”



নীলা চোখ খুলে তাকিয়ে ম্লান মুখে হাস্যর চেষ্ঠা করে বলল, "না বাবা। খুব টায়ার্ড লাগছে।"

"একটু ঘুমাও। ঘুম থেকে উঠলেই ভাল লাগবে।"

"ঠিক আছে বাবা।"

নীলা চোখ বন্ধ করে শুয়ে রইল। ইশতিয়াক সাহেব একটা লম্বা নিশ্বাস কেলে ঘর থেকে বের হয়ে এলেন। পাটাতনে তেঁক চেয়ার সাজানো রয়েছে, রেলিংয়ে পা তুলে তিনি সেখানে শরীর এলিয়ে দিলেন। রাজহাসের মত সদা লক্ষটি তরতর করে পানি কেটে এগিয়ে যাচ্ছে। অপরাহ্নের রোদ এসে পড়েছে তার চোখে। হাত দিয়ে চোখ ঢেকে শুয়ে বইছেন তিনি। মালা গ্রুপ অব ইন্ডাস্ট্রিজের সর্বময় কর্তা ইশতিয়াক হোসেনকে হঠাৎ কেমন যেন পরাজিত মানুষের মত দেখাতে থাকে।

দুই বছর আগে চট্টগ্রাম থেকে আসছিলেন তিনি। ড্রাইভারকে পাঠিয়ে দিয়েছেন আগে, নিজে ড্রাইভ করছিলেন গাড়ী। নূতন এসেছে তার শেভী ইম্পালা। সি-এইট ইঞ্জিন, সান রুফ, অটোমেটিক ট্রান্সমিশান-পাশে বসেছে তার স্ত্রী শাহনাজ পিছনে নীলা। ঢাকা-চট্টগ্রামের নূতন মসূন রাস্তায় গাড়ীটা প্রায় তেসে ভেসে যাচ্ছে। গাড়ীর সি.ডি. চেঞ্জারে কনিকার একটু রবীন্দ্র সঙ্গীত বাজছে, ইশতিয়াক সাহেব স্টীয়ারিং হুইলে আলতো ভাবে হাত রেখেছেন, পাওয়ার স্টীয়ারিংয়ে আংগুলের স্পর্শে গাড়ীটাকে ঘুরিয়ে নেয়া যায়।

ছোট একটা নদীর উপরে হাতীর পিঠের মত একটা ব্রিজ। উপরে উঠে মসূন গতিতে নিচে নেমে আসছিলেন হটাৎ রাস্তার ঠিক মাঝখানে ছুটে এল সাত আট বছরের একটা ছেলে। রাস্তায় এক পাশে ইশতিয়াক সাহেবের বিশাল শেভী ইম্পালা অন্য পাশ থেকে ছুটে আসছে দৈত্যের মত একটা ট্রাক। ছেলেটা হঠাৎ থমকে দাড়াল রাস্তার মাঝখানে তারপর কি মনে করে ছুটে গেল উল্টোদিকে।

প্রথমে চিলের মত চিৎকার করে উঠল নীলা, তারপর শাহনাজ। যন্ত্রের মত ব্রেকে চাপ দিলেন ইশতিয়াক, দুলে উঠল গাড়ীটা তারপর আধপাক ঘুরে গেল তার বিশাল শেভী ইম্পালা। অমানুষিক ক্ষীপ্রতায় স্টীয়ারিং ঘুরিয়ে গাড়ীটা ঘুরিয়ে নিলেন, রাস্তা থেকে বের হয়ে যেতে যেতে গাড়ীটা কোনভাবে নিজেকে সামলে নিল তার হঠাৎ করে কোন একটা কিছু সাথে প্রচণ্ড ধাক্কা খেল গাড়ীটা, বিস্ফোরণের মত একটা শব্দ হল, গাড়ীর কাঁচ ভেঙ্গে ছুটে এল তার দিকে। কিছু বোঝার আগে গাড়ীটা গুলট পালট খেতে খেতে রাস্তার পাশে দিয়ে গাড়িয়ে গেল নিচে- খেতের দিকে। সঙ্কীর্ণ ফিরে পেয়ে আবিষ্কার করলেন ইশতিয়াক সাহেব বেকায়দা ভাবে আটকা পড়েছেন সীটের নিচে, ডান পাটা আটকা পড়েছে

কোথাও, ভেঙ্গে গেছে নিশ্চয়ই। রক্তে ভেসে যাচ্ছে তার শরীর, পিছনে ফিরে তাকালেন ইশতিয়াক সাহেব, গাড়ীতে উল্টো হয়ে ঝুলছে নীলা। চিলের মত চিৎকার করছে সে। বেঁচে আছে নীলা চিন্তাটা মাথার মাঝে বিদ্যুৎ ঝলকের মত খেলে গেল। মাথা ঘুরিয়ে তাকালেন স্ত্রী শাহনাজের দিকে— পাশের সীটে মাথা কাৎ করে শুয়ে আছে, শরীরে আঘাতের কোন চিহ্ন নেই। বুক থেকে স্বস্তির একটা নিঃশ্বাস বের করে জ্ঞান হারালেন ইশতিয়াক সাহেব।

হাসপাতালে জ্ঞান ফিরে পাবার পর তৃতীয় দিনে তিনি জানতে পারলেন শাহনাজ মারা গেছে। তার আঠারো বছরের স্ত্রী এবং তার একমাত্র মেয়ের মা শরীরে আঘাতের বিন্দুমাত্র চিহ্ন না নিয়েও তার প্রিয় শেখী ইম্পালার ধ্বংসস্থূপের মাঝে মারা গেছে একেবারে নিঃশব্দে।

ইশতিয়াক সাহেবের শরীরের প্রায় প্রত্যেকটি হাড় ভেঙ্গে গিয়েছিল তবু তিনি এক রকম জোর করে বেঁচে উঠেছিলেন শুধুমাত্র নীলার জন্যে। বিশাল এই পৃথিবীতে এই মেয়েটির জন্যে নাহলে যে কেউই থাকবে না।

পরের দুই বছরের ইতিহাস খুব দুঃখের ইতিহাস। ইশতিয়াক সাহেব অবাক হয়ে আবিষ্কার করলেন দশ বছরের নীলা একেবারে চুপচাপ হয়ে গেছে, একটিবারও জানতে চাইল না তার মা কোথায়। একটিবারও পৃথিবীর এই নিষ্ঠুরতার বিরুদ্ধে অভিযোগ করল না, আকুল হয়ে কাঁদল না তার বাবাকে জড়িয়ে। চার ভালা বাসার ছোট জানালার কাঁচে মুখ লাগিয়ে আকাশের দিকে তাকিয়ে রইল।

ইশতিয়াক সাহেব তার মেয়েকে ডিজনীশ্যান্ড নিয়ে গেলেন, নীল নদের তীরে পিরামিড দেখাতে নিলেন, ল্যুভ মিউজিয়ামে মোনালিসা দেখালেন, কনকর্ডে করে শব্দের চেয়ে দ্রুতগামী প্লেনে প্যারিস থেকে নিউইয়র্কে উড়িয়ে নিলেন কিন্তু নীলার চোখে মুখে বিষণ্ণতার যে পাকাপাকি ছাপ পড়েছে তার মাঝে একটু আঁচড়ও দিতে পারলেন না। এক বছর পর নিউইয়র্কের গ্লোন ইনস্টিটিউটের একজন ডাক্তার প্রথম ইশতিয়াক সাহেবকে দুঃসংবাদটি দিল। নীলা খুব ধীরে ধীরে মারা যাচ্ছে। এটি সত্যিকার অর্থে কোন অসুখ নয় কিন্তু অসুখ থেকে এটি আরো ভয়ংকর কারণ এর কোন চিকিৎসা নেই। এটি একধরণের মানসিক ব্যাধি, যেখানে মস্তিষ্ক আর বেঁচে থাকবে না বলে সিদ্ধান্ত নিয়েছে। কাজেই শরীর পুরোপুরি নিরোগ থেকেও ধীরে ধীরে ধ্বংস হয়ে যাবে। প্রথম যেদিন জানতে পারলেন ইশতিয়াক সাহেব কঠিন মুখে ডাক্তারকে জিজ্ঞেস করলেন, “কেন? কেন আমার মেয়েকে—?”

ডাক্তার মাথা নিচু করে বলল, "আমি খুব দুঃখীত মিষ্টার ইশতিয়াক। পৃথিবীর নিষ্ঠুরতার অর্ধ কেউ জানে না। কেউ জানে না।"

"এর কোন চিকিৎসা নেই?"

"প্রচলিত মেডিক্যাল সায়েন্সে এর কোন চিকিৎসা নেই।"

"কেউ বাঁচে না এই রোগ হলে?"

ডাক্তার কোন কথা না বলে জানালা দিয়ে বাইরে তাকিয়ে রইল।

ইশতিয়াক সাহেব প্রায় আর্তনাদ করে উঠে জিজ্ঞেস করলেন, "কেউ বাঁচে না?"

"মেডিক্যাল জার্নালে এক দুইটি কেস পাওয়া গেছে যখন রোগীর ইমিউন সিস্টেম নিজে নিজে রিকভার করেছে। কিন্তু সেগুলি নেহায়েতই কাকতালীয় ব্যাপার। মেডিক্যাল জার্নালেতো র‍্যাবিজ থেকে আরোগ্য হয়েছে এরকম একটা কেসও ডকুমেন্টেট আছে।"

"আমাদের কিছুই করার নেই? কিছুই করার নেই?"

ডাক্তার কোন উত্তর না দিয়ে হঠাৎ খুব মনোযোগ দিয়ে হাতের নখগুলি দেখতে শুরু করল।

"কিছুই কী আমাদের করার নেই? কিছুই?"

ডাক্তার পূর্ণ দৃষ্টিতে ইশতিয়াক সাহেবের দিকে তাকিয়ে থেকে একটা নিঃশ্বাস ফেলে বলল, "আপনি যদি ঈশ্বরকে বিশ্বাস করেন তাহলে তার কাছে প্রার্থনা করতে পারেন। আর কিছুই যদি না হয় অস্তুতঃ পক্ষে আপনি হয়তো এটা গ্রহন করার শক্তি পাবেন।"

ইশতিয়াক সাহেব জ্বর কিছু না বলে ডাক্তারের কাছে থেকে উঠে এসেছিলেন।

তারপর আরো এক বছর কেটে গেছে। খুব ধীরে ধীরে নীলার শরীর আরো দুর্বল হয়েছে। তার ক্যাকাসে রক্তশূন্য মুখ, বড় বড় কালো চোখ, রেশমের মত কালো চুল দেখলে তাকে মোমের পুতুলের মত মনে হয়। নীলা এমনিতে শাস্ত মেয়ে মা মারা যাবার পর আরো শান্ত হয়ে গিয়েছিল ইদানীং একবারে চুপচাপ হয়ে গেছে। মাঝে মাঝে জ্বরে ছুটফুট করে সে, নিজের কষ্ট নিজের কাছে চেপে রেখে সে বিছনায় চোখ খুলে শুয়ে থাকে। যে পৃথিবী ছেড়ে চলে যাবে সেই পৃথিবীর জন্যে হঠাৎ হঠাৎ তার বুকের ভিতরে এক বিচিত্র ধরণের মমতার জন্ম হয়।



ইশতিয়াক সাহেব নীলাকে নিয়ে তার বাসায় ফিরে এলেন সন্ধ্যে সাতটায়। নীলাকে নিয়ে তার বিছানায় শুইয়ে দিয়ে সাথে সাথে ডাক্তার আজমলকে ফোন করলেন। আজমল শুধু পারিবারিক ডাক্তার নন ইশতিয়াক সাহেবের ছেলেবেলার বন্ধু, একে অন্যের সাথে তুই তুই করে কথা বলেন।

আজমল তার ক্লিনিকে খুব ব্যস্ত ছিল বলে আসতে আসতে রাত দশটা বেজে গেল। নীলা তখন তার বিছানায় শান্ত হয়ে ঘুমুচ্ছে ইশতিয়াক সাহেব বারান্দায় অন্ধকারে চুপচাপ বসে আছেন। ডক্টর আজমলকে দেখে ইশতিয়াক সাহেব উঠে দাড়িয়ে বললেন, “ছাড়া পেলি শেষ পর্যন্ত।”

“পাইনি। কিন্তু চলে এসেছি। আজকাল চিকিৎসাটা প্রয়োজন নয়, ফ্যাসাম। নীলার কী খবর?”

ইশতিয়াক সাহেব একটা নিঃশ্বাস ফেলে বললেন, “নূতন কিছু নয়, ঐ রকমই আছে। লক্ষ্যে হঠাৎ শরীর খারাপ করল, ভাবলাম তোকে দেখাই।”

“এখন কী ঘুমুচ্ছে?”

“হ্যাঁ।”

“তাহলে আর তুলে কাজ নেই। আমি এমনি দেখে যাই, ভোরবেলা এসে ভাল করে দেখব। আরেকটা ধরো চেক আপের সময় হয়ে গেছে।”

ইশতিয়াক সাহেব একটা নিঃশ্বাস নিয়ে বললেন, “আর চেক আপ। মেয়েটাকে শুধু শুধু কষ্ট দেওয়া-” ইশতিয়াক সাহেব হঠাৎ করে সুর পাল্টে বললেন, “আচ্ছা আজমল, তুই বল দেখি আমি কী অন্যায় করেছি যে খোদা আমাকে এমন একটা শক্তি দিলেন? কী করেছি?”

ডক্টর আজমল এগিয়ে এসে ইশতিয়াক সাহেবের কাঁধ স্পর্শ করে বললেন, “খোদা কাউকে শক্তি দেয় না রে ইশতিয়াক। জীবনটাই এরকম।”

“কী করি আমি বল দেখি?”

“তুই এখন ভেঙ্গে পড়িস না ইশতিয়াক। নীলার কথা ভেবে তুই এখন শক্ত হ।”

“কী করব আমি?”

ডক্টর আজমল দীর্ঘ সময় চুপ করে থেকে একটা নিঃশ্বাস ফেলে বললেন, “মানুষের ক্লিনিক্যাল একটা ব্যাপার থাকে আবার সাইকোলজিক্যাল একটা ব্যাপার থাকে। নীলার সমস্যাটা কী জানিস? মেডিক্যাল সমস্যাটা দেখা দেবার অনেক আগেই সে বেঁচে থাকার ইচ্ছা হারিয়ে ফেলেছে।”

ইশতিয়াক সাহেব মাথা নাড়লেন, নিচু গলায় বললেন, “একটা মানুষ যে তার মা’কে কত ভালবাসতে পারে সেটা নীলাকে আর শাহনাজকে দিয়ে বুঝেছিলাম। বুঝলি আজমল দুজনকে দেখে মনে হত একজন মানুষ!”

ডক্টর আজমল মাথা নাড়লেন, বললেন, “আমি জানি।”

“মা মারা যাবার শক থেকে আর কখনো রিকভার করে নি।”

“হ্যাঁ। যদি কোন ভাবে নীলাকে আবার বেঁচে থাকার জন্যে একটা স্টিমুলেশান দেওয়া যেতো!”

ইশতিয়াক সাহেব একটা নিঃশ্বাস ফেলে বললেন, “তুই তো জানিস— আমি সব চেষ্টা করেছি। সব। পৃথিবীর কোন কিছু ছেড়ে দিই নি। নীলা কিছু চায় না। একবারে কিছু না।”

দুইজন দীর্ঘ সময় অন্ধকারে চুপ করে বসে রইলেন। একসময় ইশতিয়াক সাহেব উঠে দাড়িয়ে বললেন। “চল যাই নীলার ঘরে। জোর নিশ্চয়ই দেবী হয়ে যাচ্ছে।”

ডঃ আজমল নীলাকে না জাগিয়েই তাকে দেখলেন। ঘুমের মাঝে নীলা ছটফট করে কী একটা বলল। ডক্টর আজমল মাথা ঝুকিয়ে শুনতে চেষ্টা করলেন ঠিক বুঝতে পারলেন না, মনে হল সে একজনকে বলছে তাকে নিয়ে পানিতে ঝাঁপ দিতে। কিছু একটা নিয়ে স্বপ্ন দেখছে নীলা, এত কিছু থাকতে পানিতে ঝাঁপ দেয়া নিয়ে স্বপ্ন কেন দেখছে ডক্টর আজমল ঠিক বুঝতে পারলেন না।

www.banglabook.com

৩

বকুনী খেয়ে আজকে বকুলের খুব মন খারাপ হল। বকুনীটা প্রথমে শুরু করলেন বাবা, সেটাকে ঝড় চাচা লুফে নিলেন, বকতে বকতে যখন বড় চাচার দম ফুরিয়ে গেল তখন মা শুরু করলেন। বকুনী খেতে খেতে বকুলের এমন অবস্থা হয়েছে যে আজকাল সে ভাল করে খেয়ালও করে না—কেন সে বকুনী খাচ্ছে। তাকে উদ্দেশ্য করে যে কথাগুলি বলা হয় তার প্রত্যেকটা শুরু হয় এভাবে ‘একটা মেয়ে হয়ে তুই’ ভাবখানা মেয়ে হওয়াটাই অপরাধ ছেলে হলেই তার সাত্ত্বন মাপ করে দেওয়া হত। বকুনীর শেষ পর্যায়ে যখন সবাই মিলে বলতে লাগল তাকে কুল থেকে ছাড়িয়ে নিয়ে এসে ঘর সংসারের কাজে লাগানো হবে তখন তার প্রথমে রাগ এবং শেষের দিকে খুব মন খারাপ হয়ে গেল। তখন সে তার মন খারাপটা লুকিয়ে রেখে শুধু রাগটা দেখিয়ে বাড়ী থেকে বের হয়ে এসেছে।

নদীর তীরে এসে বকুলের মনটা একটু শান্ত হল। নদীর মাঝে মনে হয় কোন ধরনের যাদু থাকে, রাগ দুঃখ যেটাই থাকুক কেমন করে জানি সেটা কমে আসে। বকুল একা একা নদীর তীর ধরে হেঁটে বেশ খানিকটা এগিয়ে গেল, এদিকে কুমোরপাড়া তারপরে খানিকটা ফাঁকা মাঠ, এর পর সর্বে ক্ষেত কিছু ঝোপ ঝাড় এবং বড় বড় গাছ পালা। বছর দুয়েক আগে এখানে একটা গাছে তারাপদ মাস্টার গলায় দড়ি দিয়ে আত্মহত্যা করেছিল বলে কেউ সহজে আসতে চায় না। বকুল নিজেও এদিকে খুব আসে না কিন্তু আজ মন খারাপ করে অন্যমনস্ক ভাবে হাঁটতে হাঁটতে এখানে চলে এসেছে। গ্রামের অনেকেই মাঝরাতে এখানে তারাপদ মাস্টারকে বইপত্র নিয়ে হাঁটা হাটি করতে দেখেছে কথাটা মনে পড়তেই বকুলের কেমন জানি ভয় ভয় করতে লাগল। সে যখন ফিরে চলে আসছিল হঠাৎ মনে হল নদীর কাছে ঝোপের মাঝ থেকে কেউ তাকে শব্দ করে ডাকল। বকুল ভয়ে প্রায় চিৎকার করে উঠতে গিয়ে কোন মতে নিজেকে সামলে নিল, দূরে দাঁড়িয়ে জিজ্ঞেস করল, “কে?”

কেউ তার কথা উত্তর দিল না কিন্তু মনে হল কেউ যেন এবারে পানিতে একটা শব্দ করল। বকুল খানিকক্ষণ দাড়িয়ে থাকে, দৌড়ে পালিয়ে যাবার একটা প্রবল ইচ্ছেকে অনেক কষ্ট করে আটকে রেখে সে সাবধানে এগিয়ে যায়। পা টিপে টিপে ঝোপটার কাছে গিয়ে উঁকি মেরে সে চমকে উঠে, একজন মানুষ নদীর পানিতে অর্ধেক ডুবিয়ে তীরের কাদাপানিতে শুয়ে আছে বকুল ভয়ে ভয়ে ডাকল, “কে?”

মানুষটা কোন কথা না বলে নিঃশ্বাস ফেলার মত একটা শব্দ করল এবং বকুল হঠাৎ চমকে উঠে আবিষ্কার করল এটি মানুষ নয় এটি একটি শুশুক।

বকুল জনোর পর থেকে নদীর তীরে তীরে মানুষ হয়েছে সে অসংখ্যবার শুশুককে পানি থেকে লাফিয়ে উঠতে দেখেছে, এক দুইবার জেলের জালেও শুশুককে আটকা পড়তে দেখেছে কিন্তু কখনোই এভাবে ডাঙ্কয় মাথা রেখে কোন শুশুককে শুয়ে থাকতে দেখে নি। বকুল প্রায় দৌড়ে শুশুকটার কাছে ছুটে গেল, ভেবেছিল শুশুকটা বুঝি সাথে সাথে পানিতে ঝাপিয়ে পড়বে— কিন্তু তা হল না, যেভাবে শুয়ে ছিল সেভাবেই শুয়ে রইল। বকুল পা টিপে টিপে কাছে এগিয়ে যায়, শুশুকটার মাথাটা দেখে কেমন জানি হাসি হাসি মুখের একজন মানুষের মাথার মত মনে হয়, চোখ দুটি এত ছোট সেটা দিয়ে কিছু দেখতে পায় বলেই মনে হয় না। ধূসর চকচকে মসূন দেহে শুশুকটা নিশ্চল হয়ে শুয়ে আছে। বকুল কাছে গিয়ে সাবধানে শুশুকটাকে স্পর্শ করতেই সেটি তার লেজ নেড়ে পানিতে একটা শব্দ করল, শুশুকটাকে দেখে মরে গেছে বলে মনে হলেও সেটা আসলে এখনো মরে নি।



বকুল ভাল করে শুককটাকে দেখল, সে জানে এটা পানিতে থাকলেও এবং মাছের সাথে চেহারায় একধরনের মিল থাকলেও এটা মাছ না। এটা কুকুর বেড়াল বা গরু ছাগলের মত একটা প্রাণী। কুকুর বেড়াল বা গরু ছাগলের সেরকম অসুখ হয় এটার মনে হয় কোন রকম অসুখ হয়েছে। বকুল আবার সাবধানে শুককটার শরীর স্পর্শ করল, মসুন চামড়া কেমন যেন শুকিয়ে আছে। যে প্রাণী পানিতে থাকে তার শরীর এভাবে শুকিয়ে থাকা নিশ্চয়ই ভাল ব্যাপার না, শরীরটা ভিজিয়ে দিলে শুককটা হয়তো একটু আরাম পাবে বকুল সাবধানে পাশে নেমে গিয়ে দুই হাতে আজলা করে পানি এনে শুককটার শরীর ভিজিয়ে দিতে থাকে। শুককটা আবার একটা নিঃশ্বাস নেবার মত শব্দ করে দুর্বল ভাবে একটু নড়ে উঠল এবং ঠিক তখন সে শুককটার সমস্যাটা বুঝতে পারল। তার পিঠের কাছে এক জায়গায় একটা ধাতব কি যেন লেগে আছে। শুকনো রক্তের ধারা দুই পাশে শুকিয়ে আছে। বকুল জিব দিয়ে চুক চুক শব্দ করে বলল, "আহা বেচারী!"

শুককটা মনে হল তার কথা বুঝতে পারল এবং হঠাৎ মুখটা একটু খুলে নিচু এক ধরনের শব্দ করল, বকুলের একেবারে পরিষ্কার মনে হল যেন সেটি তার সাথে কথা বলার চেষ্টা করছে। একটা ছোট বাচ্চা পড়ে গিয়ে ব্যাথা পেলে সেরকম মায়া হয় হঠাৎ করে বকুলের শুককটার জন্যে সেরকম মায়া হতে থাকে। সে ভিজ্ঞে হাত দিয়ে শুককটার শরীরে হাত বুলিয়ে দিয়ে নরম গলায় বলল, "তোমার কোন চিন্তা নেই শুকক সোনা, আমি তোমার পিঠ থেকে এই লোহার টুকরাটা তুলে দেব। একেবারে ভাল হয়ে যাবে তুমি, তখন আবার নদীর মাঝে সাতার কাটতে পারবে-"

কথা বলতে বলতে সে শুককটার পিঠে হাত দিয়ে ধাতব টুকরোটা ধরে একটা হাঁচকা টানে সেটা খুলে আনল, সাথে সাথে গল গল করে খানিকটা রক্ত বের হয়ে এল। শুককটা হট্টোৎ হটফট করে উঠে শীঘ্র দেওয়ার মত একটা শব্দ করল, বকুলের মনে হল সেটা পানিতে চলে যাবার চেষ্টা করছে। বকুল শুককটাকে ধরে রাখার চেষ্টা করতে করতে আদর করার ভঙ্গীতে বলল, "আহা রে শুকক সোনা, তোমার ব্যথা লেগেছে? আমি তো ব্যথা দিতে চাই নি শুধু এটা খুলে দিতে চাইছি! এই তো এখন খুলে গেছে আর কোন ভয় নেই!"

বকুলের কথা মনে হয় শুককটা বুঝতে পারল, এক দুবার লেজ দিয়ে পানিতে ঝাপটা দিয়ে আবার শব্দ হয়ে গেল। পিঠ দিয়ে এখনো রক্ত চুইয়ে চুইয়ে পড়ছে, মনে হচ্ছে খেমে আসবে একটু পরেই। বকুল আবার হাত দিয়ে আজলা করে পানি এনে শুককটাকে ভিজিয়ে দিল। একবার চেষ্টা করল সেটাকে ঠেলে পানিতে নামিয়ে দিতে কিন্তু পারল না, মনে হচ্ছে কোন কারণে এটা পানিতে নামতে চাইছে না।

শুশুকের যত্ন করে বাড়ীতে ফিরতে ফিরতে বকুলের দেবী হয়ে গেল, সেজন্যে আবার তার বকুনী খেতে হল। এবারে শুরু হল উল্টো দিক দিয়ে, প্রথমে মা তারপর বড় চাচা সবশেষে বাবা। বিকেলে বকুনী খেয়ে তার সেরকম মন খারাপ হয়েছিল এখন সেরকম কিছু হল না, পুরো বকুনীটা সে তার এক কান দিয়ে ঢুকিয়ে অন্য কান দিয়ে বের করে দিল। তার মাথায় তখন শুশুকটির জন্যে চিন্তা। কিভাবে এই ব্যথা পাওয়া শুশুকটিকে সারিয়ে তোলা যায় সেটা নিয়ে ভাবনা।

পরদিন খুব ভোরে ঘুম থেকে উঠে গেল বকুল। পা টিপে টিপে ঘর থেকে বের হয়ে সে নদীর তীর ঘরে হেঁটে যেতে থাকে। ভোর বেলা নদীর ওপরে কেমন কুয়াশা কুয়াশা জার, দূরে গাছপালাগুলি আবছা আবছা দেখা যাচ্ছে। এখনো সূর্য উঠে নি, পূর্ব দিকে আকাশ লালচে হয়ে আসছে। এক দুজন মানুষ দাঁতন দিয়ে দাঁত ঘষতে ঘষতে ইতস্ততঃ হাঁটছে। এত ভোর বেলা বকুলকে দেখে একজন বলল, “কীরে বকুল? তুই এত ভোরে কী করিস?”

বকুল আমতা আমতা করে বলল, “সকালে ঘুম থেকে ওঠা স্বাস্থ্যের জন্যে ভাল চাচা। শরীর ভাল থাকে।”

“যাচ্ছিস কোথায়?”

“এই তো হেঁটে আসছি। সকালে হাঁটাহাটি করলে শরীর ভাল থাকে।”

মানুষটি অবাক হয়ে বকুলের দিকে তাকিয়ে থাকে, আর বকুল সকালে উঠে হাঁটাহাটি করার ভঙ্গী করে কুমোরপাড়ার দিকে অদৃশ্য হয়ে যায়।

যে গাছটায় তারাপদ মাস্টার ফাঁসী নিয়েছিল বকুল তার নিচে দাড়িয়ে উঁকি দিয়ে দেখল শুশুকটা এখনো আগের জায়গায় নিশ্চল হয়ে পড়ে আছে। বকুলের বুকটা ছাৎ করে উঠে, মরে গিয়েছে নাকী? পা টিপে টিপে কাছে গিয়ে সে শুশুকটাকে স্পর্শ করল, সাথে সাথে সেটি ফোঁস করে একটা নিঃশ্বাস ফেলল—না, এখনো বেঁচে আছে। বকুল পানিতে নেমে দুই হাতে আঁজলা করে পানি এনে শুশুকটার শুকনো শরীরটা ভিজিয়ে দিতে শুরু করল। শরীরটা ভিজিয়ে বকুল শুশুকটার পিঠের কাটা জায়গাটার দিকে তাকায়, এখনো লাল হয়ে ফুলে আছে। যে লোহার টুকরাটা গেঁথেছিল সেটা মনে হয় শ্যালো ইঞ্জিন লাগানো নৌকার প্রপেলরের টুকরা। বকুল পানি দিয়ে শুশুকটার শরীর ভিজাতে ভিজাতে আবার নরম গলায় কথা বলতে থাকে, “আহা বেচারী আমার শুশুক সোনা, কত ব্যথা পেয়েছ তুমি! পিঠের মাঝে গেঁথে গিয়েছে প্রপেলর। এখন আর ভয় কী! এই তো দেখতে দেখতে ভাল হয়ে যাবে। আহা বেচারী, খাওয়া হয়নি কতদিন। কী খাও তুমি? নিয়ে আসব তোমার জন্যে খাবার?”

দুপুর বেলা বকুল গুগুকের জন্যে খাবার নিয়ে এল। গুগুকের কী খায় সে জানে না, তবে পানিতে যখন থাকে নিশ্চয়ই মাছ খায়। এখন নিশ্চল হয়ে গিয়ে আছে মাছ কী চিবিয়ে খেতে পারবে? অনেক চিন্তা ভাবনা করে গুগুকের জন্যে সে আলাদা একটা খাবার তৈরী করল। গরুর জন্যে সরিয়ে রাখা ভাতের মাড়, রান্নাঘর থেকে চুরি করা এক গ্লাস দুধ এবং মাছের কুটো কাটা— যেটাকে সে খেতলে পিষে একেবারে হালুয়া করে ফেলেছে। তিনটি জিনিষ এক সাথে মিশিয়ে তার মাঝে সে দুটি প্যারাসিটামল গুড়ো করে দিল। মাথা ব্যথায় মানুষের জন্যে যদি কাজ করে গুগুকের পিঠের ব্যথার জন্যে কেন কাজ করবে না? গুগুটাকে কেমন করে খাওয়াবে সে জানে না তাই সাথে করে একটা ছোট বাটি নিয়ে এল। গুগুকের মুখ হা করিয়ে সাবধানে সে তার বিশেষ খাবার বাটিতে করে ঢেলে দিতে থাকে প্রথম এক দু'বার মুখের পাশ দিয়ে গড়িয়ে পড়ে গেল কিন্তু কিছুক্ষনের মাঝেই সে বেশ ভাল করে খাইয়ে দিতে শুরু করে। শুধু তাই না, মনে হতে থাকে গুগুটা যেন বেশ আগ্রহ নিয়েই খাচ্ছে। কয়েকদিন থেকেই নিশ্চই না খেয়ে আছে। বকুলের গুগুকের জন্যে এত মায়্যা হল সেটি আর বলার মত নয়। খাওয়ানো শেষ করে সে পানি দিয়ে আবার গুগুকের সারা শরীর ভিজিয়ে দিতে শুরু করে, মাথায় গলায় হাত বুলাতে বুলাতে নরম গলায় আদর করে কথা বলতে থাকে।

বিকেল বেলা বকুল আবার খাবার নিয়ে এল। দুপুর বেলা পাড়ার সব বাচ্চা কাচ্চাদের মাছ ধরতে লাগিয়ে দিয়েছিল তারা ছাকা জ্বালে নদীর পাশে খাল এবং ডোবায় ছোট মাছ ধরেছে, মাছের সাথে কাকড়া, বাঙ, শামুক, গুগলিও উঠে এসেছে। সবগুলিকে খেতলে পিষে নিয়ে তার সাথে আবার মিশিয়েছে ভাতের মাড় দুধ আর প্যারাসিটামল। বাবার তোষকের নিচে ফোড়ার কী একটা গুগু ছিল সেটাও সে গুড়ো করে মিশিয়ে দিল, মানুষের যা যদি এই গুগুতে ভাল হতে পারে গুগুকের কেন ভাল হবে না? যেসব বাচ্চা কাচ্চা মহা উৎসাহে মাছ ধরেছে, সেগুলিকে পিষতে বকুলকে সাহায্য করেছে তারা সবাই খুব উৎসাহী ছিল জিনিষটা নিয়ে কী করা হয় দেখার জন্যে। কিন্তু বকুল এই মুহূর্তে ঠিক তাদের বিশ্বাস করতে পারল না। সবাইকে নিয়ে মাঠে দাড়িয়াবান্ধা খেলা শুরু করে সে সটকে পড়ল। প্রাস্টিকের একটা বোতলে এই বিশেষ খাবার নিয়ে সে আবার ছুটে গেল গুগুকের কাছে। এবারে সে একটা পরিবর্তন লক্ষ্য করল, গুগুটা তার শরীরের বেশীর ভাগ পানিতে ডুবিয়ে রেখে শুধু মাথাটা গুগুনো ডাঙায় ঠেকিয়ে রেখেছে। বকুল কাছে বসে গুগুকের গায়ে হাত বুলায়ে দিয়ে মুখ হা করিয়ে আবার তাকে খাইয়ে দিল। বকুল বেশ উৎসাহ নিয়ে আবিষ্কার করল যে এবার



শুকটোর মাঝে খানিকটা জীবনের চিহ্ন দেখা যাচ্ছে— এটা এর লেজ নাড়ছে এবং খাবারের বাটিটা মুখের কাছে আনতেই সেটা খাবার জন্যে মুখটা অল্প খুলে ফেলছে। বকুল শুকটোর মাথায় গলায় হাত বুলিয়ে আবার অনেক্ষণ আদর করে নরম গলায় কথা বলল। বকুলের ভুলও হতে পারে কিন্তু তার কেন জানি স্পষ্ট মনে হল শুকটো তার কথা একটু একটু বুঝতে পারছে।

পরদিন ভোরে আবার কেউ ঘুম থেকে জাগার আগেই বকুল ছুটে ছুটে শুকটোকে দেখতে এল। তারাপদ মাটির যে গাছে গলায় দড়ি দিয়েছিল তার নিচে দাড়িয়ে বকুল নদীর তীরে উঁকি দিয়ে দেখল শুকটো সেখানে নেই। শুকটো নিশ্চই ভাল হয়ে চলে গেছে, বকুলের আনন্দ হবার কথা ছিল কিন্তু কেন জানি আনন্দ না হয়ে তার মন খারাপ হয়ে গেল, শুকটোর উপরে তার এত মায়া পড়ে গিয়েছে যে সে আর বলার নয়। বকুল খানিকক্ষণ নদীতে পা ডুবিয়ে দাড়িয়ে রইল, পা দিয়ে পানিতে শব্দ করল, তারপর একটা নিঃশ্বাস ফেলে নদী থেকে উঠে এল। শুকটো চলেই গেল শেষ পর্যন্ত, তাকে শেষ বারের মত ভাল করে একবার আদরও করে দিতে পারল না।

বকুল মন খারাপ করে নদীর তীর ধরে হাঁটতে থাকে, সামনে কিছু ঝোপঝাড়, তারপর সর্ষে ক্ষেত, সর্ষে ক্ষেতের পর কুমোরপাড়া শুরু হয়েছে। বকুল সর্ষে ক্ষেতের পশে দিয়ে হেটে যেতে যেতে হঠাৎ নদীর পানিতে ছলাৎ করে একটা শব্দ শুনতে পেয়ে মাথা ঘুরিয়ে তাকাল, পানিতে আধাজোবা হয়ে শুকটো ভেসে আছে, দেখে মনে হচ্ছে বকুলকে কিছু বলার জন্যে দাড়িয়ে আছে!

বকুল ছোট একটা চিৎকার দিয়ে পানিতে ছুটে গেল, শুকটো ভয় পেয়ে সরে গেল না, বরং লেজ নেড়ে একটু এগিয়ে এল। বকুল হাত দিয়ে শুকটোর মাথায় ধাধা দিয়ে বলল, “আরে শুকটো সোনা! তুই এসেছিস? এসেছিস আমার কাছে?”

শুকটো আরেকটু এগিয়ে এসে তার মাথা দিয়ে বকুলকে একটা ছোট ধাক্কা দেয়, মনে হয় এটা তার ভালবাসা প্রকাশের একটা ভঙ্গী। বকুল গলায় হাত বুলিয়ে আদর করার মত গলায় বলল, “আরে আমার শুশুকি টুশুকি! অ’মি ভালবাস তুই আর কোনদিন আসবি না! ভাল হয়ে চলে গেছিস!”

শুকটো আবার তার মাথা দিয়ে বকুলকে ছোট একটা ধাক্কা দিল। বকুল তার, গলায় মাথায় হাত বুলিয়ে ফিস ফিস করে বলল, “খুব সাবধানে থাকিস শুশুকি টুশুকি। শ্যালো নৌকার নিচে আর যাবি না, লক্ষের ধারে কাছে আসিস না। যখন বড় জাল দিয়ে মাছ ধরবে তুই দূরে দূরে থাকিস। ভাল করে খাবি। তুই কী খাস সেটা তো জানি না তবে যেটাই খাস ভাল করে খাবি। পেট ভরে খাবি। ঠিক আছে?”



গুপ্তকটা পানি থেকে মাথা উপরে তুলে ফোস করে একটা নিঃশ্বাস ফেলল। বকুল গুপ্তকটার মসূন চকচকে শরীরে হাত বুলিয়ে বলল, "দুধুগি করবি না গুশকি টুশকি। মারপিট করবি না। পিঠের ঘাটা সারতে মনে হয় সময় নেবে, লক্ষ্য রাখিস। কোন কিছু দরকার হলে চলে আসিস আমার কাছে, ঠিক আছে টুশকি?"

হঠাৎ দূর থেকে কে যেন বলল, "কি রে বকুল? এত সকালে পানিতে নেমে কী করছিস?"

বকুল মাথা তুলে দেখল, গরু নিয়ে যাচ্ছেন রহমত চাচা। এত দূর থেকে গুপ্তকটাকে নিশ্চয়ই দেখেননি। বকুল ফিস ফিস করে গুপ্তকটাকে বলল, "যা টুশকি যা। চলে যা এখন। কেউ দেখলে সমস্যা হয়ে যাবে!"

বকুল পানি থেকে উঠে আসতে শুরু করতেই গুপ্তকটা লেজ নেড়ে নদীর গভীরে চলে যেতে শুরু করল। রহমত চাচা কাছাকাছি গরুটার লেজ মুচড়ে দিয়ে বললেন, "একলা একলা কার সাথে কথা বলিস?"

"কারো সাথে না। পায়ে গোবর লেগেছিল তাই ধুতে গিয়েছিলাম।"

রহমত চাচা হাল ছেড়ে দেবার ভঙ্গী করে মাথা নেড়ে বললেন, "পাগলী মেয়ে! আমি দেখলাম তুই বিড়বিড় করে কথা বলছিস। বড় হয়ে তুইও আরেকটা জমিলা বুড়ী হবি নাকী?"

বকুল দাঁত বের করে হি হি করে হাসতে শুরু করল।

www.banglabook.com

8

নীলা বিছানায় হেলান দিয়ে বসে আছে, তার বুক পর্যন্ত একটা সাদা চাদর দিয়ে ঢাকা। তার মাথার কাছে কালো টেবিলের উপরে একটা কাঁচের ট্রে। সেই ট্রে'র উপরে ক্রিস্টালের গ্লাসে কমলার রস। হাক প্লেটে রুটির উপর মাখন লাগানো, দুটি আপেল। বিছানায় তার পায়ের কাছে ইশতিয়াক সাহেব বসে আছেন। তিনি একটু এগিয়ে এসে নীলার কপাল থেকে চুলগুলি সরিয়ে বললেন, "কিছুই তো খেলি না মা।"

"খেতে ইচ্ছে করে না বাবা।"

"ইচ্ছে না করলেও তো খেতে হয়। না হয় শরীরে জোর পাবি কেমন করে?"

নীলা একটা নিঃশ্বাস ফেলে বলল, “আমি আর শরীরে জোর পাব না আকবু। আমি জানি।”

ইশতিয়াক সাহেব মাথায় হাত বুলিয়ে বললেন, “ছিঃ। এভাবে কথা বলে না মা।”

“কী হয় বললে ? এটা তো সত্যি। আমি তো মরে যাব বাবা। আমি জানি। তুমি জান, সবাই জানে।”

“এভাবে কথা বলে না। ছিঃ মা।”

“আমি কবে মারা যাব সেটাও আমি জানি।”

“ছিঃ মা। এভাবে কথা বলে না।

নীলা হঠাৎ দুই হাত দিয়ে তার বাবার হাত ধরে বলল, “ঠিক আছে আকবু, বলব না। আর কখনো বলব না।”

কয়েক মুহূর্ত দুজনেই চুপ করে বসে থাকে। ইশতিয়াক সাহেব মালা গ্রুপ অফ ইন্ডাস্ট্রিজের সর্বময় কর্তা, বোর্ড অফ ডিরেক্টরস থেকে শুরু করে দেশ বিদেশের বড় বড় মানুষের সাথে যে কোন সময় যে কোন পরিবেশে কথা বলতে পারেন কিন্তু হঠাৎ করে নিজের বারো বছরের মেয়ের সামনে আর কথা বলার কিছু খুঁজে পেলেন না। নীলা খানিকক্ষণ তার বাবার চোখের দিকে তাকিয়ে থেকে বলল, “আমার শুধু তোমার জন্যে চিন্তা হয় আকবু। আমি তো আশুর সাথে থাকব। তুমি একা একা কেমন করে থাকবে ?”

ইশতিয়াক সাহেবের চোখে হঠাৎ পানি চলে আসতে চায়। অনেক কষ্টে নিজেকে শান্ত রেখে বললেন, “তুই তোর আশুকে কখনো স্বপ্নে দেখিস মা?”

“রোজ স্বপ্নে দেখি। রোজ।”

“কী দেখিস ?”

“আমার সাথে রোজ রাতে কথা বলে আশু। আমাকে নিয়ে কোথায় কোথায় যাবে সেই সব বলে। আমার জন্যে আশু অপেক্ষা করছে।”

ইশতিয়াক সাহেব একটা নিঃশ্বাস ফেলে কথাটা ঘোরানোর জন্যে বললেন, “তুই কোথাও যেতে চাস মা?”

“না আকবু। যেতে চাই না।”

“কিছু কিনবি ? কোন বই ভিডিও সিডি ?”

“না আকবু। কিছু লাগবে না।”

“কারো সাথে দেখা করবি ? কথা বলবি ? তোর কোন বন্ধুকে ডাকবি ?”

“না -না- আকবু। কাউকে ডেকো না। আমার ভাল লাগে না।”

ইশতিয়াক সাহেব আবার খানিকক্ষণ চুপ করে বসে থেকে উঠে দাঁড়িয়ে বললেন, “দুপুর বেলা তোঁর আজমল চাচা আসবে।”

“ঠিক আছে।”

“তোঁর শরীর কেমন লাগছে তার সবকিছু বলিস আজমল চাচাকে।”

“বলব।”

“আমি একটু অফিস থেকে ঘুরে আসি কিছু লাগলেই ফোন করে দিবি।”

“দেব আবু।”

ইশতিয়াক সাহেব দরজা খুলে বের হয়ে যাচ্ছিলেন তখন হটাৎ নীলা বলল,  
“আবু-”

“কী মা ?”

“তোমার মনে আছে আমরা একদিন লঞ্চ করে যাচ্ছিলাম?”

“হ্যাঁ মা।”

“একটা মেয়ে- মনে আছে- একটা গাছের উপর থেকে পানিতে ডাইন্ড দিয়েছিল ?”

“হ্যাঁ মা। মনে আছে।”

“মেয়েটা কী সুন্দর ছিল না আবু ? কী খেসফুল! কী এনার্জেটিক!”

নীলা আরো কিছু বলবে ভেবে ইশতিয়াক সাহেব চুপ করে দাঁড়িয়ে রইলেন কিন্তু নীলা আর কিছু বলল না। তিনি মাথা নেড়ে বললেন, “হ্যাঁ, মা নিশ্চয়ই সুন্দর ছিল মেয়েটা। আমি তো দেখি নি, কিন্তু তুই তো দেখেছিস। তুই যখন বলছিস নিশ্চয়ই ছিল।”

ইশতিয়াক সাহেব ঘর থেকে বের হয়ে যেতে যেতে কী মনে করে আবার ফিরে এসে বললেন, “তুই ঐ মেয়েটার সাথে দেখা করবি মা ?”

“আমি ? দেখা করব ?”

“হ্যাঁ। করবি ?”

“নীলা হটাৎ কেমন যেন একটু লজ্জা পেলে গেল, বাবার দিকে তাকিয়ে বলল, “করব ? দেখা করে কী বলব তাকে?”

“যেটা ইচ্ছে হয় বলবি!”

“আমাকে দেখে কী হাসবে ?”

“কেন ? হাসবে কেন ?”

“এই যে আমার এত অসুখ। গায়ে জ্বোর নেই।”

“ধুর! সে জন্যে কেউ হাসে নাকী ? মানুষের কী অসুখ হয় না ? আর ভাল করে একটু খাবি তাহলেই তো জোর হবে।”

“তাহলে তুমি কী বল বাবা ? আমরা কী যাব ?”

“চল যাই। আমি ফোন করে দিচ্ছি, এখনই রওনা দেব।”

“তোমার অফিস?”

“আরেকদিন যাব অফিসে।”

চন্দ্রা নদীর তীরে পলাশপুর গ্রামের বাচ্চা কাচারি হিজল গাছের নিচে লক্ষ্য  
ঝাঁপ দিচ্ছিল হঠাৎ তারা দেখতে পেল রাজহাঁসের মত দেখতে অপূর্ব একটা লক্ষ্য  
প্রায় নিঃশব্দে তাদের দিকে এগিয়ে আসছে। প্রথমে দেখতে পেল সিরাজ সে  
অন্যদের দেখাতেই সবাই খেলা বন্ধ করে লক্ষ্যটার দিকে তাকিয়ে রইল। সবাই  
ভেবেছিল লক্ষ্যটা কাছাকাছি এসে যুরে যাবে কিন্তু সেটা যুরে গেল না সত্যি সত্যি  
তাদের দিকে আসতে শুরু করল। লক্ষ্যের সামনে একজন মানুষ বাঁশ দিয়ে নদীর  
পানি আন্দাজ করছে। জীরের কাছাকাছি এসে মানুষটা লক্ষ্য থেকে নেমে সেটাকে  
দাড়ি দিয়ে একটা গাছের গুড়ির সাথে বেঁধে ফেলল, তখন সবাই লক্ষ্য করল  
উপরে রেলিংয়ের কাছে সাহেবদের চেহারার মত একজন মানুষ এবং তার পাশে  
দাড়িয়ে আছে একেবারে পুতুলের মত দেখতে একটা মেয়ে। মানুষটার মাথায়  
চোখে যেন রোদ না লাগে সেরকম বারানদাওয়ালা একটা টুপি। মানুষটা  
ইশতিয়াক সাহেব। তিনি উপর থেকে বাচ্চাদের দিকে তাকিয়ে হাসি হাসি মুখে  
বলল, “তোমরা এখানকার ?” বাচ্চাদের কারো কথা বলার সাহস হল না। এক  
দুইজন ভয়ে ভয়ে মাথা নাড়ল।

ইশতিয়াক সাহেব আবার বললেন “আমরা এখানে একজনকে খুঁজতে  
এসেছি। একটা মেয়ে, খুব সাহসী মেয়ে! এই যে গাছটা আছে সেটার একেবারে  
উপর থেকে নদীতে ডাইভ দিতে পারে।”

সাহেবদের মত দেখতে ফর্সা মানুষটি কার কথা বলছে বুঝতে বাচ্চাদের  
কারো এতটুকু দেবী হল না। তারা প্রায় সমবরে চিৎকার বলল, “বকুলাপ্পু।”

“কী নাম বললে ? ব-ব-”

“বকুলাপ্পু।”

“বকু-লাপ্পু?”

“হ্যাঁ।” সিরাজ এবার সাহস করে কথা বলার দায়িত্বটুকু নিয়ে নিল। বলল,  
“তার নাম হল বকুল। আমরা সবাই বকুল আপু ডাকি।”

“ও!” ইশতিয়াক সাহেব হা হা করে হেসে বললেন, “বকুল আপু থেকে  
বকুলাপ্পু!”



ব্যাপারটা সাহেবের মত চেহারার মানুষটাকে বোঝাতে পেরেছে সেই আনন্দে সিরাজ চোখ ছোট ছোট করে হেসে ফেলল। সে শরীফকে টেনে সামনে এনে বলল, “এই যে শরীফ। বকুলাপ্পুর ছোট ভাই।”

“ও! তুমি বকুলাপ্পুর ছোট ভাই।” ইশতিয়াক সাহেব হেসে বললেন, “আমরা তোমার বোনের সাথে দেখা করতে এসেছি।”

শরীফ পাংশু মুখে বলল, “কী করেছে বকুলাপ্পু?”

“কিছু করে নি! আমরা এমনি দেখতে এসেছি। কোথায় আছে বলবে?”

সিরাজ বলল, “ডেকে নিয়ে আসি?”

সিরাজের কথা শেষ হবার আগে শরীফ এবং আরো আট দশজন বকুলকে ডাকার জন্য গুলির মত ছুটে গেল। তাদের গ্রামে এত বড় ব্যাপার এর আগে কবে ঘটেছে কেউ মনে করতে পারে না।

বাড়ীতে তখন বকুলকে বকাবকি করা হচ্ছিল। রহমত চাচার পাগলী গাইটি কীভাবে জানি ছুটে গেছে, গ্রামের দুর্ধর্ষ মানুষেরা এই গাইয়ের ধারে কাছে যায় না, বকুল সেটাকে ধরার চেষ্টা করে পিছু পিছু ছুটে গিয়েছিল। গাইটি পথে ঘাটে যত অনর্থ করেছে এখন তার সব দোষ এসে পড়েছে বকুলের ঘাড়ে। বকুলকে জন্ম দিতে গিয়ে মা কেন মরে গেলেন না সেটা চতুর্থবারের মত বলে মা পঞ্চমবারের মত বলতে শুরু করছিলেন তখন ছুটেতে ফুটেতে শরীফ এবং বাচ্চা কাক্কার দল এসে হাজির। শরীফ হাঁপাতে হাঁপাতে বলল, “বকুলাপ্পু- সাংঘাতিক জিনিস হয়েছে।”

“কী?”

“একটা সাহেবের মত লোক- ঐ যে সাদা লঞ্জে করে যায় সে তোমাকে খুঁজছে।”

“আমাকে?” বকুল মনে করার চেষ্টা করতে থাকে কীভাবে সে সাদা লঞ্জের মানুষের সাথে একটা গোলমাল জড়িয়ে পড়ল।

বড় চাচী কাছে দাড়িয়েছিলেন এবারে চোখ কপালে তুলে বললেন, “ও মা গো। কী ডাকাতে মেয়ে! লঞ্জওয়ালার সাথে গোলমাল করে এসেছে!”

বকুল তেজী ভঙ্গীতে মাথা নেড়ে বলল, “আমি কিছু করি নাই।”

“তাহলে কেন তোকে ডাকছে?”

“আমি কেমন করে বলব?”

শরীফ এবং অন্যেরা বকুলের হাত ধরে টানতে টানতে বলল, “চল, বকুলাপ্পু। চল। তাড়াতাড়ি চল!”

মা এবং বড় চাচী দুর্ভিক্ষায় যুঝ কালো করে বসে রইলেন এবং তার মাঝে বকুল বাচ্চাদের নিয়ে নদীর ঘাটের দিকে চলল। বকুল দূর থেকে দেখতে পেলে লক্ষের উপর পুতুলের মত দেখতে মেয়েটা বসে আছে, তাকে দেখে মেয়েটা উঠে দাড়ল। মেয়েটার পাশে দাড়িয়ে আছে সাহেবদের মত দেখতে একজন মানুষ, সেই মানুষটা বকুলকে দেখে লক্ষ থেকে নেমে এসে বললেন, “তুমি হচ্ছ বিখ্যাত বকুলাশু ?”

বকুল হঠাৎ করে একটু লজ্জা পেয়ে যায়। মানুষটি বকুলের পিঠে হাত দিয়ে বললেন, “তুমি একদিন ঐ গাছ থেকে নদীর পানিতে ডাইভ দিয়েছিলে, সেটা দেখে আমার মেয়ে এত মুগ্ধ হয়েছে যে সে তোমার সাথে পরিচয় করতে এসেছে।”

বকুল অবাক হয়ে মানুষটি দিকে তাকাল, যে কাজটিকে প্রত্যেকটি মানুষ একটা বড় ধরনের দুষ্টিমি হিসেবে ধরে নেয়, তার জন্যে বকুলি থেকে শুরু করে বড় ধরনের পিটুনি পর্যন্ত বেড়ে হয়, সেই কাজটি করেছে বলে তাকে দেখতে এসেছে একটি মেয়ে! আর মেয়েটি হ্যানো তেনো কোন মেয়ে নয়— একেবারে সেই স্বপ্ন জগতের একটা মেয়ে।

সাহেবদের মত লম্বা চওড়া ফর্সা মানুষটা বকুলের দিকে খানিকটা ঝুকে পড়ে বললেন, “আমার মেয়েটি নিজেই নিচে নেমে আসত কিন্তু আসলে তার শরীরটি ভাল নয়।”

বকুল শুরু কুচকে বলল, “কী হয়েছে ?”

ফর্সা মানুষটি একটা নিঃশ্বাস ফেলে বললেন, “তার একটা অসুখ করেছে। একটা কঠিন অসুখ। খুব দুর্বল সেজন্যে।”

বকুল অবিশ্বাসের দৃষ্টিতে একবার মানুষটির দিকে আরেকবার পুতুলের মত মেয়েটির দিকে তাকাল। এরকম ফুলের মত সুন্দর একটা মেয়ের কখনো কী অসুখ করতে পারে ?

“তুমি আসবে একটু আমার সাথে ? আমার মেয়ে তোমার সাথে পরিচয় করার জন্যে বসে আছে।”

বকুল মাথা নাড়ল। তারপর মানুষটার পিছু পিছু লক্ষের উপরে উঠল। অনেকদিন আগে একবার সে লক্ষ করে সদরঘাট গিয়েছিল, কী ভয়ানক ভীড় ছিল সেই লক্ষে, কি ঘিজ্জি নোংরা একটা লক্ষ। আর তার তুলনায় এটা ছবির মত একটা লক্ষ, সাদা ধবধব করছে, দেখে মনে হয় এটি বুঝি সত্যিকারের লক্ষ নয়, বুঝি একটা খেলনা।

সাহেবদের মত লম্বা চণ্ডা ফর্সা মানুষটা বকুলের হাত ধরে সাবধানে উপরে নিতে নিতে বলল, “আমার নাম ইশতিয়াক আহমেদ, আর আমার মেয়ের নাম হচ্ছে নীলা।” বকুল ভাবল সে একবার জিজ্ঞেস করবে কী অসুখ করেছে নীলার কিন্তু ততক্ষণে উপরে চলে এসেছে তাই আর জিজ্ঞেস করতে পারল না। ইশতিয়াক সাহেব নীলার কাছাকাছি গিয়ে বললেন, “নীলা, এই হচ্ছে বকুল, আর বকুল এই হচ্ছে নীলা।”

বকুল কী বলবে বুঝতে পারল না, সে ছোট ছোট দুই ছেলেমেয়েদের নিয়ে যে কোন রকম দুরন্তপনা করতে পারে, গলা ফাটিয়ে ঝগড়া করতে পারে, পাঞ্জী ছেলেদের ল্যাং মেয়ে ফেলে দিতে পারে— কিন্তু এরকম একটা ছবির মত সুন্দর লম্বের দোতলায় পুতুলের মত একটা মেয়ের সামনে দাড়িয়ে কী কথা বলতে হবে সে বুঝতে পারল না। দুজন দুজনের দিকে কিছুক্ষণ তাকিয়ে রইল তখন নীলা বলল, “আমি যে এরকম করে এসেছি তুমি কী রাগ হয়েছে?”

বকুল অবাক হয়ে বলল, “কেন রাগ হবে কেন?”

“না, আমি ভাবলাম কোন রকম খবর না দিয়ে অচেনা একজন মানুষ হঠাৎ করে—”

“আমি তোমাকে চিনি।”

নীলা অবাক হয়ে বলল, “তুমি আমাকে চেনো?”

“হ্যাঁ। আমি তোমাকে অনেকবার দেখেছি তুমি এই লম্বা করে যাচ্ছ।”

“আমিও তোমাকে দেখেছি ঐ গাছের উপর থেকে তুমি ডাইভ দিচ্ছ। ইশ! তোমার ভয় করে না?”

বকুল ফিক করে হেসে বলল, “একটু একটু করে।”

নদীর ঘাটে ততক্ষণে অমেক বাচ্চাদের শীড় জমে গেছে, সবাই লম্বা ওঠার জন্যে উশখুশ করছে কিন্তু সাহস পাচ্ছে না। ইশতিয়াক সাহেব রেলিং ধরে দাড়িয়েছিলেন, তিনি তাদের দিকে তাকিয়ে জিজ্ঞেস করলেন, “তোমরা কী আসতে চাও?”

তার কথা শেষ হবার আগেই ডজন খানেক বাচ্চা হুড়মুড় করে লম্বার দিকে ছুটে যেতে থাকে, ধাক্কাধাক্কি করে কে কার আগে যাবে সেটা নিয়ে প্রতিযোগিতা শুরু হয়, উপর থেকে কোন একজন নিচে পড়ে যাবে সেই ভয়ে ইশতিয়াক সাহেব চোখ বন্ধ করে ফেললেন। কয়েক সেকেন্ড পরে চোখ খুলে দেখলেন বকুল আর নীলাকে ঘিরে সব বাচ্চারা দাড়িয়ে আছে— কেউ পড়ে যায়নি! বকুল আর নীলা কি নিয়ে কথা বলে সেটা শোনার জন্যে তারা একটা নিঃশব্দ কৌতূহল নিয়ে তাদের ঘিরে দাড়িয়ে আছে।

বকুল জিজ্ঞেস করল, “তোমার নাকী অসুখ করেছে ?”

নীলা মাথা নাড়ল।

বকুল মাথা নেড়ে শাস্ত্রনা দেওয়ার ভঙ্গী করে বলল, “কোন চিন্তা করো না।  
সবারই কোন না কোন অসুখ হয়।”

বকুল এবং নীলাকে ঘিরে যে বিশাল দর্শকমন্ডলী দাড়িয়েছিল তারা সম্মতির  
ভঙ্গীতে মাথা নাড়ল, আজীজ বলল, “আমার গত সপ্তাহে জ্বর হয়েছিল।”

কালাম বুক ফুলিয়ে বলল, “আমার গত বছর জন্ডিস হয়েছিল।”

জাহানারা ফিস ফিস করে বলল, “আমার ম্যালেরিয়া।”

সিরাজ রতনকে দেখিয়ে হি হি করে হেসে বলল, “আর রতনের সারা বছর  
অসুখ থাকে। পেটের অসুখ না হলে জ্বর না হলে পাচড়া।”

নীলা মাথা নেড়ে বলল, “আমার অসুখটা সেরকম অসুখ না।”

“তাহলে কী রকম অসুখ ?”

“এটা আসলে- এটা- ” নীলা ইতস্ততঃ করে বলল, “এটা কোন দিন ভাল  
হবে না।”

সবাই কিছুক্ষণ চুপ করে রইল। আজীজ বলল, “ডাক্তার দেখালেই তো  
অসুখ ভাল হয়।”

নীলা একটু হেসে বলল, “পৃথিবীর সব ডাক্তার দেখানো হয়েছে। এই  
অসুখটার কোন চিকিৎসা নেই।”

বাক্সাদের দলটার মাঝে রতনকে সবচেয়ে বোকা হিসেবে বিবেচনা করা  
হয়। সে নিজের সুনামটা অক্ষুণ্ন রাখার জন্যেই মনে হয় বলল, “তাহলে কী এখন  
তুমি মরে যাবে ?”

বকুল সাথে সাথে রতনের কান ধরে একটা ঝাকুনী দিয়ে বলল, “গাধার  
মত কথা বলিস কেন ?”

রতন নিজের কান বাঁচানোর চেষ্টা করতে করতে বলল, “চিকিৎসা না হলে  
মানুষ মরে যায় না ? মনে নাই জব্বার চাচা- ”

ইশতিয়াক সাহেব অসহায় ভাবে বাক্সাদের আলোচনাটি শুনে যাচ্ছিলেন এত  
খোলামেলাভাবে এরকম একটা বিষয় নিয়ে মনে হয় শুধু বাক্সারাই আলোচনা  
করতে পারে। তিনি বিষয়টা পাল্টানোর চেষ্টা করতে যাচ্ছিলেন, তার আগেই  
নীলা বলল, “আসলে ঠিকই বলেছে ও। আমি কয়েকদিনের মাঝে মরে যাব।”

সাজ্জাদ এই দলটার মাঝে সবচেয়ে ধার্মিক মানুষ, গত রোজায় সে  
তিরিশটা রোজা রেখেছে, এর মাঝে নিজে নিজে দশ পারা কোরান শরীফ পড়ে  
ফেলেছে। সে এগিয়ে এসে গম্ভীর গলায় বলল, “হায়াৎ মউত আব্বাহর হাতে।  
কে কখন মারা যাবে কেউ বলতে পারে না।”



নীলা হাসি হাসি মুখে বলল, “আমি পারি।”

সাজ্জাদ মাথা নেড়ে বলল, “এই রকম করে কথা বলা ঠিক না। আল্লাহ্ নারাজ হবে। আল্লাহ্ চাইলে সব অসুখ ভাল হয়ে যায়।”

বকুল এবং অন্য সবাই জোরে জোরে মাথা নাড়তে থাকে। সাজ্জাদ উৎসাহ পেয়ে বলল, “যখন কঠিন অসুখ হয় তখন সদকা দিতে হয়।”

“সদকা?”

“হ্যাঁ, জ্ঞানের সদকা দিতে হয় জান দিয়ে। মনে কর আল্লাহ ঠিক করেছে এই অসুখটা দিয়ে তোমার জ্ঞান নিবে। তখন একটা মুরগী কিনে সেটাকে সদকা দিতে হয়। বলতে হয় আল্লাহ তুমি আমার জ্ঞান না নিয়ে এই মুরগীর জানটা নাও। আল্লাহ তখন মুরগীর জ্ঞান নিয়ে তোমার অসুখ ভাল করে দিবে।”

আঞ্জীজ জিজ্ঞেস করল, “মুরগী সদকা কী দেওয়া হয়েছে?”

নীলা মনে হল মুখের হাসি গোপন করে বলল, “না দেওয়া হয় নাই।”

“দেওয়া উচিত ছিল।”

বকুল বলল, “তুমি চিন্তা কর না, আমরা আজকেই তোমার জন্যে একটা মুরগী সদকা দিব।”

উপস্থিত অন্য সবাই মাথা নাড়ল এবং ঠিক তখন নদীর তীর থেকে কে একজন চিৎকার করে উঠল, “শুশুক শুশুক-”

সবাই লক্ষের রেলিং ধরে নিচে তাকাল এবং অবাক হয়ে দেখল একটা বিশাল শুশুক লক্ষটার কাছে ভেসে ভেসে ঘুরে বেড়াচ্ছে। তীর থেকে একজন চিৎকার করে বলল, “মার, মার শালাকে।”

কেন শুশুককে মারতে হবে কেউ পরিষ্কার করে বুঝতে পারল না কিন্তু সাথে সাথে লোকজন টিল পাথর হাতে নিতে শুরু করে, কে একজন একটা কোঁচ নিয়ে আসার জন্যে ছুটতে থাকে।

বকুল নিচে তাকাল এবং সাথে সাথে শুশুকটাকে চিনতে পারল, লক্ষের উপর থেকে স্পষ্ট দেখা যাচ্ছে পিঠের আঘাতের চিহ্ন। সে চিৎকার করে বলল, “না- না - না কেউ মেরো না।”

তার কথা শেষ হবার আগেই এক দুটি টিল ছুটে আসতে থাকে এবং কেউ কিছু বোঝার আগেই বকুল রেলিংয়ের উপরে উঠে দাড়িয়ে মাথা নিচু করে পানিতে ঝাপিয়ে পড়ল। নদীর পানিতে ঝাপাং করে সে ডুবে যায়, কয়েক মূহূর্ত পরে সে যখন ভেসে উঠল সবাই অবাক হয়ে দেখল সে শুশুকটার গলা জড়িয়ে ধরে রেখেছে এবং শুশুকটা প্রাণের বন্ধুকে যেভাবে আদর করে সেভাবে বকুলকে তার মুখ দিয়ে আদর করে যাচ্ছে।

লক্ষের উপর ইশতিয়াক সাহেব, নীলা, ডজন খানেক বাচ্চা, নদীর তীরে জনা দশেক মানুষ সবাই অবাক হয়ে তাকিয়ে রইল। সবার আগে কথা বলল নীলা, জিজ্ঞেস করল, “তু-তুমি এটাকে চিন ?”

বকুল মুখের উপর থেকে ভিজ্ঞে চুল সরিয়ে বলল, “হ্যাঁ, এটা আমার বন্ধু।”

“বন্ধু ? বন্ধু! কী নাম ?”

“টুশকি।”

“টুশকি! ইশ কী সুন্দর নাম ! আমি টুশকিকে ছুতে পারি ?”

রতন মাথা নেড়ে বলল, “কামড় দিবে। কামড় দিয়ে কপ করে মাথাটা খেয়ে ফেলবে।”

“ধুর গাধা।” আজীজ ধমক দিয়ে বলল, “শুশক তো মাছ, মাছ কী কামড় দেয় ? বকুলাপ্পকে কী কামড় দিচ্ছে ?”

জাহানারা ফৌস করে নিঃশ্বাস ফেলে বলল, “বকুলাপ্পকে বাঘও কামড় দিবে না। আমরা গেলে কপ করে খেয়ে ফেলবে।”

নীলা উপর থেকে আবার চিৎকার করে বলল, “আমি টুশকিকে ছোব।”

বকুল টুশকির গায়ে হাত বুলাতে বুলাতে বলল, “নিচে পানিতে আসতে হবে।”

নীলা জুলজুলে চোখে ইশতিয়াক সাহেবের দিকে তাকিয়ে বলল, “বাবা আমি যাই নিচে ? পানিতে ?”

ইশতিয়াক সাহেব অবাক হয়ে নীলার দিকে তাকিয়ে রইলেন। শাহনাজ মারা যাবার পর মেয়েটি একেবারে সব কিছুতে আকর্ষণ হারিয়ে ফেলেছিল, কত চেষ্টা করেও কোন কিছুতে এতটুকু আগ্রহ বা কৌতুহল জাগাতে পারেননি। দুই বছর পর এই প্রথমবার সে কিছু একটা করতে চাইছে। শুধু যে করতে চাইছে তাই নয়, সমস্ত মন প্রাণ দিয়ে দিচ্ছে। তিনি নরম গলায় বললেন, “যেতে চাইলে যা মা। আমি আসব।”

“আসতে হবে না বাবা, আমি নিজেই পারব।”

ইশতিয়াক সাহেব অবাক হয়ে দেখলেন দুর্বল শরীরে নীলা লক্ষের সিঁড়ি বেয়ে নিচে নেমে যাচ্ছে, তার সামনে পিছনে ছোট ছোট বাচ্চারা তাকে ধরে রেখেছে যেন পড়ে না যায়। নিচে কাদা মাটি তার কাছে ঘোলা পানি, সেখানে হাটতে হাটতে প্যারিস থেকে কেনা তার সাদা জুতো কাদায় মাখামাখি হয়ে যাচ্ছে, নিউইয়র্কের মাসিতে এই ফ্রকটা কিনেছিলেন আড়াইশ ডলার দিয়ে, নদীর ঘোলা পানিতে ভিজ্ঞে একাকার হবে এক্ষুনি! কিন্তু ইশতিয়াক সাহেব সেদিকে দেখছিলেন না, তিনি তাকিয়েছিলেন নীলার মুখের দিকে, কী অপূর্ব প্রাণ শক্তিতে হঠাৎ করে সেটা জুলজুল করছে। নিঃশ্বাস বন্ধ করে সেদিকে তাকিয়ে থাকতে থাকতে তিনি নিচু গলায় ডাকলেন, “শমশের- ”

সাথে সাথে সারেংয়ের ঘর থেকে মধ্যবয়স্ক একজন মানুষ বের হয়ে এল, বলল, “স্যার, আমাকে ডেকেছেন ?”

“হ্যাঁ। তুমি যাও, ডক্টর আজমলকে নিয়ে এস। যেভাবে হোক। কতক্ষণ সময় লাগবে ?”

“এক ঘন্টা লেগে যাবে স্যার।”

“এক ঘন্টায় পারবে নিয়ে আসতে ?”

“যদি ডাক্তার সাহেবকে খুঁজে আনতে না হয় তাহলে পারব স্যার।”

“ভেরী গুড। যাও। বলবে খুব জরুরী। খুব খুব জরুরী।”

বকুল পানিতে শুশুকটার গলা জড়িয়ে ভেসে আছে, তাকে ঘিরে আরো কিছু বাচ্চা হুটোপুটি করছে। ইশতিয়াক সাহেব লঞ্চের রেলিং ধরে দাড়িয়ে দাড়িয়ে দেখছেন। বেশ কয়েকজন মিলে নীলার হাত ধরে নিয়ে যাচ্ছে। ইশতিয়াক সাহেব বুকের মাঝে এক ধরনের কাঁপুনি অনুভব করতে থাকেন। ফুলের মত কোমল তার এই মেয়েটার যদি কিছু একটা হয় ? শুশুকের শক্তিশালী লেজের ঝাপটায় যদি সে আছড়ে পড়ে ডুবে যায় পানিতে, নদীর স্রোতে যদি ভেসে যায় বড়কুটোর মত ?

নীলা শীতে কাঁপছে ঠক ঠক করে, কাঁপতে কাঁপতেই সে মাছের টুকরোটা উচু করে ধরে রাখল আর শুশুকটা হঠাৎ পানির নিচে থেকে লাফিয়ে উঠে গুর হাত থেকে মাছটা নিয়ে আবার পানির নিচে অদৃশ্য হয়ে গেল। ডজন খানেক নানা বয়সের বাচ্চা হাততালি দিয়ে চিৎকার করে উঠে, আর নীলা কাঁপতে কাঁপতেই স্থির স্থির করে হেসে উঠল আনন্দে।

লঞ্চের রেলিংটা শক্ত করে ধরে রেখে ইশতিয়াক সাহেব কাঁপা গলায় বললেন, “কী মনে হয় তোঁর আজমল ? নীলা কী ডিপ্ৰেশান থেকে বের হয়ে আসছে ?”

ডক্টর আজমল নিচু গলায় বললেন, “দ্যাখ, ইশতিয়াক আমি চাই না তোঁর পরে আশাভঙ্গ হোক- তাই কিছু বলতে চাচ্ছি না। কিন্তু যদি নীলার মাঝে এই ভাবটা ধরে রাখা যায়- তাহলে তাহলে মনে হয় একটা কিছু হয়ে যাবে!”

“কতক্ষণ ধরে রাখতে হবে ? কতক্ষণ ?”

“বলা মুশকিল- যত বেশী সময় হয় ততই ভাল।”

“কিন্তু দেখছিস না শীতে কাঁপছে ?”

“হ্যাঁ। এখন ঋনিষ্কণের জন্যে উপরে নিয়ে আয়- শরীর মুছে আবার ঋনিষ্কণ পরে না হয় খেলতে দিস! পানিতে ভিজেই যে খেলতে হবে তা নয়- অন্য কোন ভাবে।”

“এই যে বকুল মেয়েটাকে দেখছিস- নিশ্চয়ই যাদু জানে- নিশ্চয়ই জানে।  
কী বলিস তুই?”

ডক্টর আজমল হাসলেন, “ই্যা, মাঝে মাঝে এরকম পাওয়া যায়। এক দুজন  
মানুষ তাদের হাতের ছোঁয়ায় যাদু থাকে চোখের দৃষ্টিতে যাদু-”

ইশতিয়াক সাহেব হঠাৎ আজমলের হাতটা চেপে ধরে প্রায় আর্তনাদ করে  
বললেন, “কী মনে হয় ভোর? বাঁচবে আমার মেয়েটা? বাঁচবে?”

ডক্টর আজমল ইশতিয়াক সাহেবের কাঁধ স্পর্শ করে বললেন, “এত ব্যস্ত  
হচ্ছিস কেন? একটু ধৈর্য্য ধর। মনে হয় খোঁদা আমাদের কথা শুনেছেন।”

নীলা শরীর মুছতে মুছতে বলল, “আব্বু, এমন খিদে লেগেছে যে মনে হচ্ছে  
আজ একটা ঘোড়া খেয়ে ফেলতে পারব।”

তুচ্ছ একটা কথা শুনে ইশতিয়াক সাহেবের চোখে পানি এসে গেল, শেষবার  
কবে মেয়েটি সখ করে কিছু খেতে চেয়েছে? সাবধানে চোখের পানি গোপন  
করে বললেন, “এখন ভোর জন্যে ঘোড়া রান্না করবে কে?”

কথাটি যেন সাংঘাতিক হাসির কথা নীলা সে রকম ভাবে হাসতে শুরু  
করল। ইশতিয়াক সাহেব মনে করতে পারলেন না শেষবার কবে তাকে হাসতে  
শুনেছেন। হাত দিয়ে মেয়েকে নিজের কাছে টেনে এনে বললেন, “কী খাবি মা?”

“ইলিশ মাছের ভাজা দিয়ে ভাত খেতে ইচ্ছে করছে আব্বু। ঝাল করে কাঁচা  
মরিচ দিয়ে ভাজবে। কিন্তু-”

“কিন্তু কী?”

“লঞ্চের কিচেনে তো কোন ইলিশ মাছ নেই।”

“কী হয়েছে ইলিশ মাছের?”

“দেখলে না পুরো ইলিশ মাছটা খাইয়ে দিলাম টুশকিকে! যা পেটুক তুমি  
বিশ্বাস করবে না। ইলিশ মাছ শেষ করে গলদা চিংড়ি রুই মাছ-”

ইশতিয়াক সাহেব যখন নীলাকে নিয়ে লঞ্চ করে বেড়াতে আসেন তখন  
সাথে নানারকম খাবারের আয়োজন থাকে। লঞ্চের নিচে রান্না করার ব্যবস্থা  
রয়েছে কখনো খাওয়ার সমস্যা হয় না। আজ অবশ্যি ভিন্ন ব্যাপার, কিচেনের  
যাবতীয় খাবার টুশকি নামের শুককটিকে খাইয়ে দেওয়া হয়েছে। ইশতিয়াক  
সাহেব দরজা দিয়ে গলা বের করে ডাকলেন, “শমশের-”

শমশের প্রায় সাথে সাথেই নিঃশব্দে হাজির হয়ে বলল, “আমাকে ডেকেছেন  
স্যার?”



“কিচেনের সব ইলিশ নাকী টুশকিকে খাইয়ে দেয়া হয়েছে।”

“জী স্যার।”

“কতক্ষণে তুমি কিছু ইলিশ মাছ আনতে পারবে?”

শমশের খানিকক্ষণ তার নব্বের দিকে তাকিয়ে রইল যেন সেখানে কিছু একটা তথ্য লেখা রয়েছে, তারপর মুখ তুলে বলল, “বিশ মিনিট স্যার।”

“ভোমাকে পুরো তিরিশ মিনিট সময় দিচ্ছি। ষাও।”

“ঠিক আছে স্যার।”

শমশের ঠিক যেরকম নিঃশব্দে হাজির হয়েছিল ঠিক সেরকম নিঃশব্দে বের হয়ে গেল। কয়েক সেকেন্ড পরেই শক্তিশালী স্পীড বোটের গর্জন শোনা গেল, শহর থেকে ডক্টর আজমলকে এক ঘন্টার মাঝে নিয়ে আসার রহস্যটা ইশতিয়াক সাহেবের কাছে পরিষ্কার হয়ে গেল হঠাৎ।

আধা ঘন্টার মাঝে সত্যি সত্যি ইলিশমাছ হাজির হল, সেটা কেটে কুটে রান্না করতে করতে আরো আধাঘন্টা। ষাওয়া শেষ হতে হতে আরো আধাঘন্টা। ইশতিয়াক সাহেব সবাইকে নিয়ে খেয়ে চাইছিলেন কিন্তু বকুল এবং অন্য বাচ্চাগুলি কিছুতেই রাজী হল না।

ডক্টর আজমল নীলাকে পরীক্ষা করে খানিকক্ষণ শুয়ে বিশ্রাম নিতে বললেন, সে কিছুতেই রাজী হচ্ছিল না, কিন্তু একরকম জোর করে শুইয়ে দেবার পর প্রায় সাথে সাথেই ঘুমিয়ে পড়ল। তার দুর্বল শরীর কী পরিমাণ ক্লান্ত হয়েছিল সে নিজেও জানত না।

বিকেল বেলা বকুল এক একটা ছোট মোরগের বাচ্চা হাতে- নীলার জন্যে এই মোরগের বাচ্চাটি সদকা দেয়া হবে। ইশতিয়াক সাহেব মোরগের বাচ্চাটির দাম দেওয়ার চেষ্টা করলেন কিন্তু বকুল সজোরে মাথা নেড়ে বলল সাজ্জাদ জানিয়েছে যে নিজেদের মানুষেরা এর দাম দিয়ে দিলে সদকার কার্যক্ষমতা কমে যায়। ইশতিয়াক সাহেব সেটা শুনে আর দাম দেওয়ার চেষ্টা করলেন না, নীলাকে ডেকে দিয়ে একটু আড়ালে সরে গেলেন, দেখলেন অত্যন্ত গম্ভীর মুখে বকুল কিছু একটা বলছে, নীলা খুব মনোযোগ দিয়ে সেটা শুনছে।

খানিকক্ষণ পর নীলা এসে ইশতিয়াক সাহেবকে বলল, “আবু- আমি বকুলের সাথে যাই?”

“কোপায় যাবি?”

“এই তো গ্রামে।”

যে মেয়েটি আজ সকালেও রুগ্ন হলে বিছানায় শুয়েছিল সেই মেয়েটি যদি এখন আরেকজনকে নিয়ে থামে ঘুরে বেড়াতে চায় সেটি খুব সহজভাবে নেয়া সম্ভব নয়। ডক্টর আজমল থাকলে তাকে জিজ্ঞেস করা যেতো, কিন্তু তার হাসপাতালের ডিউটি ছিল বলে ঘন্টাখানেক আগে চলে গিয়েছেন। নীলা আবার জিজ্ঞেস করল, “মাই বাবা ?”

“ঠিক আছে, যা।”

সাথে সাথে নীলা গায়ে হালকা একটা সোয়েটার চাপিয়ে বকুলের সাথে রওনা দিল। দুজনে একটু দূরে সরে যেতেই ইশতিয়াক সাহেব চাপা গলায় ডাকলেন, “শমশের-”

শমশের নিঃশব্দে এসে বলল, “জী স্যার ?”

“ঐ যে দেখছ নীলা আর বকুল ? তাদের দুজনকে চোখে চোখে রাখবে। কিন্তু খুব সাবধান, তারা যেন বুঝতে না পারে।”

“ঠিক আছে স্যার।”

শমশের সিঁড়ি দিয়ে নেমে যাচ্ছিল তখন ইশতিয়াক সাহেব আবার ডাকলেন, “শমশের-”

“জী স্যার।”

“থাক দরকার নেই। আমার মেয়েটি কী বেঁচে যাবে কী না সেটা এখন নির্ভর করছে এই বাচ্চা মেয়েটার উপরে।”

শমশের নিচু গলায় বলল, “আল্লাহ্ মেহেরবান।”

“ঐ মেয়েটাকে আমার বিশ্বাস করা উচিত। কী বলল?”

“জী স্যার।”

humambd@gmail.com

[www.banglabook.com](http://www.banglabook.com)

৫

বকুল আর নীলা পাশাপাশি হেঁটে যাচ্ছে। বকুলের ডান হাতে শক্ত করে ধরে রাখা মোরগের বাচ্চা, সেটা মনে হয় তার অবস্থাটাকে বেশ মেনে নিয়েছে, কোন রকম আপত্তি করছে না। নীলা জিজ্ঞেস করল, “কাকে দিবে এই মোরগটা।”

“খেলার মাকে।”

“খেলার মা ? একজন মানুষের নাম খেলা ?”

“অসল নাম খেলারানী। এখন বিয়ে করে ইতিয়া চলে গেছে। হিন্দু মানুষ তো তাই গ্রামের মাতবরেরা খুব অত্যাচার করে।”

“হিন্দুদের মাতবরেরা অত্যাচার করে নাকী?”

“করে না আবার! খেলার মাকেও ইতিয়া নিতে চেয়েছিল সে যায় নাই। বলেছে এইটা আমার দেশ এইটা আমার মাটি। আমি যাব না। সে আর যায় নাই। মুরগীর সদকাটা তারেই দেই, ভাল হবে।”

নীলা মাথা নাড়ল। বকুল মোরগের বাচ্চাটা হাত বদল করে বলল, “তা ছাড়া হিন্দু মানুষ তো তাকে দিলে অন্য লাভ হবে।”

“কী লাভ?”

“সদকা দেওয়াটা মুসলমানদের নিয়ম, আল্লাহ খুশী হবে। হিন্দুদের যদি দেওয়া হয় তাহলে ভগবানও খুশী হবে। একই সাথে আল্লাহ আর ভগবান দুজনকেই খুশী করা!”

নীলা জুর কুচকে বলল, “আল্লাহ আর ভগবান একই না?”

বকুল ঘাড় ঝাড়িয়ে বলল, “জানি না। হলে তো আরো ভাল।”

দুইজন কথা না বলে চূপচাপ কিছুক্ষণ হেটে যায়। বকুল এক সময় বলল, “তোমাদের ঢাকা শহরে কত কী দেখার আছে। আমাদের এখানে তো দেখার মতো কিছুই নাই। তোমাকে যে কী দেখাই। দেখার মত জিনিষ হচ্ছে গিয়ে জমিলা বুড়ী, মতি পাগলা আর বিণু চোরা।”

“এরা কারা?”

“জমিলা বুড়ী হচ্ছে ডাইনী বুড়ী।”

বকুল চোখ কপালে তুলে বলল, “ডাইনী বুড়ী?”

“সবাই বলে। ছোট বাচ্চা দেখলে যাদু করে ব্যাঙ না হলে ইঁদুর তৈরী করে ঝোণার মাঝে ভরে ফেলে!”

“ধুর!”

“ছয়টা নাকী তার পোষা জীন আছে। সবসময় সে জীনদের সাথে কথা বলে।”

“যাও!”

বকুল দাঁত বের করে বলল, “দেখ নাই তো তাই বলছ যাও। দেখলে দাঁতে দাঁত লেগে যাবে। ফিট হয়ে ধড়াম করে পড়বে মাটিতে।”

“কচু!”

“আমার কথা বিশ্বাস হল না?”

“উই।”

বকুল মুখ শক্ত করে বলল, “চল তাহলে জমিলা বুড়ীর কাছে। যাবে ?”

“চল।”

“পরে কিন্তু আমাকে দোষ দিও না।”

নীলা মাথা নেড়ে বলল, “দিব না।”

বকুল নীলাকে নিয়ে জমিলা বুড়ীর বাসায় যেতে যেতে বলল, “জমিলা বুড়ীকে না দেখে চল মতি পাগলাকে না হয় বিত্ত চোরাকে দেখতে যাই।”

“কেন ?”

“ওদের দেখার মাঝে কোন বিপদ নাই। মতি পাগলাকে সব সময় বেঁধে রাখে কিছু করতে পারে না। আর বিত্ত চোরা হচ্ছে বিখ্যাত চোর। চুরির যদি কোন কম্পিটিশান থাকত তাহলে বিত্ত চোরা গোল্ড মেডেল পেতো!”

নীলা চোখ বড় বড় করে বকুলের গল্প শুনে। সে যেখানে থাকে তার আশে পাশের মানুষ জন এখনকার মানুষের তুলনায় মনে হয় নেহায়েৎ পানশে! মতি পাগলা এবং বিত্ত চোরার বর্ণনা শুনে বলল, “আগে ডাইনী বুড়ীকে দেখি, তারপরে মতি পাগলা আর বিত্ত চোরাকে দেখব।”

“ঠিক আছে!”

দুজনে গ্রামের রাস্তা ধরে হাঁটতে থাকে। এক সময় রাস্তা ছেড়ে মেঠো পথ এবং সবশেষে খেতের আল ধরে হাঁটতে হয়। গ্রামের একেবারে বাইরে কিছু কোপঝাড় বন জঙ্গল। তার পাশে একটা ছোট ঝুপড়ি মতন। বকুল ফিস ফিস করে বলল, “ঐ যে জমিলা বুড়ীর বাড়ী।”

“জমিলা বুড়ী কই ?”

“বাড়ীর বাইরে মাটিতে বসে থাকে।”

“দেখি না তো।”

“মনে হয় ভিতরে আছে।”

“দেখব কেমন করে ?”

“দাড়াও ডাকি। যদি বের হয়ে আসে দৌড় দিতে হবে কিন্তু।”

নীলা জোরে দৌড়াতে পারবে তার সেরকম বিশ্বাস নাই কিন্তু তবু সে না করল না। বকুল ঝুপড়ি মতন ঘরটার কাছে গিয়ে ডাকল, “জমিলা বুড়ী- ও জমিলা বুড়ী- ”

নীলার বুক ধুক ধুক করতে থাকে, মনে হয় এক্ষুণি বুঝি ঘরের ভিতর থেকে ভয়ংকর কিছু বের হয়ে আসবে কিন্তু কিছুই বের হল না। বকুল আবার ডাকল, “জমিলা বুড়ী ও জমিলা বুড়ী- ”



এবারেও কোন সাড়া শব্দ নেই। বকুল মাথা নেড়ে বলল, “বাড়ীতে নেই জমিলা বুড়ী।”

নীলা বলল, “কিন্তু দরজা তো খোলা।”

বকুল দাঁত বের করে হেসে বলল, “জমিলা বুড়ীর দরজা সব সময় খোলা থাকে, ছয়টা জীন বাড়ী পাহারা দেয় চোরের বাবারও সাহস নাই ভিতরে ঢোকার!”

নীলা বলল, “ভিতরে ঊঁকি দিয়ে দেখি?”

বকুল বলল, “সর্বনাশ!”

নীলা কিন্তু সত্যি সত্যি ঘরের ভিতরে রওনা দিল। বকুলকে আর যাই বলা যাক ভীতু বলা যায় না সেও নীলার পিছু পিছু এল।

ঘরের ভিতরে আবছা অন্ধকার এবং বোটিকা একধরণের গন্ধ। কোন মানুষের ঘর যে এত আসবাবপত্রহীন সাদামাটা হতে পারে নীলা চিন্তাও করতে পারে না। ভিতরে এক পা ঢুকেই চিৎকার করে পিছনে সরে আসে, ঘরের মেঝেতে একজন ডাইনী বুড়ী মরে পড়ে আছে। বকুল সাথে সাথে ছুটে এসে বলল, “কী হয়েছে?”

নীলা হাত দিয়ে দেখাতেই বকুল ফিস ফিস করে বলল, “জমিলা বুড়ী!”

“মরে গেছে?”

“মনে হয়।” বকুল সাবধানে এগিয়ে গেল, তার ভয় হতে থাকে হঠাৎ বুঝি জমিলা বুড়ী দাঁত এবং নখ বের করে চিৎকার করে তার উপর ঝাঁপিয়ে পড়বে। কাছে গিয়ে সে দেখল খুব ধীরে ধীরে এখনো নিঃশ্বাস পড়ছে, এখনো বেঁচে আছে জমিলা বুড়ী। বকুল কী করবে বুঝতে পারল না, দেখে স্পষ্ট বোঝা যাচ্ছে জমিলা বুড়ী অসুস্থ— মনে হয় বাড়াবাড়ি অসুস্থ। সে সাবধানে হাত দিয়ে জমিলা বুড়ীকে ছুয়ে দেখল, গা জ্বরে পুড়ে যাচ্ছে। মাথা নেড়ে বলল, “অনেক জ্বর।”

“ডাক্তার ডাকতে হবে।”

“ডাক্তার কোথায় পাব। এখানে কোন ডাক্তার নাই।”

“তাহলে?”

“মাথায় পানি দিতে হবে।”

“মাথায় পানি?”

“হ্যাঁ।”

“কীভাবে দেবে?”

“দেখি।”

বকুল বাইরে গিয়ে মোরগের বাচ্চাটাকে ঘরের বারান্দার একটা খুটির সাথে বেঁধে রাখল। তারপর খুঁজে পেতে একটা মাটির হাড়ি বের করে পানি আনতে গেল, পাশেই একটা ঐন্দো ডোবা রয়েছে, সেখান থেকে পানি নিয়ে আসে। ঘরের ভিতরে মাথায় পানি দেওয়া মুশকিল বলে বকুল আর নীলা দুজনে মিলে জমিলা বুড়ীকে টেনে বারান্দায় নিয়ে এসে মাথায় পানি ঢালতে থাকে। মিনিট দশেক পর জমিলা বুড়ী ধীরে ধীরে নড়তে থাকে— মনে হয় জ্বর কমছে। এক সময় চোখ খুলে তাকাল, ঘোলা দৃষ্টি। দেখে বকুলের বুকের ভিতর কেমন যেন কাঁপতে থাকে। জমিলা বুড়ী ফিস ফিস করে বলল,

“পানি।”

নীলা সাবধানে জমিলা বুড়ীর মুখের মাঝে একটু পানি ঢেলে দেয়। জমিলা বুড়ী জিব বের করে পানিটা চেটে খেয়ে হঠাৎ ফোকলা মুখে হেসে ফিস ফিস করে বলল, “তুমি কী পরী?”

নীলা মাথা নাড়ল, বলল, “না, আমার নাম নীলা।”

“নীল পরী! উড়তে পার?”

নীলা অবাক হয়ে বকুলের দিকে তাকাল, বকুল ফিস ফিস করে বলল, “তোমাকে ভাবছে পরী!”

জমিলা বুড়ী তার শীর্ণ হাত বের করে নীলার মুখ স্পর্শ করে বলল, “বেঁচে থাক বোনডি। শকুনের সমান পরমায়ু হোক।”

বকুলের চোখ হঠাৎ জ্বল জ্বল করে উঠল, নীলার কাঁধ খামচে ধরে বলল, “শনেছ? শনেছ?”

“কী?”

“তোমার আর জয় নাই! অসুখ ভাল হয়ে যাবে তোমার।”

“কেন?”

“শুনলে না জমিলা বুড়ী বলছে, শকুনের সমান পরমায়ু হোক। জমিলা বুড়ীর কথা মিছা হয় না! কখনো মিছা হয় না!”

নীলা অবাক হয়ে বকুলের দিকে তাকিয়ে রইল।

খেলার মাঁকে মোরগের বাচ্চাটা দিয়ে ফিরে আসতে আসতে নীলা আর বকুলের সঙ্কে পার হয়ে গেল। লঙ্ঘের বাইরে ইশতিয়াক সাহেব খুব অস্থির হয়ে পায়চারী করছিলেন, বকুলের সাথে নীলাকে দেখে তার শরীরে যেন প্রাণ ফিরে এল। নিজের অস্থিরতাকে গোপন করে নরম গলায় বললেন, “কীরে মা! কেমন হল বেড়ানো।”

“আব্বু তুমি বিশ্বাস করবে না কী হয়েছে!”

“কী হয়েছে?”

“একজন ডাইনী বুড়ী আছে তার নাম জমিলা বুড়ী। তার খুব অসুখ।”

“ডাইনী বুড়ীর অসুখ হয় নাকী?”

“মনে হয় সত্যিকার ডাইনী বুড়ী না। ভেজাল।”

“তাই হবে। অসুখটাও কী ভেজাল?”

“না আব্বু অসুখটা ভেজাল না। ভীষণ জ্বর। আমি আর বকুল মাথার পানি দিয়ে জ্বর কমিয়েছি।”

ইশতিয়াক সাহেব স্থির চোখে তার মেয়ের দিকে তাকিয়ে রইলেন, যে মেয়েটি একদিন আগেও নিজেই অসুস্থ দুর্বল হয়ে বিছানায় শুয়েছিল সে এখন অন্য মানুষের অসুখের সেবা করছে?

“আব্বু— একজন ডাক্তার দরকার। এখানে কোন ডাক্তার নাই।”

“নেই নাকী?”

“না, আব্বু।”

“ঠিক আছে।” ইশতিয়াক সাহেব গলা উচিয়ে ডাকলেন, “শমশের—”

সাথে সাথে নিঃশব্দে শমশের এসে হাজির হল। বলল, “আমাকে ডেকেছেন স্যার?”

“হ্যাঁ। আমাদের একজন ডাক্তার দরকার।”

শমশের উদ্ভিন্ন মুখে বলল, “কর জন্মে স্যার?”

“একজন ভেজাল ডাইনী বুড়ীর নাকী খাটি জ্বর উঠেছে। তার জন্যে। কতক্ষণ লাগবে?”

শমশের তার হাতের তালুর দিকে তাকিয়ে থেকে বলল, “আধা ঘন্টার মত লাগবে স্যার।”

“তোমাকে আধা ঘন্টা নয়, পুরো একঘন্টা সময় দিলাম। যাও নিয়ে এসো একজন।”

শমশের হেঁটে চলে যাচ্ছিল তখন নীলা পিছন থেকে ডাকল, “শমশের চাচা!”

শমশের ঘুরে তাকাল। নীলা বলল, “আব্বুর কথা শুনবেন না। আপনি আধাঘন্টার মাঝেই নিয়ে আসেন। অসুখ খুব খারাপ জিনিষ! আমি জানি।”

শমশের হাসি মুখে বলল, “ঠিক আছে! আমি আধা ঘন্টার মাঝেই আনব।”

প্রিয় বকুল,

তুমি কেমন আছ ? আমি ভাল আছি। মানুষ চিঠিতে সবসময় লেখে তুমি কেমন আছ আমি ভাল আছি- আমি আগে কোনদিন লিখি নাই কারণ আগে আমি কখনো ভাল ছিলাম না। সব সময় আমার অসুখ ছিল। আজমল চাচা বলেছেন আমি এখন ভাল হয়ে গেছি সেজন্যে লিখলাম। হা হা হা।

আমি আসলেই ভাল হয়ে গেছি। তোমার জন্যে আসলে আমার অসুখ ভাল হয়েছে। এখন আমার সবসময় খিদে থাকে আর আমি সব সময় খাই। আমাকে দেখে আগে বেরকম কাঠির মত লাগত এখন সেরকম লাগে না। আমি এখন মোটাসোটা হয়েছি। মনে হচ্ছে কয়েকদিনের মাঝে আমি মোটা হতে হতে একেবারে গোল আলুর মত হয়ে যাব, কেউ ধাক্কা দিলেই তখন বলের মত গড়াতে থাকব। সব দোষ হবে তোমার। হা হা হা।

বকুল, তুমি আমার জীবন বাঁচিয়েছ কাজেই এখন তোমাকে আমার প্রাণের বন্ধু হতেই হবে। প্রাণের বন্ধু আর জীবনের বন্ধু। তুমি আমাকে চিঠি লিখে জানাও তোমার প্রাণের বন্ধু আর জীবনের বন্ধু হতে কোন আপত্তি আছে কী না।

ইতি তোমার প্রাণের বন্ধু নীলা।

পুনঃ টুশকি কেমন আছে। তাকে আমার হয়ে একটু রগড়া দিও।

পুনঃ পুনঃ জমিলা বুড়ী কেমন আছে। তাকে কী এখন তোমরা ভয় পাও ?

পুনঃ পুনঃ পুনঃ খেলার মা এবং মতি পাখলা এবং বিণ্ড চোরা কেমন আছে ?

প্রিয় নীলা,

আমি তোমার চিঠি সময়মতই পেয়েছি কিন্তু উত্তর দিতে দেরী হল কারণ চিঠি পোস্ট করার জন্য কোন খাম ছিল না- পোস্ট অফিস অনেক দূরে, আনতে দেরী হয়েছে।

তুমি লিখেছ আমি তোমার জীবন বাঁচিয়েছি কিন্তু আমি তো কিছুই করি নাই আমি কেমন করে জীবন বাঁচালাম ? মনে হয় মোরগ সদকা দেওয়াটাতে কাজ হয়েছে। তোমার জান না নিয়ে মোরগের বাচ্চার জান নিয়েছে। আমার ভাই মনে হয়।



আমি তোমার জ্ঞান না বাচালেও আমিও তোমার প্রাণের বন্ধু হতে রাজী আছি। আমার কোনই আপত্তি নাই। সারা জীবনের জন্য প্রাণের বন্ধু কী ভাবে হতে হয়? কোন কী নিয়ম আছে?

ইতি তোমার প্রাণের এবং জীবনের বন্ধু বকুল।

পুনঃ জুমিলা বুড়ী ভালই আছে এখন তাকে দেখলে বেশী ভয় লাগে না। মতি পাগলা সেদিন ছুটে গিয়েছিল, দা হাতে নিয়ে লাফ দিচ্ছিল তখন সবাই মিলে তাকে ধরে ফেলেছে। বিত্ত চোরা ভালই আছে মনে হয় তার চুরি ভালই হচ্ছে।

পুনঃ পুনঃ টুশকির সাথে প্রায় প্রত্যেকদিনই দেখা হয়। গ্রামের লোকজন এখন আর টুশকিকে দেখে ভয় পায় না। আমি সেদিন টুশকির পিঠে উঠেছিলাম, সে আমাকে নিয়ে নদীর মাঝখানে গিয়েছিল, তবে তার বুদ্ধি খুব কম। নদীর মাঝখানে গিয়ে আমাকে নিয়ে পানির নিচে চলে যাওয়ার চেষ্টা করেছে। হা হা হা।

প্রিয় বকুল

তোমার যেন চিঠি লিখতে দেবী না হয় সেজন্যে অনেকগুলি স্ট্যাম্প পাঠলাম। এখন আর তোমার পোস্ট অফিস যেতে হবে না। প্রাণের বন্ধু এবং জীবনের বন্ধু হওয়ার প্রথম নিয়ম চিঠি গেলে সাথে সাথে উত্তর দিতে হয়।

টুশকির পিঠে চড়ে তুমি নদীর মাঝখানে গিয়েছিলে শুনে আমি হিংসার চোটে প্রায় মারা যাচ্ছি। আমাকে ছাড়া তুমি একলা টুশকির পিঠে চড়বে না। না না না। তবে আমার আকু বলেছে যতদিন আমি সাঁতার না শিখব ততদিন আমাকে টুশকির পিঠে উঠে নদীর মাঝে যেতে দেবে না। আমি আকুকে বলেছি আমাকে একুনি সাঁতার শিখিয়ে দিতে। আকু বলেছে শমশের চাচাকে। শমশের চাচা বলেছে এক দুই সপ্তাহের আগে নাকী সাঁতার শেখা যাবে না। ই ই ই ই (এটা মানে রাগ।)

আকু বলেছে আমাকে একবার নিউ ইয়র্কে নিয়ে ডাক্তার দেখাবে। এই শেষবার। আর যেতে হবে না। মনে হয় সামনের সপ্তাহে যেতে হবে। তুমি কিন্তু চিঠি লিখে যাবে। শমশের চাচাকে বলে দেওয়া আছে, শমশের চাচা তোমার চিঠি আকুর নিউ ইয়র্ক অফিস না হলে হোটলে ফ্যাক্স করে দেবে।

তাড়াতাড়ি চিঠি লিখবে।

তোমার প্রিয় বন্ধু প্রাণের বন্ধু এবং সারা জীবনের বন্ধু নীলা।

প্রিয় নীলা,

একটা অনেক গরম খবর আছে। সেইদিন স্কুল থেকে আসছি তখন বিশ চোরার সাথে দেখা। তাকে দেখে প্রথম চিন্তে পারি নাই কারণ তার মাথার সব চুল এমন কী ভুরু পর্যন্ত কামানো। তা ছাড়া তার কপালে এবং মুখে আলকাতরার দাগ। আমি জিজ্ঞেস করলাম কী হয়েছে, প্রথমে স্বীকার করতে চায় না, অনেক জোরাজুরি করার পরে বলল, সে নাকী চুরি করতে গিয়ে ধরা পড়েছিল, তখন গ্রামের লোক তার চুল এবং ভুরু কামিয়ে দিয়ে আলকাতরা মাখিয়ে দিয়েছে। সে ন্যাংড়াতে ন্যাংড়াতে হাঁটছিল মনে হয় তাকে ধরে কিছু পিটুনিও দিয়েছে।

তুমি নিউইয়র্কে যাবে শুনে আমি খুব খুশী হয়েছি। আমি বইয়ে পড়েছি সেখানে অনেক ঠান্ডা। তুমি ভাল করে সোয়েটার পরে ঘর থেকে বের হবে।

তোমার সাঁতার শেখার কী অবস্থা? আমার কাছে এলে আমি তোমাকে একদিনে সাঁতার শিখিয়ে দেব। ( গাছের উপর থেকে ধাক্কা দিয়ে নিচে ফেলে দেব তুমি হাবুডুবু খেয়ে একবারে সাঁতার শিখে যাবে। হা হা হা। )

ইতি প্রাণের বন্ধু জীবনের বন্ধু বকুল।

পুনঃ টুশকির বুদ্ধি মনে হয় একটু বেড়েছে। আমাকে নিয়ে সে যখন নদীর ভিতরে ঢুকে যেতে চায় আমি তখন তার পিঠে ধাবা দেই, তাহলে আবার সে ভেসে উঠে। আমি আজকে টুশকির পিঠে করে অনেকক্ষণ নদীতে সাঁতার কেটেছি। আমার মা বাবা এবং বড় চাচার ধারণা এই কাজটা খুব খারাপ। মেয়েদের নাকী ঘরের ভিতরের কাজ শেখা উচিত। বান্না বান্না বাসন এবং কাপড় ধোয়া এবং সেলাইয়ের কাজ। ই-ই-ই-ই-ই।

প্রিয় বকুল,

তুমি ঠিকই, বলেছ নিউ ইয়র্কে অনেক ঠান্ডা। শুধু সোয়েটার পরলে হয় না তার উপরে একটা জ্যাকেট পরতে হয়। আজকে আমার আঁকু বলেছে ডাক্তারদের ধারণা আমার বিপদ কোটে গেছে। বলেছে সবসময় হাসি খুশী থাকতে। হা হা হা হি হি হি হো হো হো ( হাসি খুশী থাকছি! )

আমার সাঁতার শেখা এখনো শুরু হয় নাই। নিউইয়র্কে বেশীদিন থাকলে এখানে আঁকু সাঁতার শেখার স্কুলে ভর্তি করে দেবে। কিন্তু এখানে আমার একেবারে ভাল লাগে না। তবে দোকানগুলি অনেক সুন্দর। আমি তোমার জন্যে একটা গিফট কিনেছি, সেটা দেখলে তোমার চোখ ট্যারা হয়ে যাবে। হা হা হা।

টুশকির বুদ্ধি একটু বেড়েছে শুনে নিশ্চিত হলাম। আমাকে নিয়ে যদি পানির নিচে ডাইভ দেয় কী বিপদ হবে জান ? তবে প্লীজ প্লীজ প্লীজ তুমি একা একা সব মজা শেষ করে ফেল না। প্লীজ প্লীজ প্লীজ।

প্রাণের বন্ধু জীবনের বন্ধু পৃথিবীর অন্য পাশ থেকে নীলা।  
পুনঃ বিস্ত চোরার ভুরু চুল কী গজিয়েছে ? আমি শুনেছিলাম ভুরু একবার কামানো হলে সেটা নাকী আর গজায় না। তুমি অবশ্য অবশ্য আমাকে জানাও।

খ্রিষ্ট নীলা,

আমি বিস্ত চোরার সাথে কথা বলেছি। সে বলেছে ভুরু কামালে আবার নাকী ভুরু গজায়, তবে অনেকদিন সময় লাগে। বিস্ত চোরার ভুরু নাকী আপেও একবার কামানো হয়েছিল।

নিউ ইয়র্কের ডাক্তার বলেছে তোমার বিপদ কেটেছে শুনে আমি নিশ্চিত হলাম কারণ এদিকে একটা সাংঘাতিক বড় গোলমাল হয়েছে। সাংঘাতিক সাংঘাতিক বড় গোলমাল। তুমি শুনলে ভয়ে তোমার হাত পা ঠাড়া হয়ে যাবে।

তোমার মনে আছে সাক্ষাদ বলেছিল কারো জান বাচানোর জন্য আরেকটা জ্ঞান দিতে হয় ? সেইজন্য আমরা মোরগের বাচ্চাটা সদকা দিয়েছিলাম খেলার মাকে ? তোমার মনে আছে আমরা খেলার মাকে বলেছিলাম সে যেন অবশ্য অবশ্যই সেটা জবাই করে খেয়ে ফেলে ?

তুমি বিশ্বাস করবে না খেলার মা কী করেছে! সে মোরগের বাচ্চাটা জবাই করে নাই। শুধু তাই না সেটাকে সে খাইয়ে দাইয়ে এই মোটা করেছে। তুমি চিন্তা করতে পার ? জানের বদলে জান দেওয়ার কথা ছিল কিন্তু সেটা দেওয়া হয় নাই। আমি অনেক রাগ হয়েছিলাম তখন খেলার মাও আমার উপর অনেক রাগ হয়েছে। সে নাকী মোরগ খায় না। শুধু মোরগ না, মাছ মাংশ ডিম কিছুই খায় না। চিন্তা করতে পার ?

টুশকির খবর ভাল। আমি তাকে এখন পানির মাঝে লাফ দেওয়া শিখাচ্ছি। প্রথমে আমাকে নিয়ে সে পানির নিচে চলে যায়, আমি তার পিঠ আকড়ে বসে পা দিয়ে পেটের মাঝে গুতো দিতেই সে পানি থেকে লাফ দিয়ে বের হয়ে আসে। কী যে মজা হয় তুমি চিন্তাও করতে পারবে না!

তোমার প্রাণের বন্ধু বকুল।

প্রিয় বকুল,

আমাকে নিয়ে আকু ওয়াশিংটন ডি.সি. গিয়েছিল, সেখানে অনেক সুন্দর সুন্দর মিউজিয়াম দেখেছি। এসেই তোমার চিঠি পেয়েছি, আমার একটা অনেক বড় চিঠি লেখার ইচ্ছে করছে কিন্তু সেটা লিখতে পারব না কারণ আকু আমার জন্য অপেক্ষা করছে। আমাকে নিয়ে ব্রডওয়েতে একটা থিয়েটার দেখতে যাবে। থিয়েটার দেখে এসে আমি তোমাকে চিঠি লিখব।

প্রাণের বন্ধু জীবনের বন্ধু নীলা।

পুনঃ আকু আমাকে নিয়ে ফ্লোরিডা যাচ্ছে বলে এখন তোমাকে বড় চিঠি লিখতে পারছি না। ই-ই-ই-ই-

পুনঃ পুনঃ টুশকির খবর পড়ে আমার হিংসা শুধু বেড়েই যাচ্ছে।

প্রিয় নীলা,

টুশকির একটা বড় খবর আছে। এতদিন টুশকির যখন ইচ্ছা হত তখন সে আমার কাছে আসত। নদীতে যখন লাফ বাপ দিতাম তখন সে শব্দ হলে চলে আসত। গত কয়েকদিন হল টুশকিকে ডাকার একটা উপায় বের করেছি। নদীর পাড়ের হিজল গাছটার কথা মনে আছে? সেটা এখন আরো বাঁকা হয়েছে, একটা ডাল পানিতে লেগে আছে। সেই ডালে উঠে লাফালে পানিতে শব্দ হয়, সেই শব্দ শুনে টুশকি চলে আসে। কী মজা! যখন ইচ্ছা তখন তাকে ডাকতে পারি। অনেকটা টেলিফোন করার মত। টুশকির কাছে টেলিফোন। হা হা হা।

টুশকির খবর মনে হয় আশে পাশে ছড়িয়ে গেছে কারণ আমি দেখেছি অনেক দূর দূর থেকে লোকেরা টুশকিকে দেখতে আসে। সেদিন খবরের কাগজ থেকে লোক এসেছিল কিন্তু আমার বাবা বলেছে মেয়েদের খবরের কাগজের লোকের সাথে কথা বলা ঠিক না। তুমি চিন্তা করতে পার? ই-ই-ই-ই-

ফ্লোরিডাতে কী দেখলে আমাকে লিখে জানিও।

প্রাণের বন্ধু জীবনের বন্ধু বকুল।

প্রিয় বকুল

তোমার বাবা' খবরের কাগজের লোকের সাথে কথা বলতে দেন নাই শুনে আমার খুব খারাপ লেগেছে, দেওয়া উচিত ছিল। তবে দিলে আমার হিংসা আরো অনেক বেশী হতো- এত বেশী হত যে আমি মনে হয় ফেটে টুকরো টুকরো হয়ে যেতাম। এক দিক দিয়ে ভালই হল। হা হা হা হা।



ফ্লোরিডায় আমি কী দেখেছি তুমি চিন্তাও করতে পারবে না! একটা জায়গা আছে সেটার নাম হচ্ছে সী ওয়ার্ল্ড। সেখানে পানির মাঝে থাকে ডলফিন ঠিক টুশকির মত। সেই ডলফিন যে কী মজার মজার খেলা দেখায় চিন্তা করতে পারবে না। আমি আব্বুকে বলেছি দেশে এরকম একটা পার্ক খুলতে সেখানে টুশকি বেলা দেখাবে। কী মজা হবে না?

আব্বু আমাকে এখনই কেনেডী স্পেস সেন্টারে নিয়ে যাবে বলে চিঠি আর বড় করতে পারলাম না। দেশে ফিরে আসার জন্যে জীবন বের হয়ে যাচ্ছে।

ইতি গ্রাণের বন্ধু নীল ॥

পুনঃ আর কয়েকদিনের মাঝেই আমরা দেশে চলে আসব। হা হা হা।

[www.banglabook.com](http://www.banglabook.com)

৭

বকুল হিজল গাছটার মাঝামাঝি পা ঝুলিয়ে বসে বাইনোকুলার দিয়ে দেখছে। বাইনোকুলারের মত মজার জিনিষ পৃথিবীতে কী আর একটাও আছে? একজনকে এত কাছে থেকে দেখা যায় মনে হয় হাত দিয়ে ছোঁয়াও যাবে অথচ সেই মানুষটা জানেও না যে তাকে কেউ দেখছে! বকুল বেশ অনেকে থেকে বাইনোকুলারে স্পীডবোটটাতে বসে থাকা দুজন মানুষকে দেখছে একজন বিদেশী, এত বড় মানুষ অথচ একটা হাফ প্যান্ট পরে বসে আছে অন্যজন দেশী মানুষ। বিশাল গর্জন করে পানি কেটে স্পীডবোটটা এসেছে এখন ইঞ্জিনটা বন্ধ করে দিয়ে সেটা পানির মাঝে দাড়িয়ে আছে। বাইনোকুলারে স্পষ্ট দেখা যায় মানুষগুলি কথা বলছে কিন্তু সেই কথা শোনা যায় না। বাইনোকুলার দিয়ে যেরকম দূরের জিনিষ দেখা যায় সেরকম দূরের কথা শোনা যায় এরকম কী কোন যন্ত্র আছে?

মানুষ দুজন হাত দিয়ে পানির দিকে দেখাল তারপর তাদের গ্রামের দিকে তাকাল, কিছু একটা যন্ত্রের মত জিনিষ পানিতে ডুবিয়ে দিয়ে অন্য একটা যন্ত্রের মত জিনিষের দিকে তাকিয়ে রইল। এই স্পীডবোটটা গত কয়েকদিন হল বেশ ঘন ঘন আসছে এখানে এসে নদীর মাঝামাঝি দাড়িয়ে থেকে কী যেন করে আগে বকুল বুঝতে পারত না কী করছে এই বাইনোকুলারটা পাওয়ার পর সে দেখতে পারে কী করছে কিন্তু এখনও কিছু বুঝতে পারছে না।

বাইনোকুলারটা তার জন্যে এনেছে নীলা। শুধু বাইনোকুলার না, জামা কাপড় জুতো সোয়েটার বই ক্যালকুলেটর ক্যামেরা কিছু বাকী রাখে নি। মনে হয় আস্ত একটা দোকান তুলে এনেছে। আরও অনেক জিনিষ এনেছে যার নাম পর্যন্ত সে জানে না। পানির নিচে সঁতার কাটার জন্যে একরকম চশমা, সাথে একটা ছোট নল যেন পানিতে ডুবে ডুবে নিঃশ্বাস নেয়া যাবে। ব্যঞ্জের পায়ের মত বড় বড় পা, পায়ে লাগিয়ে সঁতার কাটা ভারী সুবিধে। পাউডার ক্রীম লোশন শ্যাম্পু এনেছে খায় এক বাস্ক। গ্রামের সব মেয়েদের দিয়েও মনে হচ্ছে শেষ হবে না। জামা কাপড় গুলি এত সুন্দর যে চোখ ফেরানো যায় না, কিন্তু মুশকিল হল যে সে এই কাপড়গুলি কোথায় পরবে বুঝতে পারছে না। ইদের দিনে কিংবা কারো বিয়ে হলে পরা যায়। বকুলদের বাসায় যেদিন বেড়াতে যাবে সেই দিনও পরতে পারে। তবে ছেলেদের মত প্যান্ট আর ঢলঢলে টী শার্ট গুলি সে মনে হয় কোনদিনও পরতে পারবে না, কোন ছেলেকেই দিয়ে দিতে হবে। শহরের মেয়েরা মনে হয় শার্ট প্যান্ট পরে ঘুরতে পারে সে কীভাবে পারবে ?

যেদিন নীলা এসেছিল সেদিন বকুল আর নীলা সারাদিন এক সাথে কাটিয়েছে। সকাল বেলা গল্প গুজব, দুপুর বেলা পানিতে ঝাপাঝাপি- টুশকির সাথে খেলাধুলা, বিকেলে গ্রামের রাস্তায় রাস্তায় হেঁটে বেড়ানো। কথা বলে বলে যেন আর শেষ হয় না। যে কথাটি অনেকদিন থেকে কাউকে বলবে বলবে করে নীলা কখনো কাউকে বলতে পারে নি সেগুলি বকুলকে বলেছে। দীর্ঘ সময় নিয়ে বকুলকে তার মার কথা বলেছে। বলতে বলতে ভেউ ভেউ করে কেঁদে ফেলেছে। বকুল তখন তাকে শক্ত করে ধরে রেখে নিজেও ভেউ ভেউ করে কেঁদেছে। দুইজন একজন আরেকজনকে ধরে কাঁদতে কাঁদতে গ্রামের মাঠের নির্জন রাস্তায় রাস্তায় হেঁটে বেড়িয়েছে। বকুল তার ওড়না দিয়ে নিজের চোখ মুছে নীলার চোখ মুছে দিয়েছে। শান্তনার কথা বলেছে।

ইশতিয়াক সাহেব শমশেরকে নিয়ে গ্রামের মাতবরদের সাথে কথা বলেছেন। যে গ্রামটির জন্যে তার মেয়েকে ফিরে পেয়েছেন সেই গ্রামের জন্যে কিছু একটা করতে চান। আপাততঃ গুরু করবেন একটা স্কুল দিয়ে। স্কুলটা কোথায় হবে জায়গা জমি কীভাবে জোগাড় করা হবে সেটা নিয়ে কথাবার্তা হয়েছে, গ্রামটা ঘুরে ঘুরে দেখেছেন।

সন্ধ্যাবেলা নীলা তাদের রাজ হাঁসের মত লঞ্চটাতে করে চলে গেছে। কয়েকদিনের মাঝে বকুলকে নীলাদের বাসায় বেড়াতে যেতে হবে। বকুল একেবারে গ্রামের মেয়ে, গ্রামের পথেঘাটে নদীতে ঘুরে বেড়াতে তার কোন সমস্যা হয় না কিন্তু নীলাদের বাসায় গিয়ে সে কী করবে বুঝতে পারছে না। সে

কখনোই কোন বড়লোকদের বাসায় যায়নি, শুনেছে তাদের বাথরুমগুলিই নাকী তৈরী হয় সাদা পাথরের। বিছানা নাকী হয় নরম, ঘরে ঘরে থাকে এয়ার কন্ডিশন, গরমের সময় ঘরটা হয় নদীর পানির খুট ঠান্ডা, শীতের সময় হয় কুসুম কুসুম গরম। বকুল অবশ্য নীলাদের বাসায় যাওয়া নিয়ে মোটেও চিন্তার মাঝে নেই, নীলা হচ্ছে তার প্রাণের বন্ধু আর জীবনের বন্ধু। যার অর্থ হচ্ছে দুজন মিলে একজন মানুষ কাজেই নীলা তাকে সব শিখিয়ে দিতে পারবে— সেও যেরকম নীলাকে গ্রামের জিনিষপত্র শিখিয়েছে, সাতার শিখাচ্ছে!

বকুল চোখে বাইনোকুলার লাগিয়ে আবার নদীর মাঝে তাকাল, নৌকায় মানুষ দাড় টানছে, একজন মালবোঝাই একটা নৌকাকে লগি দিয়ে ঠেলে নিয়ে যাচ্ছে। বকুল মানুষটার মুখের দিকে তাকাল, বুড়োমত একজন মানুষ মুখে খোচা খোচা দাড়ি, শরীরটা পাথরের মত শক্ত। মানুষটা লগি ঠেলতে ঠেলতে দাড়িয়ে গেল তারপর আকাশের দিকে তাকাল, তারপর ঘুরে পিছনে হাল ধরে থাকা মানুষটাকে কিছু একটা বলল, তখন সেও আকাশের দিকে তাকাল। দুজনেই আকাশের দিকে তাকিয়ে আছে। বকুল বাইনোকুলারটি নামিয়ে রেখে আকাশের দিকে তাকাল, এক কোনায় একটা কালো মেঘ। বকুল মেঘটার দিকে ভাল করে তাকাল, এটার নিশানা ভাল নয়। মনে হচ্ছে কিছুক্ষণের মাঝেই একটা বড় ঝড় আসবে। বকুল আকাশের মেঘটার দিকে তাকিয়ে রইল, নিরীহ ছোট একটা মেঘ, কিন্তু কিছুক্ষণের মাঝেই নিশ্চয়ই সমস্ত আকাশ ছেয়ে যাবে। নদীতে নৌকাগুলির মাঝে একটা ব্যস্ততার চিহ্ন দেখা যাচ্ছে, সবগুলিই ঝড় শুরু হওয়ার আগে মনে হয় তীরে চলে আসতে চাইছে। বিদেশী সাহেবকে নিয়ে যে স্পীডবোটটা ছিল সেটাকে এখন দেখা যাচ্ছে না, চলে গিয়েছে কী না কে জানে।

বকুল হিজল গাছটা থেকে নেমে এল। ঝড় শুরু হলে মানুষজন খুব আতঙ্কিত হয়ে যায়, কিন্তু ঠিক কী কারণ জানা নেই ঝড় দেখতে বকুলের অসম্ভব ভাল লাগে। যখন আকাশ কালো করে মেঘ হয়ে সেটা জীবন্ত প্রাণীর মত আকাশে পাক খেতে থাকে— বিজলী চমকে চমকে উঠে প্রচণ্ড শব্দে বজ্রপাত হয় প্রথমে দমকা হাওয়া তারপর প্রচণ্ড বাতাসে চারিদিক খর খর করে কাঁপতে থাকে তখন বকুলের ইচ্ছে করে দুই হাত উপরে তুলে আনন্দে চিৎকার করতে করতে ছুটে বেড়ায়।

বকুল আবার আকাশের দিকে তাকাল ছোট মেঘটা দেখতে দেখতে অনেকখানি বড় হয়ে গেছে, আকাশের একটা অংশ এর মাঝে অনেকখানি ঢেকে ফেলেছে। মেঘের মাঝখানে বিদ্যুতের বলকানী শুরু হয়ে গেছে। বকুল হিজল গাছ থেকে নেমে এল, বায়নোকুলারটা বাড়ীতে রেখে আসতে হবে, ঝড় বৃষ্টিতে



ভিজ্ঞে গেলে এত সুন্দর জিনিষটা নষ্ট হয়ে যাবে। একবার বাড় শুরু হয়ে গেলে মা বাড়ী থেকে বের হতে দেবে না, তাই আগে থেকেই বের হয়ে যেতে হবে। ঝড়ের মাঝে ছুটে বেড়াতে কী মজাই না লাগে।

বকুল বাড়ীতে বাইনোকুলার রেখে আবার যখন নদীর তীরে এসে হাজির হল তখন আকাশের অর্ধেক মেঘে ঢেকে গেছে, একটু আগে দিনটা ছিল আলো ঝলমল, এখন কেমন যেন অন্ধকার নেমে আসতে শুরু করেছে। চারিদিকে ধমধমে একটা ভাব এতটুকু বাতাস নেই। নদীর পানিতে কেমন যেন কালচে একটা বং চলে এসেছে। ছোট ছোট ঢেউ এসে তীরে আঘাত করছে। বকুল নদীর তীরে দাড়িয়ে থেকে দেখে, একটু আগেও কতগুলি নৌকা ছড়িয়ে ছিটিয়ে ছিল এখন চারিদিক ফাঁকা। আকাশে কিছু পাখী উড়ে উড়ে যাচ্ছে। মনে হয় পাখীগুলি মানুষ থেকেও আগে বুঝতে পারে কিছু একটা হতে যাচ্ছে।

বকুল নদীর তীরে হাঁটতে থাকে, অন্যদিন হলে আরো কিছু বাচ্চা কাচ্চা জুটে যেতো কিন্তু আজকে কেন জানি কেউ নেই। বকুল আবার আকাশের দিকে তাকাল, মেঘটা এখন পুরো আকাশকে ঢেকে ফেলেছে, আর কী ঘন কালো মেঘ, মনে হয় যেন কুচকুচে কালো ধোয়া। মেঘটা ধেমে নেই, জীবন্ত প্রাণীর মত নড়ছে, ঘুরপাক খাচ্ছে, একজায়গা থেকে আরেক জায়গায় সরে যাচ্ছে। মেঘের ভিতর থেকে মাঝে মাঝে বিদ্যুতের ঝলকানি উঁকি দিচ্ছে কেমন যেন একটা ভয় ভয় ভাব। বকুলের ভিতরে কেমন জানি এক ধরনের উত্তেজনার ভাব হয়- ভয়ের একটা ব্যাপারে তার কেন এরকম আনন্দ আর উত্তেজনা হয় কে জানে।

নদীর পানিতে ঢেউটা আস্তে আস্তে বাড়তে থাকে, কালো পানিতে একটা ধমধমে ভাব, হঠাৎ হঠাৎ এসে তীরে আঘাত করছে। বকুল হিজল গাছটার নিচে গিয়ে দাড়াল এবং হঠাৎ করে বাতাসের একটা ঝাপটা অনুভব করল। ইতস্ততঃ দমকা হাওয়া শুকনো পাতা ধুলোবালি ঝড়কুটো উড়তে থাকে। পশুপাখীর চিৎকার শোনা যায়- চারিদিকে একটা ছোটোছুটি এবং তার মাঝে হটাৎ কড়াৎ শব্দ করে খুব কাছে যেন বাজ পড়ল। সাথে বিদ্যুতের ঝলকানীতে চারিদিক আলো হয়ে ওঠে। দমকা বাতাসের বেগ বাড়ছে শৌ শৌ আওয়াজ হতে থাকে এবং হঠাৎ আবার বিদ্যুৎ ঝলকানীর সাথে সাথে প্রচলু শব্দ করে খুব কাছাকাছি কোথাও আরো একটা বজ্রপাত হল। ফোটা ফোটা করে বৃষ্টি পড়তে শুরু করল, প্রথমে ছাড়াছাড়া ভাবে একটু পরে একটানা। বৃষ্টির ঝাপটায় বকুল এক নিমিষে ভিজ্ঞে চূপশে গেল। কী ভালই না লাগে তার বৃষ্টিতে ভিজতে!



বাতাসের বেগ বাড়ছে তার সাথে বৃষ্টি। এমনিতে বৃষ্টির ফোটার মাঝে কোমল আদর করার একটা ভাব আছে কিন্তু ঝড়ের সময় বৃষ্টির ফোটাগুলি হয় রাগী আর তেজী। শরীরের মাঝে এসে বিধে তীরের মত। বকুল বৃষ্টিতে ভিজতে ভিজতে নদীর তীরে হাটতে থাকে, বাতাস মনে হয় তাকে উড়িয়ে নেবে কিন্তু সে পরোয়া করে না। দুই হাত উপরের দিকে তুলে চিৎকার করে বলে, “জ্বোরে! আরো জ্বোরে!”

আরো জ্বোরে ঝড় আসে, বিদ্যুতের ঝলকানির সাথে সাথে প্রচন্ড শব্দ করে বজ্রপাত হচ্ছে, আকাশ চিরে আলোর ঝলকানি নেমে আসছে নিচে। নদীর কালো পানি প্রচন্ড আক্রমণে যেন ফুঁসে উঠছে, ডেসেচুরে যেন ধ্বংস করে দেবে চারিদিক।

বকুল নদীর দিকে তাকিয়ে তাকিয়ে ঝড়ের শব্দ শুনতে থাকে হঠাৎ করে সে ঝড়ের শব্দ ছাপিয়ে আরো একটা শব্দ শুনল, স্পীডবোটের ইঞ্জিনের শব্দ। শব্দটি একটানা নয়, ছাড়াছাড়া— মনে হচ্ছে নদীর ডেউ আর ঝড়ের সাথে যুদ্ধ করতে করতে স্পীডবোটটা এগিয়ে যাবার চেষ্টা করছে। এই প্রচন্ড ঝড়ে পুরোপুরি মাথাধারাপ না হলে কেউ নদীতে স্পীডবোট চালানোর চেষ্টা করে? বিদেশী সাহেবটা নিশ্চয়ই এই দেশের কালবোশেখীর কথা শুনে নি! বুঝতেই পারে নি এত ভাড়াভাড়া এত বড় একটা ঝড় শুরু হতে পারে।

বকুল তীক্ষ্ণ দৃষ্টিতে নদরি দিকে তাকিয়ে স্পীডবোটটা দেখার চেষ্টা করল, ঝড়, বৃষ্টি, ফুলে ওঠা ঢেউয়ের জনো কিছুই দেখা গেল না। আকাশ কালো হয়ে আছে। বৃষ্টির ছাটে চোখ খুলে রাখা যায় না। আবার আকাশ চিড়ে একটা বিদ্যুতের ঝলকানী নিচে, নেমে এল আর সেই আলোতে বকুল দেখতে পেল নদীর মাঝামাঝি স্পীডবোটটা প্রচন্ড ঢেউয়ে ওলট পালট করছে। ভিতরে মানুষ আছে কী নেই সেটাও বাঝা যাচ্ছে না।

স্পীডবোটের ইঞ্জিনটা আবার একবার শব্দ করল তারপর আবার স্কীন হয়ে প্রায় খেঁষে গেল। একটু পরে আবার একটু গর্জন করে উঠল, বিদ্যুতের আলোতে আবার দেখতে পেল স্পীডবোটটা বিশাল ঢেউয়ের উপর অসহায়ভাবে নাচানাচি করছে।

“স্পীডবোটটা নিশ্চয়ই ডুবে যাবে—” বকুল ফিস ফিস করে বলল, “হেই খোদা তুমি মানুষগুলিকে বাঁচাও। যেভাবে পার বাঁচাও।”

প্রচন্ড ঝড়ে নিজেকে কোনমতে স্থির করে রেখে বকুল তীক্ষ্ণ চোখে নদীর দিকে তাকিয়ে থাকে। গ্রামের বিভিন্ন বাড়ী থেকে হৈ চৈ শোনা যাচ্ছে, বড় ঝড় হলে আজান দেয়া শুরু হয়, বকুল কান পেতে শুনতে পেল মন্ডল বাড়ী থেকে

আজানের শব্দ ভেসে আসছে। ঝড়ের প্রচণ্ড শব্দ, বিদ্যুত বজ্রপাত বৃষ্টির মাঝে মানুষের আর্ত চিৎকারের মাঝে আজান শুনলে কেমন জানি আতংকের মত হয়। বকুল সেই ভয়ংকর পরিবেশে দাড়িয়ে বৃষ্টিতে ভিজতে ভিজতে নদীর দিকে তাকিয়ে রইল, আরেকবার বিজলী চমকানোর সাথে সাথে বকুল দেখল স্পীডবোটটি নেই।

বকুল নিঃশ্বাস বন্ধ করে তাকিয়ে থাকে, প্রচণ্ড ঝড়ে দাড়িয়ে থাকতে তার রীতিমত যুদ্ধ করতে হচ্ছে বৃষ্টির ছাটে চোখ খুলে রাখা যাচ্ছে না তবু সে চোখ খুলে তাকিয়ে রইল পরের বিদ্যুৎ ঝলকের জন্যে। সত্যি সত্যি আরেকবার বিদ্যুৎ চমকে উঠলে বকুল দেখল স্পীডবোটটি নেই, নদীর প্রবল ঢেউয়ে দুজন মানুষের মাথা ভাসছে হাত নড়ছে কিছু একটা ধরে ভেসে থাকার চেষ্টায়। স্রোতের টানে মানুষগুলি ভেসে যাচ্ছে দক্ষিণে। শুধু তাই নয় বকুলের মনে হল ঝড়ের শব্দ বৃষ্টির শব্দ বাতাসের শব্দ ছাপিয়ে সে শুনতে পেল মানুষের আর্ত চিৎকার।

ডুবে যাবে মানুষ গুলি- বকুলের মাথায় বিদ্যুৎ ঝলকের মত খেলে গেল, কিছু একটা করা না গেলে মানুষ দুটি ভেসে যাবে কেউ আর তাদের বাঁচাতে পারবে না। এই প্রচণ্ড ঝড়ে মানুষ দুজন কিছুতেই সাতরে তীরে আসতে পারবে না, ঢেউয়ের ধাক্কায় শেষ হয়ে যাবে দুজনে। কিছু একটা করতে হবে বকুলের।

গলা ফাটিয়ে চিৎকার করতে লাগল বকুল কিন্তু ঝড়ের প্রচণ্ড শব্দে কেউ তার চিৎকার শুনতে পারল না। শুনতে পেলেনও কিছু লাভ হত না, এই প্রচণ্ড ঝড়ে কে যাবে তাদের উদ্ধার করতে ?

“টুশকি!” হঠাৎ করে বকুলের টুশকির কথা মনে পড়ল। শুধু মাত্র টুশকিই পারবে তাদের বাঁচাতে- এই প্রচণ্ড ঝড়ে তাদের কাছে সাতরে যেতে পারবে শুধু টুশকি। বকুল ছুটে গেল হিজল গাছটার কাছে, ঝড়ে ডালগুলি নড়ছে মনে হচ্ছে যে কোন মুহূর্তে বৃষ্টি হুড়মুড় করে ভেসে আহুড়ে পড়বে নদীর কালো পানিতে। বৃষ্টিতে ভিজে পিছল হয়ে আছে গাছটি, সাবধানে নিচের ডালে উঠে দাড়াল বকুল, বাতাসের ঝাপটায় সে পড়ে যেতে চাইছে নিচে তার মাঝে শক্ত করে ধরে রাখল মোটা ডালটা। চাবুকের মত ছুটে আসছিল সরু ডালগুলি, শরীর নিশ্চয়ই ক্ষতবিক্ষত হয়ে গেছে তার- বুঝতে পারছে না এখন।

গাছের ডালের নিচে নেমে এসে সে ডালটাকে ঝাকাতে লাগল গায়ের জোরে, পানিতে ডালগুলি শক্ত করতে লাগল। টুশকিকে ডাকতে হলে সে এখানে এসে ডালগুলিকে ঝাকিয়ে শক্ত করে। কখনোই সমস্যা হয়নি আগে প্রত্যেকবারই ডেকে এনেছে টুশকিকে। কিন্তু এখন এই ঝড়ের প্রচণ্ড উথালপাতাল শব্দে কী টুশকি শুনতে পাবে পানিতে ডাল ঝাপটানোর শব্দ ? আসবে কী টুশকি ?

হিজল গাছের নিচু ডালটিতে লাফিয়ে লাফিয়ে বকুল যখন প্রায় হাল ছেড়ে দিচ্ছিল ঠিক তখন হঠাৎ নদীর কালো পানির মাঝে থেকে ভুস করে টুশকি বের হয়ে এল।

“টুশকি!” বকুল চিৎকার করে বলল, “টুশকি! এসেছ ?”

টুশকি বকুলের কথা বুঝতে পারল কী না বোঝা গেল না কিন্তু পানিতে ঘুরে এসে আবার ভুস করে ভেসে উঠে লাফিয়ে উপরে উঠে এল। ঝড়ের মাঝে বকুলের যেরকম আনন্দ হয়, টুশকিরও ঠিক সেরকম আনন্দ হয় বলে মনে হচ্ছে।

“টুশকি! আমি আসছি—” বলে বকুল নদীর ফুঁসে ওঠা কালো পানিতে ঝাপিয়ে পড়ল। অন্ধকার পানিতে ডুবে যাওয়ার সাথে সাথে হঠাৎ করে ঝড়ের প্রবল গর্জন, বাতাসের শব্দ বৃষ্টির ছাট সব কিছু অদৃশ্য হয়ে একটা সুমসাম নীরবতা নেমে এল চারপাশে। পানির নিচে ডুবে থেকে আবার ডাকল বকুল, “টুশকি!” মুখ থেকে বাতাসের বুদ্বুদ বের হয়ে এল তার কণ্ঠের সাথে সাথে।

বকুল হঠাৎ তার নিচে টুশকির মসৃণ শরীরের স্পর্শ অনুভব করল, সাথে সাথে জাপটে ধরে পা দিয়ে পেটে একটা খোঁচা দিল টুশকিকে। টুশকি বকুলকে পিঠে নিয়ে ছুটে গিয়ে পানির উপরে লাফিয়ে উঠে আবার পানিতে আছড়ে পড়ল। টুশকি ভাবছে বকুল বুঝি তার সাথে খেলার জন্যে তাকে ডেকে এনেছে!

বকুল টুশকির গলা জড়িয়ে ধরে মাথার কাছে বারকয়েক ধাবা দিল, চাপা গলায় চিৎকার করে বলল, “সামনে, সামনে চল। মানুষ ডুবে যাচ্ছে।”

টুশকি বকুলের কথা বুঝতে পারল কী না বোঝা গেল না কিন্তু হঠাৎ গতি পাল্টে নদীর গভীরের দিকে রওনা দিল। প্রচণ্ড ঝড়ে মনে হচ্ছে সব ধ্বংস হয়ে যাবে, পানির ঢেউয়ের আঘাতে তলিয়ে নিচ্ছে সবকিছু, তার মাঝে তীরের মত ছুটে যেতে থাকল টুশকি, তার গলা ধরে শক্ত করে বুলে রইল বকুল।

মানুষ দুটি ভেসে ভেসে যেখানে চলে যেতে পারে মোটামুটি সেদিকে ঘুরিয়ে নিতে থাকে টুশকিকে। পানির নিচে দিয়ে যেতে চায় মাঝেমাঝেই— নিঃশ্বাস বন্ধ হয়ে আসতেই খোঁচা দিয়ে টুশকিকে উপরে তুলে আনতে হয় তখন নিঃশ্বাস নেবার জন্যে। প্রচণ্ড ঢেউ বৃষ্টির ঝাপটা আর বাতাসের শৌ শৌ শব্দের মাঝে বকুল টুশকির পিঠে করে ছুটে যেতে থাকে। নদীর মাঝামাঝি পানির প্রচণ্ড স্রোত, বকুল মাথা তুলে তাকাল, কাউকে দেখা যাচ্ছে কী না খোঁজার চেষ্টা করল কিন্তু কেউ নেই। বকুল টুশকির পিঠে ধাবা দিয়ে আবার ছুটে চলল সামনে, গোল হয়ে ঘুরে এল একবার এখনো কাউকে দেখা যাচ্ছে না। টুশকি মাথা তুলে চিৎকার করে একবার ডাকল, “কোথায় ? কোথায় কে ?”

সাথে সাথে মানুষের স্কীণ একটা চিৎকার শুনতে পেল, “এইযে এখানে।”

বকুল গলার আওয়াজের শব্দ লক্ষ করে টুশকিকে সেদিকে নিয়ে যেতে থাকে, কিছুক্ষণের মাঝেই সে মানুষ দুজনকে দেখতে পায়, হট্টো পুটি করে ভেসে থাকার চেষ্টা করছে দুজন, নদীর প্রবল স্রোতে ভেসে যাচ্ছে দুজনে। বকুল চিৎকার করে বলল, “আসছি আমি।”

টুশকি প্রথমে অপরিচিত মানুষ দুজনের কাছে যেতে রাজী হচ্ছিল না, বকুলকে বার কতক চেষ্টা করে তাকে রাজী করাতে হল। টুশকি কাছে যেতেই একজন ঝাপিয়ে পড়ে টুশকিকে ধরতেই টুশকি গা ঝাড়া দিয়ে পানির নিচে ডুবে গেল। বকুল টুশকিকে ছাড়ল না, পা দিয়ে পেটে ঝোঁটা দিয়ে আবার তুলে আনল উপরে। বকুল আবার টুশকিকে কাছে নিয়ে হাত বাড়িয়ে বলল, “আমার হাত ধরেন।”

মানুষটা তার হাত জাপটে ধরল। বকুল মানুষটাকে কাছে টেনে এনে চিৎকার করে বলল, “টুশকির গায়ে হাত দেবেন না— আপনাকে চেনে না, ধাক্কা দিয়ে ফেলে দেবে।”

বৃষ্টি আর ঝড়ের শব্দে বকুলের কথা জ্ঞতে গেল না মানুষটা, চিৎকার করে বলল, “কী?”

বকুল আবার বলল চিৎকার করে, মানুষটা এবারে কথা বুঝতে পারল। বকুল এবারে দ্বিতীয় মানুষটার কাছে নিয়ে গেল টুশকিকে। পানিতে ভেসে যাবে না, কেউ একজন এসেছে সাহায্য করতে এই ব্যাপারটাতেই মানুষ দুজন খুব সাহস ফিরে পেয়েছে। বকুল টুশকিকে নিয়ে কাছে গেলে বিদেশী সাহেবটা সাবধানে বকুলের শরীর জাপটে ধরল। বকুল তখন টুশকিকে ইঙ্গিত দিতেই সেটা তীরের দিকে সাতার কাটতে থাকে।

দুইমী করার জন্যেই কী না কে জানে মাঝে মাঝেই টুশকি পানির গভীরে চলে যাচ্ছিল, যখন ওদের নিঃশ্বাস বন্ধ হবার উপক্রম হচ্ছিল তখন আবার ডুস করে পানির উপরে উঠে আসছিল। স্রোতের বিপরীতে সাতার কেটে তীরে আসতে আসতে দীর্ঘ সময় লেগে গেল, ততক্ষণে ঝড়ের বেগ একটু কমেছে, নদীর তীরে বেশ কিছু মানুষ জমা হয়েছে ব্যাপারটি দেখার জন্যে। হিজল গাছের নিচে এসে টুশকি পানিতে ডুবে গেল, মানুষ দুজন তখন বকুলকে ছেড়ে দিয়ে কোন মতে উপরে উঠে আসার চেষ্টা করে। নদীতীরে যারা দাড়িয়েছিল তারা এসে মানুষ দুজনকে টেনে উপরে তুলে নিয়ে আসে। নদী তীরে একটা হৈ চৈ শুরু হয়ে যায়, তাদের দুজনকে কোথায় নেবে কী করবে সেটা নিয়ে বাক বিভ্রা হতে থাকে। বকুল সেটা দেখার জন্যে আর দাড়াইল না। একটু আগে সে যেটা করেছে তার জন্যে বাড়ীতে বাবা মার কাছে তার যে কপালে অনেক বড় দুঃখ আছে সেটা বুঝতে বকুলের খুব দেরী হল না।



ঝড়টা যেরকম হঠাৎ করে এসেছে ঠিক সেরকম হঠাৎ করে ধেমে গেল। তারা গ্রামে অবশিা ভাঙ্গা গাছ, পাতা উড়ে আসা ছাউনি ছড়িয়ে ছিটিয়ে থাকা জনিষপত্র পড়ে রইল। এই ভয়ংকর ঝড়ের মাঝে বকুল কী করেছে যখন সবে মাত্র সেই খবরটা বের হতে শুরু করেছে এবং বাবা মা আর বড় চাচা বকুলকে একাবকি করার জন্যে প্রস্তুত হইছেন তখন উত্তেজিত শরীফ এসে খবর দিল একজন বিদেশী সাহেব আর একজন দেশী সাহেব বকুলের সাথে দেখা করতে চায়।

বকুল সাথে সাথে বুঝতে পারল মানুষগুলি কে এবং কেন এসেছে। সে বাইরে বের হয়ে এল, মানুষ দুজনকে ঘিরে গ্রামের অনেক মানুষ জুড়ো হয়েছে, ছোট ছোট বাচ্চারা বেশ অবাক হয়ে বিদেশী সাহেবটাকে দেখছে, তারা হাফ প্যান্ট পরা এরকম বিচিত্র গোলাপী রংয়ের মানুষ আগে কখনো দেখেনি।

দেশী সাহেবটা এগিয়ে এসে বলল, “এই মেয়ে- তু- তুই বুঝি শুকক নিয়ে আমাদের কাছে গিয়েছিলি।”

লোকটার কথা শুনে বকুলের মাথার মাঝে একটা ছোটখাট বিস্ফোরণ হল। ইচ্ছে হল লাফিয়ে গিয়ে মানুষটার টুটি চেপে ধরে। বিদেশী সাহেবটা ইংরেজীতে বলল, “হ্যা হ্যা, এই মেয়েটাই। সাহসী মেয়ে। চালাক মেয়ে।”

দেশী সাহেবটা পকেটে হাত ঢুকিয়ে একটা ভেজা মানিবাগ বের করে, সেখান থেকে ভেজা দুটি পাঁচশ টাকার নোট বের করে বকুলের দিকে এগিয়ে দিল। বকুলের ইচ্ছে করল খামচি দিয়ে মানুষটার মুখ রক্তাক্ত করে দেয় কিন্তু সে কিছুই করল না। চুপ করে দাঁড়িয়ে রইল।

মানুষটি বলল, “নে।”

বকুল চারিদিকে তাকাল, অনেক মানুষ দাড়িয়ে আছে তাদের ঘিরে। বাম দিকে মন্ডল বাড়ীর সাদাসিধে কামলা বদিও আছে, চোখে মুখে সরল একটা বিস্ময় নিয়ে দেখছে। বকুল হাত বাড়িয়ে টাকাটা নিয়ে বদির দিকে এগিয়ে দিতেই বদি এগিয়ে এসে লোভীর মত হেঁা মেরে নোট দুটি নিয়ে নিল। দেশী সাহেব আহত গলায় বলল, “এটা বিশ টাকার নোট না, পাঁচশ টাকার নোট।”

বকুল বদির দিকে তাকিয়ে বলল, “বদি ভাই, এখানে পাঁচশ টাকার নোট।”

বদি চকচকে চোখে মাথা নেড়ে বলল, “কোন সমস্যা নাই।”

দেশী সাহেবটা অবাক হয়ে বকুলের দিকে তাকিয়ে রইল। তার মুখে অপমানের একটা ছায়া পড়েছে। মানুষটা বকুলের দিকে তাকিয়ে আমতা আমতা করে বলল, “তু-তু-তুই-”

বকুল মুখ শক্ত করে বলল, “তুই না। তুমি।”

মানুষটির মুখ অপমানে লাল হয়ে যায়। একবার ঢোক গিলে বলল, “মানে বলছিলাম আমার ব্যাগে আসলে টাকা নেই- তাই মানে তোকে- মানে তোমাকে-”

বকুল বলল, “আপনার সাথে আমার কথা বলার সময় নাই কুলের পড়া করতে হবে আমি গেলাম।”

তারপর মানুষটাকে কোন কথা বলার সুযোগ না দিয়ে সে বাড়ীর ভিতরে চলে আসে, রাগে দুঃখে অপমানে তার চোখে পানি এসে যেতে চায়। তাকে ঘিরে যদি এতগুলি মানুষ না থাকত তাহলে সে কী খামটি দিয়ে লোকটার মুখ আচড়ে দিত না ?

৮

প্রথম দিন বকুল ব্যাপারটাকে বেশী গুরুত্ব দিল না। হিজল গাছটার ডালটাকে পানিতে ঝাপটিয়ে শব্দ করার পরেও টুশকি এল না। হতে পরে নদীর নিচে কিংবা এত দূরে কোথাও গেছে যে ভাকে যে ডাকা হচ্ছে সেটা সে শুনতে পায়নি।

দ্বিতীয় দিনে ব্যাপারটিতে বকুল বেশ চিন্তার মাঝে পড়ে যায়। সারাদিনই সে ছাড়াছাড়া ভাবে টুশকিকে ডেকেছে কিন্তু টুশকির দেখা নেই। তৃতীয় দিন বকুল ঘুম থেকেই উঠল একটা চাপা দৃষ্টি নিয়ে, যদি আজকেও টুশকিকে পাওয়া না যায় ?

সত্যি সত্যি সারাদিন টুশকিকে ডাকাডাকি করেও কোন লাভ হল না। বকুলের ইচ্ছে হল সে চিৎকার করে কাঁদে। বিকেল বেলা যখন কেউ আশে পাশে নেই তখন সে সত্যি সত্যি ঋনিরূপ কাঁদল। কোথায় গেল তার টুশকি ? তাকে ছেড়ে চলে গেছে সেটা তো হতে পারে না।

দেখতে দেখতে আরো দুদিন কেটে গেল, এখনো টুশকির কোন দেখা নেই। বকুল ওকনো মুখে নদীর তীরে ঘুরোঘুরি করে, নদীর পানিতে পা ভিজিয়ে বসে থাকে, হিজল গাছের ডাল পানিতে ঝাপটিয়ে শব্দ করে। সে কিছুতেই মনে নিতে পারছিল না কিন্তু এখন মনে হচ্ছে সত্যি টুশকি হারিয়ে গেছে, আর কোন

দিন তাকে ফিরে পারে না। বুকের ভিতরটা তার মোচড় দিতে থাকে, গভীর রাতে ঘুম ভেঙে যায় সে বিছানায় উঠে বসে থাকে। জানালা দিয়ে সে নদীর দিকে তাকিয়ে থাকে, না জানি কোথায় কোন বিপদে পড়েছে টুশকি।

এক সপ্তাহ পর এক শুক্রবার সন্ধ্যাবেলা শরীফ ছুটতে ছুটতে এল বকুলের কাছে, দৌড়ে এসে হাঁপিয়ে গেছে, নিঃশ্বাস নিতে পারছে না। কিছু একটা বলতে চাইছে কিন্তু উত্তেজনায় বলতে পারছে না কিছু। বকুল ভয় পাওয়া গলায় বলল, “কী হয়েছে?”

“টুশকি!”

“টুশকি? কোথায়?”

“টেলিভিশনে।”

“টেলিভিশনে?”

“হ্যাঁ।” শরীফ লম্বা একটা নিঃশ্বাস নিয়ে বলল, “মন্ডলবাড়ীতে টেলিভিশনে খবরে টুশকিকে দেখিয়েছে। ঢাকায় টুশকিকে নিয়ে একটা সার্কাস হচ্ছে।”

“সার্কাস?”

“হ্যাঁ।”

বকুল হতবাক হয়ে বসে রইল। পুরো ব্যাপারটা এখনো তার বিশ্বাস হচ্ছে না, তাদের টুশকিকে ধরে নিয়ে সেটা দিয়ে সার্কাস দেখানো হচ্ছে? বকুল আবার জিজ্ঞেস করল, “তুই নিজে দেখেছিস?”

“আমি নিজে দেখেছি।” শরীফ বুকে ধাবা দিয়ে বলল, “খোদার কসম।”

বাংলা খবরে যেটা বলা হয় সেটা রাত দশটার ইংরেজী খবরেও বলা হয় কাজেই রাত দশটার সময় বকুল মন্ডলবাড়ীতে হাজির থাকল। মন্ডল বাড়ীতে যে টেলিভিশন আছে সেটা দেখতে গ্রামের অনেক মানুষ এসে ভীড় জমায়, বাইরের ঘরে মানুষ গিজ গিজ করতে থাকে, তার মাঝে বকুল খানিকটা জায়গা করে নিল। ইংরেজী খবর শুনে কেউ বিশেষ কিছু বুঝে না বলে অনেকেই তখন চলে গেল, বকুল সুযোগ পেয়ে একেবারে কাছে এসে অপেক্ষা করতে থাকে। সত্যি সত্যি খবরের শেষের দিকে হঠাৎ করে টেলিভিশনে টুশকিকে দেখানো হল, টুশকি পানির মাঝে ভুশ করে বের হয়ে আসছে, অসংখ্য মানুষ হাত তালি দিচ্ছে। তারপর খবরের একজন মানুষ কয়েকজন মানুষের সাক্ষাৎকার নিল, খবরটি ইংরেজী হলেও সাক্ষাৎকারটি বাংলায়। বকুল শুনতে পেল মানুষগুলি বলছে যে বিদেশে যেরকম ডলফিনের খেলা দেখানো হয় তারাও সেরকম বাংলাদেশের নিজস্ব সম্পদ গুপ্তকের খেলা দেখাচ্ছে। তারা আপাততঃ একটি গুপ্তক দিয়ে শুরু করছে, কয়েকদিনের মাঝেই আরো গুপ্তক নিয়ে আসবে। যে মানুষটি সাক্ষাৎকার নিচ্ছে সে তখন জিজ্ঞেস করল, “আপনারা কীভাবে গুপ্তককে খেলা দেখানো শিখাচ্ছেন?”

“আমাদের সে জন্যে বিদেশ থেকে বিশেষ প্রশিক্ষণপ্রাপ্ত মানুষ আনা হয়েছে, তাদের একজন হচ্ছেন পিটার ব্লাংক।”

তখন পিটার ব্লাংক কে দেখানো হল এবং বকুল চমকে উঠে দেখল পিটার ব্লাংক হচ্ছে ঝড়ের মতো স্পীডবোট ডুবে যাওয়া যে মানুষটিকে সে উদ্ধার করেছিল সে। খবরের প্রতিবেদনে আরো অনেক কিছু বলা হল, যে প্রতিষ্ঠানটি বিনোদনের জন্যে এই খেলা দেখাচ্ছে তাদের নাম ‘ওয়াটার ওয়ার্ল্ড’। তাদের খেলা দেখানো হয় প্রতিদিন বিকাল পাঁচটা এবং সন্ধ্যা সাতটার সময়। যেখানে খেলাটি দেখানো হচ্ছে সেই জায়গাটির নাম ‘উত্তরণ’, বনানীর কাছাকাছি সেটি একটি নূতন এলাকা।

পলাশপুর গ্রামের সবাই বকুলকে এবং টুশকিকে দেখেছে কাজেই সবাই টেলিভিশনের টুশকিকে চিনতে পারল। তারা এমন জান করতে লাগল যে এটা টুশকির বিশাল একটা সৌভাগ্য যে তাকে টেলিভিশনে দেখানো হচ্ছে। নদী থেকে তাকে ধরে নেয়া যে একটা অন্যায কাজ সেটা একজনও বুঝতে পারল না। মন্ডল বাড়ী থেকে বকুল প্রায় চোখে পানি নিয়ে বের হল। অন্ধকার পথে বাড়ী ফিরে আসতে আসতে বকুল ঠিক করে ফেলল সে কাল ভোরেই ঢাকা যাবে। নীলাকে ঘটনাটা খুলে বললে নীলার আঙ্গু নিশ্চয়ই কিছু একটা ব্যবস্থা করতে পারবেন। তার কাছে নীলার ঠিকানা আছে, ঢাকা শহরে গেলে নীলার বাসা খুঁজে বের করা কঠিন হবার কথা নয়।

রাতে বিছানায় শুয়ে শুয়ে বকুল কীভাবে কী করবে চিন্তা করতে থাকে। একা একা টাকা পৌঁছানো মনে হয় সবচেয়ে কঠিন অংশটুকু। সে যদি মেয়ে না হয়ে ছেলে হতো তাহলে কোন সমস্যাই ছিল না। বারো তেরো বছরের একটা মেয়ে একা একা টাকা যায় না, কিন্তু তাকে যেতেই হবে। তাদের স্কুল থেকে মাইলখানেক উত্তরে ঢাকা যাবার রাস্তা সেখানে ঢাকা যাবার বাস থামে। কোনভাবে সেটাতে উঠে পড়লে একটা কিছু ব্যবস্থা হয়ে যাবে। সংগে আর কাউকে নিতে পারলে হত, কিন্তু চিন্তা ভাবনা করে সে একাই যাবে বলে ঠিক করল। টাকা যাবার জন্যে কিছু টাকা পয়সা দরকার, সে তার পয়সা জমানোর কৌটায় যে পয়সা জমিয়ে এসেছে সেটা মনে হয় যথেষ্ট নয়। বাজারে রহমত চাচার মনোহারী দোকান থেকে বাবার কথা বলে কিছু টাকা ধার করা যেতে পারে, বেশ কিছুদিন আগে একবার বাবা তাকে দিয়ে কিছু টাকা আনিয়ে নিয়েছিলেন। স্কুলের বেতনের কথা বলে মায়ের কাছ থেকেও কিছু টাকা নেওয়া যেতে পারে।



পরদিন সকালে স্কুলে যাবার কথা বলে সে তাদের গ্রামের অন্য বাচ্চাদের সাথে বের হল। মা'কে স্কুলের বেতনের কথা বলে কিছু টাকা নিয়েছে। নিজের জমানো খুচরা টাকাও আছে সাথে। বাজারের পাশ দিয়ে যাবার সময় বাবার কথা বলে রহমত চাচার কাছ থেকে কিছু টাকা নিয়ে নিল। এখন টাকা যাওয়ার এবং ঢাকায় পৌঁছানোর পর নীলার বাসায় যাবার জন্যে রিক্সা ভাড়াটুকু উঠে গেছে মনে হয়। স্কুলের কাছাকাছি পৌঁছে সে তার বই খাতা রতনের কাছে দিয়ে বলল বিকেল বেলা সেগুলি তার বাসায় পৌঁছে দিতে।

রতন চোখ রুপালে তুলে বলল, “সে কী! তুমি কোথায় যাচ্ছ বকুলাস্তু?”

“ঢাকায়।”

“ঢাকায়? কার সাথে?”

“একা।”

রতন মুখ হা করে বলল, “একা?”

“হ্যাঁ। টেলিভিশনে দেখিস নি টুশকিকে চুরি করে নিয়েছে।”

রতন মাথা নাড়ল, সে নিজে দেখেনি, কিন্তু ঘটনাটার কথা শুনেছে। সে ঢোক গিলে বলল, “তুমি কী করবে?”

“টুশকিকে বাঁচাতে হবে না?”

“কেমন করে বাঁচাবে?”

“সময় হলেই জানবি। যদি বিকেলের মাঝে ফিরে না আসি তাহলে বাড়ীতে বলিস আমি নীলাদের বাসায় গেছি।”

“তোমার বাড়ীতে চিন্তা করবে না বকুলাস্তু?”

“সেটা তো করবেই। বলিস নীলা আর তার আব্বু গাড়ী করে এসে আমাকে নিয়ে গেছে। তাহলে বেশী চিন্তা করবে না। বলতে পারবি না?”

রতন দুর্বল গলায় বলল, “পারব।”

“যদি না বলিস তোর মাথা ছিড়ে ফুটবলের মত কিক দিয়ে নদীর ঐ পাড়ে পাঠিয়ে দিব। মনে থাকে যেন।”

রতন আবার ঢোক গিলে বলল তার মনে থাকবে।

ঢাকায় যাবার অংশটুকু নিয়ে সে যত ভয় পেয়েছিল দেখা গেল ব্যাপারটা তত কঠিন হল না। ছাদে এবং ভিতরে মানুষে বোঝাই গাদাগাদি ভিড়ের একটা বাসে উঠে যাবার সময় সবাই মনে করতে লাগল সে কারো সাথে উঠেছে। কন্সট্রিক্টর ভাড়া নেবার সময় বুঝতে পারল সে একা— তখন বকুল ভান করতে লাগল তার সাথে যে এসেছে সে বাসের ছাদে উঠেছে। কন্সট্রিক্টর ভাড়া পেয়েই খুশী কার সাথে কে এসেছে কে ছাদে উঠেছে এবং কে নিচে বসেছে সেটা নিয়ে মাথা ঘামালো না।

তাকে শহরে নেমে নীলার বাসায় যাওয়া নিয়ে একটা বড় সমস্যা হল। যেখানে বাসে নেমেছে সেখান থেকে কোন রিক্সাই নীলাদের এলাকায় যেতে রাজী হল না- সেটা নাকী অনেক দূর। কী করবে সেটা নিয়ে যখন বকুল খুব দুর্ভাগ্য পড়ে গেছে তখন হঠাৎ করে তার ফোন করার কথা মনে পড়ল। রাস্তায় হাঁটতে হাঁটতে সে একটি দোকান পেয়ে গেল যার বাইরে বড় বড় করে লেখা 'ফোন ফ্যাব্র'। ভিতরে ঢুকে মানুষটাকে নীলাদের বাসার টেলিফোন নম্বরটা দিতেই মানুষটা তাকে নাম্বারটা ডায়াল করে টেলিফোনটা এগিয়ে দিল। বকুল এর আগে জীবনে টেলিফোনে কথা বলে নি, কী করতে হয় সে জানেও না। রিসিভারটা কানে লাগিয়ে সে কিছু একটা শোনার চেষ্টা করতে থাকে, খানিকক্ষণ পিঁপিঁ একটা শব্দ হয়ে হঠাৎ সে একটা মেয়ের গলার শব্দ শুনতে পেল, "হ্যালো!"

"নীলা?"

"হ্যাঁ আপনি কে বলছেন?"

"নীলা, আমি বকুল।"

"বকুল!" টেলিফোনে নীলা একটা বিকট চিৎকার দিল "তুমি কোথা থেকে কথা বলছ?"

"ঢাকা থেকে।"

"ঢাকা কোথায়? কার কাছে এসেছ? কখন এসেছ?"

"একসাথে এত কিছু জিজ্ঞেস কর না। আমি এক্ষুণি এসেছি।"

"কার কাছে?"

"তোমার কাছে। খুব দরকার।"

নীলা শংকিত গলায় বলল, "কী হয়েছে?"

"দুশকি চুরি হয়ে গেছে।"

"কী বললে?" নীলা চিৎকার করে বলল, "কী বললে?"

"দুশকিকে চুরি করে নিয়ে গেছে। আমি টেলিভিশনে দেখেছি।"

"কোথায় দেখেছ- দাড়াও তুমি কোথায়?"

"আমি জানি না।"

"কোথা থেকে ফোন করছ?"

"একটা দোকান থেকে।"

"দোকানটা কোথায়?"

"সেটাও জানি না।"

“তুমি দোকানের মানুষের কাছে টেলিফোনটা দিবে, এখানে বসে থাক আমি গাড়ী নিয়ে আসছি। অন্য কোথাও যাবে না। ঢাকা শহরে কেউ হারিয়ে গেলে তাকে আর পাওয়া যায় না।”

“ঠিক আছে।”

নীলা ফোনের দোকানের মানুষের সাথে কথা বলে ঠিকানাটা নিয়ে আশ্বিনীর মাঝে বিশাল একটা গাড়ী নিয়ে চলে এল। গাড়ী করে যেতে যেতে বকুলের কাছে সবকিছু শুনতে শুনতে নীলার চোখ বড় বড় হয়ে উঠে। জোরে জোরে নিঃশ্বাস নিয়ে হাতে কিল মেরে বলল, “কত বড় সাহস দেখেছ! আমাদের টুশকিকে চুরি করে নিয়ে যায়।”

“এখন কী করবে?”

“তুমি কোন চিন্তা করবে না, আমি সব ব্যবস্থা করব। আকবুকে বললেই দেখ আকবু একটা ব্যবস্থা করে দেবে”

বকুল মাথা নাড়ল। নীলার আকবু নিশ্চয়ই কিছু একটা ব্যবস্থা করতে পারবেন, সে ব্যাপারে বকুলের কোন সন্দেহ নেই।

নীলা একটু ইতস্ততঃ করে বলল, “শুধু একটা সমস্যা।”

“কী সমস্যা?”

“আকবু ঢাকায় নেই।”

“কোথায় গিয়েছেন?”

“সিংগাপুর।”

“কবে আসবেন?”

নীলা মাথা চুলকে বলল, “জানি না।”

ঢাকার রাস্তায় গাড়ী দু'জনকে নিয়ে যেতে থাকে, নীলা হাতে কিল দিয়ে বলল, “আমাদেরকেই একটা ব্যবস্থা করতে হবে।”

বকুল ভয়ে ভয়ে বলল, “আমাদেরকেই?”

“হ্যাঁ। আমাদেরকেই। আমাকে আর তোমাকে।”

নীলাদের বাসায় পৌঁছে বকুল একেবারে হতবাক হয়ে গেল। মানুষের বাসা যে কখনো এত সুন্দর হতে পারে সেটা নিজের চোখে না দেখলে বিশ্বাস করা যায় না। বাসার এক একটা বাথরুম এত বড় যে মনে হয় ভিতরে ফুটবল খেলা যায়। বকুল হাত মুখ ধুয়ে যে তোয়ালে দিয়ে মুখ মুছল সেটা এত নরম যে মনে হল বুনী ফুলের পাপড়ি দিয়ে তৈরী। বকুল আর নীলা যে খাবারের টেবিলে খেতে বসল সেটা কুচকুচে কাল পাথরের তৈরী। টেবিলটি এত মসৃণ যে শুধু হাত বুলাতে ইচ্ছে করে।

বকুল আর নীলা খেতে খেতে আলাপ করতে থাকে। নীলা বলল, “আবু নাই তাই খুব মুশকিল হল কিন্তু আবু থাকলে যেটা করতেন আমরা সেটাই করব।”

“সেটা কী?”

“শমশের চাচা!”

নীলা তখন গলা ফাটিয়ে চিৎকার করতে লাগল, “শমশের চাচা- শমশের চাচা।”

সাথে সাথে প্রায় নিঃশব্দে শমশের এসে চুকল, বলল, “আমাকে ডাকছ নাকী, নীলা।”

“হ্যাঁ শমশের চাচা। বকুল একটা খবর নিয়ে এসেছে, একেবারে সর্বনাশ হয়ে গেছে।”

“কী খবর?”

“টুশকির কথা মনে আছে না? সেটা চুরি হয়ে গেছে।”

শমশের চাচা নিজের নখের দিকে তাকিয়ে থেকে বলল, “হ্যাঁ। আমি টেলিভিশনে দেখেছি। ওয়াটার ওয়ার্ল্ড নাম দিয়েছে সেখানে শুককদের খেলা দেখানো হয়।”

নীলা চোখ বড় বড় করে বলল, “হ্যাঁ সেখানে টুশকিকে চুরি করে এনেছে।”

শমশের কোন কথা না বলে চুপচাপ দাড়িয়ে রইল। নীলা বলল, “টুশকিকে উদ্ধার করতে হবে শমশের চাচা। কতক্ষণ লাগবে?”

শমশের চাচা একটা নিঃশ্বাস ফেলে বলল, “টুশকিকে এত সহজে উদ্ধার করা যাবে না নীলা।”

নীলা ভয় পাওয়া গলায় বলল, “কেন?”

“টুশকি কারো সম্পত্তি ছিল না। সেটা নদীর একটা শুকক। নদীর যে কোন মাছ যেমন ধরা যায় ঠিক সেরকম যে কোন শুককও ধরে আনা যায়-”

বকুল প্রায় আর্তনাদ করে বলল, “টুশকি আমাদের শুকক। আমাদের-  
আমার-”

শমশের একটু হাসার চেষ্টা করে বলল, “আমি জানি। কিন্তু আইনের দিক দিয়ে তোমার ছিল না। এখন এটা আইনের দিক দিয়ে ওয়াটার ওয়ার্ল্ডের। তারা যদি ছেড়ে না দেয় আমাদের কিছু করার নেই।”

নীলা প্রায় কেঁদে ফেলে বলল, “কিছু করার নেই?”

শমশের একটা নিঃশ্বাস ফেলে বলল, “না। নেই। স্যার যদি থাকতেন তাহলে কিছু করতে পারতেন।”

“শমশের চাচা! আবুকে এক্ষুণি ফোন কর। এক্ষুণি।”



বিকেল পাঁচটার সময় গুয়াটার গুয়ার্ডে টুশকির একটা অনুষ্ঠান রয়েছে নীলা আর বকুল সেটা দেখতে যাবে। একেবারে সামনে বসে দেখার জন্যে দুইটা টিকেট কেনা হয়েছে। গুয়াটার গুয়ার্ডে এসে বকুল একেবারে হতবাক হয়ে গেল এত সুন্দর যে একটা জায়গা হতে পারে নিজের চোখে না দেখলে বিশ্বাস করা সম্ভব না। বেহেশত মনে হয় এরকম হবে। নীলা পৃথিবীর অসংখ্য জায়গা দেখেছে তাকেও স্বীকার করতে হল জায়গাটা সুন্দর। বিরাট বড় একটা জায়গা নিয়ে এটা তৈরী করা হয়েছে। সামনে প্রেক্ষি গ্রাসের বিশাল একটা ট্যাংক তার সামনে গ্যালারীর মত চেয়ার উঠে গেছে। ট্যাংকটা একটা বড় সাইজের পুকুরের মত, তার মাঝখানে মাঝখানে দীপের মত জায়গা ভেসে আছে, সেখানে উজ্জ্বল রংয়ের নব্বা। পুরো এলাকাটা উজ্জ্বল আলোতে আলোকিত করে রাখা আছে, দেখেই চোখ ধাঁধিয়ে যায়। ভিতরে বিশাল স্পীকারে দ্রুত লয়ে বাজনা বাজছে, পুরো এলাকাটাতে একটা উৎসব উৎসব ভাব।

বকুল আগে কখনো এরকম জায়গায় আসেনি সবকিছু দেখে সে হতবাক হয়ে গেল। বিশাল গ্যালারীর মত জায়গা, সেখানে আস্তে আস্তে মানুষজন এসে নিজেদের জায়গায় বসে। যারা এসেছে তাদের মাঝে কমবয়সী বাচ্চারাও বেশী। টিকেটের অনেক দাম যারা আসতে পারে তাদের সবাই বড়লোকের ছেলে মেয়ে, চেহারায় জামা কাপড়ে সেটা বেশ স্পষ্ট।

ঠিক পাঁচটার সময় অনুষ্ঠান শুরু হল। নানাবিধ অনুষ্ঠান রয়েছে, ম্যাজিক শো, হাস্য কৌতুক, বানরের খেলা, পাখীর খেলা, শারীরিক কসরত, নাচ-গান, সবকিছুর শেষে হচ্ছে শুভকের খেলা। অনুষ্ঠানগুলি ভাল- অন্য যে কোন সময় হলে দেখে বকুল হেসে কুটি কুটি হত কিন্তু এখন ভিতরে অশান্তি তাই একটা অনুষ্ঠানও সে মন দিয়ে দেখতে পারল না।

সব কিছুর শেষে হঠাৎ ষ্টেজে বিচিত্র এক ধরনের বাজনা বাজতে শুরু করে সাথে সাথে পানির ট্যাংকের এক পাশে একটা গেট খুলে দেয়া হল। বকুল প্রেক্ষি গ্রাসের স্বচ্ছ দেয়ালের ভিতর দিয়ে দেখতে পেল একটা শুশুক দ্রুত বেগে পানির ট্যাংকে এসে হাজির হয়েছে। শুশুকটা এসে সজোরে দেয়ালে আঘাত করে, যেন সেটা ভেঙ্গে ফেলতে চায়। বকুল উত্তেজনায় তার চেয়ারে দাড়িয়ে গেল, তার টুশকি!

নীলা গুর হাতে ধরে টেনে বসিয়ে দিল। বকুল বিস্ফোরিত চোখে তাকিয়ে থাকে টুশকি পাগলের মত ভিতরে ছোটোছুটি করছে, দেয়ালে ধাক্কা দিচ্ছে মাঝে মাঝে হঠাৎ লাফিয়ে ওঠছে। সবাই মনে করছে এটা এক ধরনের খেলা, শুধু বকুল জানে এটা খেলা নয় এটা এক ধরনের ক্রোধ। যে টুশকি বিশাল নদীতে ঘুরে বেড়াত তাকে হঠাৎ করে এইটুকুন জায়গায় আটকে ফেললে সে কী সেটা সহ্য করতে পারে!

ষ্টেজে নীল পোষাক পরা একজন মানুষ এসে দাড়াল এক হাতে চাবুকের মত একটা জিনিষ। অন্য হাতে একটা মাইক্রোফোন। মানুষটি ষ্টেজে এসে দাড়াতোই উপস্থিত সব দর্শকেরা আনন্দে হাত তালি ঝিঁতে শুরু করে। মানুষটা মাথা নুইয়ে সবার করতালি গ্রহণ করে বলল, “আপনারা এখন দেখতে পাবেন এক অভূতপূর্ব খেলা। লস এঞ্জেলস, ফ্লোরিডা, ড্যানকুবারে ডলফিনের খেলা দেখানো হয়। আমরাও বাংলাদেশে আমাদের নিজস্ব ডলফিন গুপ্তকের খেলা দেখানোর ব্যবস্থা করেছি। আপনারা দেখবেন পানির বিশ্বয় এই গুপ্তকের বিচিত্র খেলা।”

বকুল আবার উঠে দাড়িয়ে যাচ্ছিল নীলা তাকে আবার টেনে বসিয়ে দিল। মানুষটি মাইক্রোফোনে বলল, “এই গুপ্তকটি আনা হয়েছে চন্দ্রা নদী থেকে। এটি একটি মেয়ে গুপ্তক, এর গুঞ্জন প্রায় একশ কেল্লি এবং যে জিনিষটা আপনাদের সবাইকে বলে রাখছি সেটা হল এটা একটা বন্য গুপ্তক। এটা একটা বেপরোয়া গুপ্তক। এটা একটা খ্যাণা গুপ্তক!

“মানুষ বন্য হাতীকে পোষ মানায়, বন্য বাঘকেও পোষ মানায়। আমরা এই বন্য গুপ্তককেও পোষ মানানো শুরু করেছি। এটি লাফিয়ে ঝিংয়ের ভিতর দিয়ে পার হবে, একটা বলকে ছুড়ে দেবে, শূন্যে ডিগ্বাজী দেবে। যখন এটাকে পোষ মানানো হবে তখন সে আরো বিচিত্র খেলা দেখাবে। সেই সব খেলা দেখার জন্য আপনাদেরকে এখনই আমন্ত্রণ জানিয়ে রাখছি।

“বন্য গুপ্তককে পোষ মানানো খুব সহজ নয়। এটাকে দেখলেই বুঝতে পারবেন এর শরীরে হিংস্র সিংহের শক্তি। লেজ দিয়ে আঘাত করে মানুষের মেরুদণ্ড ভেঙ্গে দিতে পারে, মুখের কামড়ে শরীর ক্ষত বিক্ষত করে দিতে পারে। শক্তিশালী মাথা দিয়ে মানুষকে পিষে ফেলতে পারে।

“এই ভয়ংকর জলজন্তুকে আমরা পোষ মানানো শুরু করেছি। সেই পোষ মানানোর জন্যে সুদূর আমেরিকা থেকে এসেছেন পি-টা-র-ত্রা-ংক! আপনারা করতালি দিয়ে এই মানুষটাকে অভ্যর্থনা জানান।”

সাথে সাথে পানির ট্যাংকে ঘীপের মত একটা জায়গায় একজন বিদেশী মানুষ এসে দাড়াইল, তার শরীরে কালো ব্রংয়ের রবারের এক ধরনের পোষাক। তার হাতেও চাবুকের মত একটা জিনিষ। সবাই প্রচণ্ড জোরে হাততালি দিতে শুরু করে।

মাইক্রোফোন হাতের মানুষটা আবার কথা বলতে শুরু করল, “পিটার ব্রাংক পৃথিবীর একজন সর্বশ্রেষ্ঠ ডলফিন প্রশিক্ষক। তার হাতে রয়েছে ইলেকট্রিক চাবুক। যখন এই ভয়ংকর বুনো শুকু তার কথার অবাধ্য হয় তিনি এই ইলেকট্রিক চাবুকের তিন হাজার ভোল্ট দিয়ে তাকে আঘাত করেন। হিংস্র শুকু তখন নিরীহ মোরগ ছানায় পাণ্টে যায়!”

মানুষটা মোরগ ছানার কথা বলার সময় হেসে উঠল এবং তার কথায় দর্শকেরাও আনন্দে হেসে উঠে। মানুষটা এবারে হাত তুলে বলল, “এখন দেখবেন বন্য শুকুকের খেলা!”

সাথে সাথে প্রচণ্ড জোরে এক ধরনের আদিম বাজনা বাজতে শুরু করে, পিটার ব্রাংক তার ইলেকট্রিক চাবুক ঘোরাতে শুরু করে এবং টুশকি ভয় পেয়ে পানি থেকে লাফিয়ে উপরে উঠে আসে। দর্শকেরা আনন্দে হাততালি দিতে শুরু করল।

উপর থেকে একটা রিং বুলিয়ে দেয়া হল সেখানে কাপড় প্যাঁচানো, একটা দেয়াশলাই দিয়ে সেটাতে আগুন ধরিয়ে দিতেই পুরো রিংটা দাউ দাউ করে জ্বলতে শুরু করে। শব্দ আরো দ্রুত হতে থাকে সবাই দেখতে পায় শুকুটা পানির ট্যাংকে পাগলে মত ঘুরছে পিটার ব্রাংক চাবুক দিয়ে আঘাত করতেই একটা আর্ত চিৎকারের মত শব্দ করে শুকুটা লাফিয়ে আগুনের রিংয়ের ভিতর দিয়ে যেতে চেষ্টা করে, সেটা ভিতর দিয়ে যেতে পারল না জ্বলন্ত রিংয়ে আঘাত করে আবার পানিতে পড়ে গেল।

বকুল আর নিজেকে সামলে রাখতে পারল না। “না- না- না- ” বলে চিৎকার করতে করতে সে স্টেজের দিকে ছুটে যেতে থাকে। দর্শকেরা হতচকিত হয়ে গেল। ওয়াটার গার্ডের লোকজন তাকে ধরার জন্যে ছুটে আসতে থাকে তার আগেই বকুল প্লিম্বি গ্রাসের দেয়াল বেয়ে উপরে উঠে গেছে। পানির ট্যাংকের দেয়ালে দাঁড়িয়ে সে চিৎকার করে ডাকল, “টুশকি!”

গ্যালারী ভরা অসংখ্য দর্শক আবাক হয়ে দেখল শুকুটা হঠাৎ তীরের মত ছুটে আসে বকুলের দিকে। বকুল প্লিম্বি গ্রাসের দেয়াল থেকে নিচে পানিতে ঝাপিয়ে পড়ল। পানি ছিটিয়ে পড়ল চারদিকে, তার মাঝে সবাই স্পষ্ট দেখতে পায় মাছের মত সাতাঁর কাটছে বাচ্চা একটা মেয়ে আর বিশাল একটা শুকু এসে তাকে স্পর্শ করছে। মায়েরা যেভাবে সন্তানকে আলিঙ্গন করে ঠিক সেরকম ভালবাসায় মেয়েটি আলিঙ্গন করছে শুকুটিকে, দুজনে জড়াজড়ি করে পানির

নিচে ঘুরপাক খেতে থাকে, ডিগবাজী খেতে থাকে। গুগুকটি তার মুখ দিয়ে বাচ্চা মেয়েটিকে আদর করতে থাকে আর গভীর ভালবাসায় মেয়েটি গুগুকের সারা শরীরে হাত বুলিয়ে দিতে থাকে। গুগুকটি মেয়েটিকে নিয়ে পানির ট্যাংকে ঘুরে বেড়াতে থাকে, আর মেয়েটা আদর করে তাকে জড়িয়ে ধরে রাখে। সবাইকে অবাক করে মেয়েটাকে পিঠে নিয়ে গুগুকটা হঠাৎ পানি থেকে লাফিয়ে উঠে আবার পানির গভীরে চলে যায়।

উপস্থিত দর্শকেরা প্রথমে হতচকিত হয়ে বসে থাকে কয়েকমুহূর্ত, তারপর প্রচণ্ড জোরে হাত তালি দিয়ে আনন্দধ্বনী দিতে থাকে। ওয়াটার গয়ার্ডের দুজন মানুষ স্টেজে দাড়িয়ে থাকে বোকার মত, কী করবে বুঝতে পারছে না তারা। মাইক্রোফোন হাতের মানুষটি কয়েকবার উপস্থিত দর্শকদের শান্ত করার চেষ্টা করল, কিন্তু কাউকে শান্ত করানোর কোন উপায়ই নেই। দর্শকেরা এরকম দৃশ্য আগে কখনো দেখেনি।

ঠিক তখন সবাই দেখতে পেল পুতুলের মত দেখতে আরেকটি মেয়ে স্টেজে উঠে গেছে সে চিৎকার করে কিছু একটা বলার চেষ্টা করছে সবাইকে। দর্শকেরা হঠাৎ মল্লমুণ্ডের মত চূপ করে গেল, তারা শুনতে চায় এই মেয়েটা কী বলবে।

নীলা চিৎকার করে বলল, “এই গুগুকটা বুনো গুগুক না। এটা পোষা গুগুক। এর নাম টুশকি।”

দর্শকেরা চিৎকার করে বলল, “শুনতে পাই না। মাইক্রোনোকোন মাইক্রোনোকোন।”

নীলা নীল পোষাক পরা মানুষটার হাত থেকে মাইক্রোনোকোনটা প্রায় কেড়ে নিয়ে চিৎকার করে বলল, “এই গুগুকটা বুনো গুগুক না। এটা পোষা গুগুক। এর নাম টুশকি!”

দর্শকেরা আনন্দে চিৎকার করে উঠল, “টুশকি! টুশকি!”

সাথে সাথে টুশকি বকুলকে পিঠে নিয়ে আবার পানির ভিতর থেকে ভুস করে ভেসে উঠল উপরে।

“ওয়াটার গয়ার্ডের লোকেরা টুশকিকে চুরি করে এনেছে। চুরি করে এনে তাকে শান্তি দিচ্ছে। কষ্ট দিচ্ছে, ইলেকট্রিক শক দিচ্ছে, আমরা একে ছাড়িয়ে নিতে এসেছি।”

দর্শকেরা চিৎকার করে উঠল, “ছেড়ে দাও! টুশকিকে ছেড়ে দাও।”

“টুশকি থাকে চন্দ্রা নদীতে। পুরো নদীতে সে ঘুরে বেড়ায় তাকে ডাকলে সে আসে, সে খেলে সে আমাদেরকে ভালবাসে। আর এই যে দেখছেন বিদেশী মানুষ তারা গিয়ে টুশকিকে নদী থেকে ধরে এনেছে। সবাইকে বলছে এটা হিংস্র প্রাণী! টুশকি হিংস্র না। একটুও হিংস্র না।



“তাকে আমরা ছাড়িয়ে নিয়ে যাব। নিয়ে তাকে তার নদীতে ছেড়ে দেব। সে তার নদীতে ঘুরে বেড়াবে।”

উপস্থিত দর্শকেরা চিৎকার করে বলল, “ছেড়ে দাও! ছেড়ে দাও!”

তারপর থায় সাথে সাথেই ওয়াটার ওয়ার্ল্ডে ভাংচুর শুরু হয়ে গেল। লোকজন কিছু চেয়ার ভেঙ্গে ফেলল, পর্দা ছিঁড়ে ফেলল, লাইট বাল্ব গুড়িয়ে দিল। ওয়াটার ওয়ার্ল্ডের লোকজনকে ধাপুয়া করল। পানির ট্যাংকটা ভেঙ্গে ফেলার চেষ্টা করে বেশী সুবিধে করতে পারল না। ট্যাংকের পিছনে ঝুঁজে নীলা টুশকিকে নেওয়ার জন্যে একটা জিনিষ পেয়ে গেল। একটা চটের খলের মত। খলেটাকে ভাল করে ভিজিয়ে তার মাঝে টুশকিকে গুইয়ে বকুল আর নীলা তাকে টেনে টেনে নেওয়ার চেষ্টা করে। সাথে সাথে বেশ কয়েকজন মানুষ তাদেরকে সাহায্য করার জন্যে ছুটে এল।

মানুষজনের ভীড় দেখে টুশকি অশান্ত হয়ে উঠে, লেজের আঘাতে সে দুই একজনকে একেবারে কাবু করে ফেলল। বকুল মাথায় হাত বুলিয়ে ক্রমাগত কথা বলে বলে কোনমতে তাকে শান্ত রাখার চেষ্টা করতে থাকে।

বাইরে নীলাদের গাড়ী রাখা ছিল। বড় একটা মাইক্রোবাস, ভিতরে অনেক জায়গা। পিছনের সীটে টুশকিকে গুইয়ে রাখা হল।

দর্শকদের একজন বলল, “পানির মাছ শুকনোয় মরে যাবে না?”

চপমা পরা একজন বলল, “মরবে না। এটা তো মাছ না এটা একটা প্রাণী। এটা নিঃশ্বাস নেয়।”

“নিঃশ্বাস নেয়?”

[www.banglabook.com](http://www.banglabook.com)

“হ্যাঁ, তবে পানির ভিতরে শরীরের ওজনটা টের পায় না, বাইরে ওজনটার জন্যে কষ্ট পাবে। তাছাড়া—”

“তাছাড়া কী?”

“শরীরটা যেন শুকিয়ে না যায়। নদীতে গিয়ে ছেড়ে না দেওয়া পর্যন্ত শরীরটাকে পানি দিয়ে ভিজিয়ে রাখতে হবে”

সাথে সাথে উৎসাহী দর্শকদের একজন একটা বালতি করে পানি নিয়ে—এল মাইক্রোবাসের ভিতরে।

গাড়ীতে ড্রাইভারের পাশে বসেছে শমশের। তার মুখে কখনো কোন অনুভূতির চিহ্ন পড়ে না, এখনো মুখের ভাব দেখে কিছু বোঝা যাচ্ছে না। নীলা আর বকুল টুশকির পাশে বসেছে। টুশকির গায়ে হাত বুলতে বুলতে বলতে বলল, “ড্রাইভার চাচা, চলেন।”

“কোথায় ?”

“লঞ্চঘাটে ।”

অসংখ্য দর্শক তখনো হৈ চৈ করছে তার মাঝে ভীড় ঠেলে মাইক্রোবাসটা বের হয়ে এল । গাড়ীটা বড় রাস্তায় ওঠার পর শমশের একটা নিঃশ্বাস ফেলে বলল, “ব্যাপারটা সামলানো কঠিন হবে ।”

নীলা আর বকুল দুজনেরই নিজেদেরকে যুদ্ধ বিজয়ী বীরের মত মনে হচ্ছিল তারা একটু অর্ধক হয়ে বলল, “কোন ব্যাপারটা ?”

“এই যে টুশকিকে নিয়ে যাচ্ছি ।”

“কেন ?”

“মনে হয় না আমরা লঞ্চঘাট পর্যন্ত যেতে পারব । তার আগেই আমাদেরকে ধরবে ।”

“কে ধরবে ?”

“পুলিশ । কিংবা মিলিটারী । ওয়াটার ওয়ার্ডের মালিক খুব শক্তিশালী মানুষ । আমাদের আবার কোন বিপদ না হয় ।”

শমশেরের গলার স্বর শুনে নীলা হঠাৎ ভয় পেয়ে যায় । শুকনো গলায় বলল, “কী বিপদ ?”

“এদের সাথে আসলে অর্গানাইজড ক্রিমিনালের দলের যোগাযোগ আছে । এরা ইচ্ছে করলে অনেক কিছু করে ফেলতে পারে ।”

“তাহলে আমরা কী করব শমশের চাচা ?”

“দেখি কী করা যায় ।”

শমশের চিন্তিত মুখে বসে বসে কিছু একটা ভাবতে লাগল । হাতে একটা সেলুলার ফোন ছিল, সেটা দিয়ে কোথায় কোথায় জানি ফোন করল । বাইরে তখন অন্ধকার নেমে এসেছে । হেড লাইটের উজ্জ্বল আলোতে অন্ধকার কেটে কেটে মাইক্রোবাসটি ছুটে চলছে নদীর দিকে ।

শমশেরের আশংকাকে অমূলক প্রমাণ করে মাইক্রোবাসটি একেবারে নদীর ঘাটে চলে এল । নীলাদের সাদা লঞ্চটি এখানে বাঁধা আছে, পাশে একটা ছোট কাজ চালানোর মত জেট । যখন মাইক্রোবাসের দরজা খুলে টুশকিকে ধরা ধরি করে তারা নদীর দিকে নিয়ে যাচ্ছে ঠিক তখন যেন মাটি ফুড়ে ডজন খানেক মানুষ তাদেরকে ঘিরে দাড়াল । নীলা ভয়ে চিৎকার করে উঠে বলল, “কে ?”

অন্ধকারে সামনা সামনি দাড়ানো একজন মানুষ এগিয়ে এসে বলল, “আমরা স্পেশাল ব্রাঞ্চের লোক । আমাদের কাছে রিপোর্ট এসেছে ওয়াটার ওয়ার্ডের পানির ট্যাংক থেকে একটা গুলুকে চুরি করা হয়েছে ।”

বকুল চিৎকার করে বলল, “মিথ্যা কথা। আমরা চুরি করি নাই। তোমরা চুরি করেছ। তোমরা-”

অন্ধকারে পিছন থেকে আরেকজন মানুষ বলল, “মিছিমিছি এদের সাথে আর্গুমেন্টে গিয়ে লাভ নেই। শুকটাকে ট্রাঙ্কওয়ালাইজ কর- নিয়ে যেতে হবে এখনি।”

নীলা আর বকুল অবাক হয়ে দেখল বিদেশী সাহেবটা তার ব্যাগ খুলে একটা বড় সিরিজ বের করে টুশকির দিকে এগিয়ে যাচ্ছে। বকুল একটা চিৎকার করে সাহেবটার উপর প্রায় ঝাপিয়ে পড়ছিল কিন্তু তার আগেই দুজন পিছন থেকে বকুলকে ধরে ফেলল। বকুল আচড়ে কামড়ে মানুষ দুজনকে ছিড়ে ফেলতে চাইছিল কিন্তু তবু মানুষগুলি তাকে ছাড়লো না।

বকুল আর নীলা অসহায় আক্রোশে হুটফুট করতে করতে দেখল মানুষগুলি টুশকিকে ইনজেকশান দিয়ে ঘুম পাড়িয়ে দিল, তারপর ছোট একটা পানির ট্যাংকে তাকে বসিয়ে দিল। ধরাধরি করে তখন সেই ছোট ট্যাংকটাকে বড় একটা পিক আপ ট্রাকে নিয়ে তুলে ফেলল। ঠিক যখন পিক আপ ট্রাকটা স্টার্ট নেবে তখন হঠাৎ করে পুরো এলাকটা একটা গাড়ীর হেড লাইটে আলোকিত হয়ে গেল। শমশের নিচু গলায় বলল, “আর চিন্তা নাই।”

“কেন?”

“স্যার এসে গেছেন।”

“সিংগাপুর থেকে?”

“সিংগাপুর থেকে আগেই এসেছেন। আমি গোলমাল দেখে খবর পাঠালাম স্যারকে।”

গাড়ীটা নদীর ঘাটে থামল। সেখান থেকে ইশতিয়াক সাহেব খুব ধীরে সুস্থে নামলেন তার সাথে যে মানুষটি নামলেন তিনি নিশ্চয়ই খুব বড় কোন মানুষ হবেন কারণ তাকে দেখে সাদা পোষাকের পুলিশেরা খুব জোরে জোরে স্যালুট দেয়া শুরু করল।

ইশতিয়াক সাহেবকে দেখে নীলা প্রায় চিৎকার করে কেঁদে উঠে বলল, “আব্বু দেখ টুশকিকে নিয়ে যাচ্ছে!”

ইশতিয়াক সাহেব খুব বিচলিত হলেন বলে মনে হল না। হাসি মুখে বললেন, “তাই নাকী?”

“হ্যাঁ, আব্বু। তুমি কিছু একটা কর, না হলে একুনি নিয়ে যাবে।”

“তোরা যা কাভ করেছিস আমার আবার কী করতে হবে? পুরো ওয়াটার ওয়াশ নাকী জ্বালিয়ে পুড়িয়ে দিয়েছিস?”

“আমার মোটেই জ্বালাই নি আব্বু। পাবলিক জ্বালিয়েছে।”

ইশতিয়াক সাহেব হো হো করে হেসে উঠে বললেন, “বাংলাদেশের পাবলিক খুব জ্বালাতে পোড়াতে পছন্দ করে, তাই না ?”

নীলা রাগ হয়ে বলল, “আবু তুমি এখনো হাসছ ? তুমি জান ওরা টুশকিকে কী করেছে ?”

ইশতিয়াক সাহেব সাথে সাথে গম্ভীর হবার ভান করে বললেন “ঠিক আছে মা এই দ্যাখ হাসি বন্ধ করলাম ।”

ইশতিয়াক সাহেব পিক আপ ট্রাকটার দিকে হেঁটে যেতে শুরু করলেন এবং প্রায় সাথে সাথেই পিক আপের ভিতর থেকে ওয়াটার ওয়াল্ডের একজন দেশী এবং একজন বিদেশী মানুষ নেমে এল । ইশতিয়াক সাহেব এগিয়ে গিয়ে খুব হাসি হাসি মুখে বললেন, “আমার নাম ইশতিয়াক আহমেদ । এই যে ছোট ডেঞ্জারাস মেয়েটা দেখছেন তার নাম বকুলাপ্ত, তার যে বন্ধু সে হচ্ছে নীলা আর আমি হুজি নীলার বাবা । তনলাম আমার মেয়ে আর বকুলাপ্ত নাকী কী একটা গোলমাল করেছে ?”

মানুষটা শুকনো গলায় বলল, “আমার নাম আবু কায়সার । আমি ওয়াটার ওয়াল্ডের জি.এম. । এখানে সব মিলিয়ে দশ মিলিওন ডলার ইনভেস্টমেন্ট হয়েছে, আরো আসছে । আমরা এখানে এই ধরনের বাংলা নাটক--”

“আপনার কী আধঘন্টা সময় হবে ?”

মানুষটা ধতমত বেয়ে বলল “আধঘন্টা ? কেন ?”

“পুরো ব্যাপারটা তাহলে ভাল করে সেটল করে ফেলতে পারতাম ।”

“আমি ঠিক জানি না আপনি কী ভাবে সেটল করতে চাইছেন ।” মানুষটা রাগ রাগ মুখে বলল, “কিন্তু আপনাকে আমি একেবারে পরিষ্কার বলে দিচ্ছি আমরা এই প্রজেক্টে একেবারে কোনরকম ঝামেলা সহ্য করব না । নো ওয়ে ।”

ইশতিয়াক সাহেব হাসি হাসি মুখে বললেন, “ঠিক আছে । কিন্তু আমার আধঘন্টা সময় চাই ।”

“ঠিক আছে ।”

ইশতিয়াক সাহেব যেন খুব একটা বড় ঝামেলা মিটে গেছে সেরকম ভান করে ডাকলেন, “শমশের ।”

শমশের নিঃশব্দে এগিয়ে এসে বলল, “জী স্যার ।”

“আমার সময় মাত্র আধঘন্টা । তার মাঝে আমি পুরো ঝামেলাটা মিটিয়ে ফেলতে চাই ।”

“ঠিক আছে স্যার ।”

“কতক্ষণ লাগবে তোমার ?”

শমশের হাতের আঙুলের দিকে তাকিয়ে থেকে বলল, “পুরোটাই কিনে ফেলাবেন ?”



“হ্যা, ওয়াটার ওয়ার্ল্ড পুরোটাই কিনে ফেলব।”

“ফাইনলাইজ করতে সময় নেবে তবে ডিলটা পাকা করে আসতে পারি।”

“কতক্ষণ লাগবে?”

“আপনার গাড়ীটা আর আপনার সেলুলার ফোনটা যদি ব্যবহার করতে দেন তাহলে কুড়ি মিনিটে হয়ে যাবে স্যার।”

ইশতিয়াক সাহেব পকেট থেকে সেলুলার ফোন বের করে বললেন, “নাও।”

শমশের নিচু গলায় বলল, “একটা চেক সাইন করে দিতে হবে স্যার।”

“ও আচ্ছা। ভুলেই গিয়েছিলাম।”

ইশতিয়াক সাহেব চেক বই থেকে একটা চেক ছিড়ে সেটা সাইন করতে করতে বকুলকে ডাকলেন, “বকুলাশু মা, এদিকে শোন।”

বকুল এগিয়ে এল, “জী চাচা।”

“তোমার হাতের লেখা কেমন? নীলার হাতের লেখা একবারে জখন্য পড়ার উপায় নেই।”

“আমারটাও বেশী ভাল না।”

“পড়া যায় তো? পড়া গেলেই হবে।”

“জী পড়া যায়।”

ইশতিয়াক সাহেব পকেট থেকে একটা নোট বই বের করে তার একটা কাগজ ছিড়ে বকুলের দিকে এগিয়ে দিয়ে বললেন, “নাও লেখ।”

“কলম নাই চাচা।”

শমশের একটা কলম এগিয়ে দিল। বকুল কলমটা হাতে নিয়ে বলল, “কী লিখব?”

“লিখ ওয়াটার ওয়ার্ল্ড এর জি.এম. জনাব আবু কায়সার এবং সহযোগী জনাব-” ইশতিয়াক সাহেব হঠাৎ থেমে গিয়ে বললেন, “বিদেশী সাহেবটার যেন কী নাম?”

নীলা বলল, “পিটার ব্লাংক।”

“ও আচ্ছা। লেখ তাহলে ওয়াটার ওয়ার্ল্ড এর জনাব আবু কায়সার এবং সহযোগী জনাব পিটার ব্লাংককে-”

বকুল লেখা শেষ করে বলল, “পিটার ব্লাংককে-”

“তাদের চাকুরী থেকে বরখাস্ত করা হল। তার নিচে আমার নাম লিখে রাখ, শমশের খবর নিয়ে ফিরে এলেই সাইন করে দেব।”

আবু কায়সার নামের মানুষটার চোয়াল ঝুলে পড়ল এবং সে মাছের মত ঋষি খেতে লাগল। সে এখনো ব্যাপারটা বিশ্বাস করতে পারছে না। বিদেশী সাহেবটা কী হচ্ছে বুঝতে না পেরে বৃথাই একবার ইশতিয়াক সাহেবের দিকে আরেকবার আবু কায়সারের দিকে তাকাতে লাগল। ইশতিয়াক সাহেব এবারে তাদের পুরোপুরি অগ্রাহ্য করে নদীর দিকে তাকিয়ে রইলেন।

বকুল কাগজটা ইশতিয়াক সাহেবের দিকে এগিয়ে দিয়ে বলল, “এই যে চাচা লিখেছি।”

“থ্যাংকু মা।”

নীলা এগিয়ে এসে তার বাবার হাত ধরে বলল, “থ্যাংকু আকু।”

“ইউ আর ওয়েল কাম।”

“তুমি ওয়াটার ওয়ার্ল্ড কিনে ফেলবে জানলে আমরা একেবারে ভাংচুর করতে দিতাম না।”

“সেটা নিয়ে মাথা ঘামাস নে। নতুন ওয়াটার ওয়ার্ল্ড হবে চন্দ্রা নদীর তীরে পলাশপুর গ্রামে। সেখানে কোন টুশকিকে বন্ধী করা হবে না- তারা স্বাধীন ভাবে ঘুরে বেড়াবে। সেই খেলা দেখার জন্যে কোন পরিসাও দিতে হবে না কাউকে।”

“সত্যি বাবা?”

“সত্যি নয়তো কী মিথ্যা নাকী?” ইশতিয়াক সাহেব বকুলের দিকে তাকিয়ে বললেন, “তুমি পারবে না চালাতে।”

“পারব চাচা।”

“ওউ।” ভাল একটা নাম দিতে হবে। বাংলা নাম- ওয়াটার ওয়ার্ল্ড একটা নাম হল নাকী? ছিঃ!”

humambd@gmail.com

[www.banglabook.com](http://www.banglabook.com)

১০

শেষ খবর অনুযায়ী পলাশপুর গ্রামের চন্দ্রানদীর তীরে গুস্তক এবং নানাধরণের জলজ প্রাণী সংরক্ষণের একটা কেন্দ্র খোলা হয়েছে। কয়েকজন জীব বিজ্ঞানী এবং টেকনিশিয়ান মিলে সেখানে কাজ করে যাচ্ছে। গুস্তকদের সাথে মানুষের ভাব বিনিময় করার জন্যেও ব্যবস্থা নেওয়া হয়েছে বকুল খুব ব্যস্ত তাই নিয়ে।

এখনো ভাল একটা বাংলা নাম খোঁজা হচ্ছে কেন্দ্রটার জন্যে, যদি পাওয়া না যায় এটাকে “বকুলান্ন জলজ প্রাণী কেন্দ্র” নাম দিয়ে দেবেন বলে ইশতিয়াক সাহেব হুমকি দিয়েছেন।

বকুল প্রতি রাতে তাই বাংলা ডিকশনারী ঘাটাঘাটি করছে, খুব লাভ হচ্ছে বলে মনে হয় না।

